

上清三尊譜錄







御製

天地定位 陰陽協和 星辰順度 日月昭明  
寒暑應候 雨暘以時 山嶽靖謐 河海澄清  
草木蕃廡 魚鼈咸若 家戶寧寧 衣食充足  
禮讓興行 教化修明 風俗敦序 刑罰不用  
華夏歸仁 四夷賓服 邦國鞏固 宗社尊安  
景運隆長 本支萬世 正統十年十月十一日



上清三尊譜錄

騰一

无上九天丈人三尊譜錄真人曰自

三皇五嶽五千文經等皆修存禮此  
三尊也此即金明初應之法門矣十  
方天人有我師金明如是法者即與  
我同明於玉界也可止從此寫取神  
真圖錄矣前者勿  
輒寫恐其獲罪也

第一度師上玄真明道君即元始上法姓盭

真人曰即  
止音无也法諱翳真人曰即正  
音延世音也法字堯真人

曰即正音  
觀无觀也形長丈八身相金容體洞七寶

項薄五色圓明頭冠暉耀流精玉冠衣九

暉飛陵之衣披流光雲明飛玄無縫自然

寶帔帶日月之珠佩流明耀雷炎光火玉  
之綬上蓋七寶飛瓊華蓋足踐三天明霄  
之上坐即五色獅子之座左右前後玉童  
玉女三萬真人恒燒香散華侍於道前四  
面列真无鞅之衆並衣飛天明光之服同

騰一

坐自然靈花之座上道君真形景常在上  
清之上金相宮中瓊天府八明鄉之真里

真人曰十方天人受道當存我師具相如是也即上徹无上神光下映爾身真降兆  
矣即心存真畢心願而祝曰  
禮三拜

願无極上玄真元始天尊降某歷世存亡



羽明飛車普得度脫十苦八難上昇十方  
飛天无上福堂受慶懽樂逍遙七寶林中  
天下並蒙開度一切結惑莫不釋然其身  
得道之日昇入无形

第二度師无上玄老

即高上九天太上真王是也

法姓奎

真人曰即正音虛无也

法諱柰

真人曰即正音上觀洞也

法字烝

真人曰即正音運梵靈也

形長丈八身相金光寶耀體

洞朱日項薄九色相輪頭冠金華流明玉  
冠衣三色飛錦之衣披雲明鳳綵飛綾无  
縫自然寶帔帶晨光日鈴雙珠明月佩神

金明光玉綬上蓋飛雲七寶華蓋足踐九  
天明霞之上坐即九色獅子之座左右前  
後玉童玉女亦三萬真人恒燒百和合香  
散即流雲五色之華侍於道前四面列真  
无鞅之衆並衣飛天七寶之服同坐自然

騰一

二

七色蓮花之座上道君真形景常在上清

金蘭宮中太極府開明鄉通真里

真人曰  
存師具

相舉即神光下映爾  
身矣即心禮三拜

存真畢心願而祝曰

願无上太上天尊普開大慈无量法乘以

濟十方天地帝王國主承平國祚長存一



切臣民億兆並蒙福祐下及其歷世存亡  
凌虛九天上昇玄都無極道前天下怨親  
平等罪對靡不釋然其等得道之日昇入  
无形

第三度師真人曰即兆應現在度法姓奎真人

曰即正音法諱真人曰即正音法字真人

虛玄妙也形長丈八身相金容寶耀同煥

曰即正音十方項薄七寶相輪頭冠金光飛精百變

玉冠衣流光自然雲錦之衣披飛森霜珠

自然大光寶帔帶日月明相之鈴佩流金



飛電玉綬上蓋明光九色寶蓋足踐玉真  
九天飛霞三華之上坐即錦雲龍煙之座  
左右前後玉童玉女亦三萬真人恒燒百  
和合反生靈香散即流雲九色之華侍於  
道前四面列十方至真无鞅之衆並衣飛

騰一

天之服同坐自然反生靈花之座也金明

三

真形景常在上清玉真高上九天金相洞

明玉國丹靈上宮開清神府九真鄉上景

金輪里

真人曰薨應世現在度師爲法化  
天人之師也兆存師具相畢即神

光下映爾身矣  
即心禮三拜

存真畢心願而祝曰

願三尊開度某歷世億曾萬祖永昇福界  
形受光相劫劫長存諸隱居山栖學真同  
志士俱得道真雲車綠輶速得降某得道  
之日昇入无形

序金明玄應品

虛无真人曰我師金明昔來應赤明之運時  
與高上九天上皇元君

真人曰元君者即九天上玉虛真王道君  
之號矣治在九天明真臺上也

九天上皇老君

真人曰老君即高上玉虛太上老君也亦  
號高上玉帝或號洞真帝一君矣治於上  
清九霄之臺也

俱乘日月玉輪之車遊於太无明霄廣漠之  
上周盼八浩之外歷觀九元之煙化迴登洞  
羅浮廣通梵天

真人曰此天即玉虛南極飛天上九朱天  
之正名也乃玉清翼曰虛皇大道君所治  
處也

金明玉國



真人曰即諸天中一域之總號也唯八極  
虛皇帝之所遊其中有三光流明金晨寶  
闕裏有三萬層自然玉文寶宮四面並是  
飛晨玉暉照耀光明其宮即亦曰虛皇君  
所居也亦是玉真金仙之所栖處矣

騰一

四

### 洞明玉臺

真人曰此臺即玉虛南上朱陵之臺名也  
臺高萬仞其間皆是流精寶耀玄輝明珠  
玉光也凝然而立爲此靈臺臺自然光明  
煥徹洞虛照耀映朗南方无量諸天也亦

是玉清上明太上玉皇君所居處矣

### 靈都洞中

真人曰靈都者即朱天上元虛皇大道君之上都其中有三元洞天上洞大寂之界下通无窮之域中有三元元氣丈人所治洞天中有自然流明玉精朱霞鳳彩日月暉曜飛霄晨之煙常勃炎於三元狀似流火之盛也即是元一先於此冶鍊大有真文至今有此上妙之靈藏也故號曰洞耳夫得道真人昇騰之者莫不先詣於南朱



洞天以鍊質尸氣更受明相瑩發金容寶  
耀莊嚴妙形具足即體同未日之盛明矣  
方得乘虛駕浮上登妙寂之上光相威明  
即森麗十方可謂身受長存於斯畢也  
以玄元元年歲在甲午正月一日午時同諸

騰一

五

大光元始三尊奉受洞玄靈寶元始五老赤  
書真文

真人曰此年號日月皆是赤明劫中時也  
太光元始三尊即元高虛皇元始是也至  
乎上皇元年已經五劫矣



爾時三尊降受登玉寶長明之壇

真人曰玉寶者朱天之中央自然流金玉  
精日月華光而凝真結寶爲此壇壇即九  
重以應九天之數高九千仞明照十方即  
金明之所登玄應受事於元始天尊時也

九天真皇无上三天真王元始五老監度告  
誓天地水三官爲盟約唯真是慕

真人曰唯真是慕者玄聖所應妙化方興  
大乘引接普惠无窮周遍六道大慈大悲  
廣濟十方法藏清虚无塵慾澤淨若妙鏡

即非與爲點同行直誓法頂明盛明於四  
象凝然湛寂不可以常理所指亦非仁智  
能象之

十方俱明

真人曰爾時十方天地俱感瑞應七寶如

兩十方天人受福幽顯同慶九千餘年日  
月停輪也

九天同證

真人曰即真皇真王於斯證明也

以擬合真之人



真人曰此說即是其運未行故簡合道法  
相人也若非金骨玉藏便不得受矣自非  
名書帝簡玄圖者亦不得傳也

開度无量長充十方福橋

真人曰若无九天運文靈寶即下教救世

騰一

六

於季劫之末故普濟十方咸令得免水火  
之災度之无量故不揀善惡有歸依法乘  
者悉得度於福岸以遺種人之後天也自  
非靈寶之功何能致此可謂賢劫方值靈  
寶下教雜法偽道俱自消滅獨此法之興



矣故知无量度人普惠萬生也是以慈法  
饒益十方常以大慈心故潤及三界廣利  
无礙智照羣生能成就一切天人法行定  
心取寂令衆修習寂樂斷无明業念念歸  
空故以示尊經三十六部妙唱之旨備此  
空有種種因緣成示相煩惱結惑示衆生  
苦對未斷未盡之報生死本業故開妙善  
大行之門令蒼生正見罪福无差令修十  
誠歸依十善爲勝之力十二可從依行明  
律以攝受羣迷以悟彼大寂勝界往拔三

徒即使冤親平等自非靈寶之功何致此也

虛元真人曰夫正法者則以正覺應於正教以悟羣迷覺於正道也妙理淵玄實非仁智所論矣豈敢於身心之所擬哉且三尊所應

騰一

七

隨運周徧靡不備焉隨劫應現或出或處妙化之由若非斯應誰復當之則神奇之妙至於聖智乃實玉天之靈近以示大道之源澳法性淵微故超九清之外通悟萬道於未肇之天而為應也其功耀於四象赤暉啓闔於



混然二儀從之以得制於是靈圖煥妙八會  
應於太溟之中是以羣方朗覺於斯矣但幽  
沈既曉昏睡普悟即因斯樹言言而詮理然  
有立教上聖既冲霞之發可謂化主宜應所  
感獨能无礙於萬物故引慧力而從化功所  
謂道是窮微極化之尊妙妙絕稱大藏之主  
若指其源趣則淵海莫比故非言象之所能  
則空心眇眇非三界等議功超羣數之端實  
挺心絕識之域自之无爲无名而无不爲非  
空之空无形而无不形則是萬法俱集而无



象不應非空寂之太寂无靈不應无祖无宗  
空无而不无空之所應也彌玄十方布於冲  
漠是事皆任无事不任同會一趣故能統濟  
羣生弘焉於萬象之上獨立萬機之表億劫  
千慶常爲上真栖神之寂界矣大道无極之

眇眇豈能以形言指之而論其妙域哉但羣  
生頓寢爲日已久非應不覺非化莫曉所以  
致我師金明從神天而來降焉保茲劫會正  
道下教似若晨燈之光耀有如玉真之妙鏡  
初應也能使神真妙覺洞照十方流明三界

亦乃六道開泰弘暢諸天光烈衆聖非唯永  
誓妙寶之珍亦長爲萬法之母故得永濟苦  
海於季劫即任彼蒼生至心歸依其福立然  
可謂六度四等三明並照羣方俱達神慧洞  
徹幽顯更無隔越三寶之盛於斯隆矣蓋金

勝一

八

標金明受事者此即赤明之應數也若取其  
妙體終無二也實稟自然之然哉復何師友  
於已乎歸則一矣應則數矣非我智之能究  
玄宗之妙蹟也既被金明命使令撰三尊譜  
錄敢以管窺而爲注之乎故記以示來運後



學同志諸子矣

金元高上天寶玉皇曰是時

太元玉天高祖虛皇道君无上玉清虛无真人无上九天丈人等

金真曰如是三真皆金明上妙入寂洞經

弟子也

各被金明使譔三尊玉傳譜錄立成妙品金章上篇玉經一卷即以上簡元一天尊御前爾時天尊以付三寶玉皇掌錄藏之於太元玉天天寶紫耀金暉流明大光寶皇上宮以



玉天十方金晨玉童各三十六真人恒燒自  
然百和合反生靈香散即五色流雲百寶之  
花侍衛三尊譜錄玉經也十方諸天修上道  
至人若值明運有得三尊譜經者即當與三  
寶同臺而寶錄之此即至真上妙真之真業  
矣

佛一

九

金真曰有奉玉經者當以三洞妙經同處  
供養尊禮朝拜也勿得泄慢穢藉於三尊  
矣侍經金晨之童即奏爾罪於天寶風刀  
立然而生於爾身也

金明曰天人有得我道者可隨其法次第高下當素書其所應三尊譜錄玉經也以錦線之囊盛經與三洞經同處供養爾若無三洞經供養處者可安置別室如供養三洞經也朝夕燒香禮拜矣

爾時修行尊敬不離法則必存朝拜不去須臾者三尊道眼久自玄鑒爾心即致感十方洞至真通妙寂降飛真昇玉界入无形受長存體金靈也於斯玉童侍側道真成矣

金真曰爾能存敬尊奉玉經者即十方諸



善大聖天神及三界官屬俱來營衛爾之  
門庭恒朝禮其文也天真亦當月三下降  
朝禮三尊譜錄況復鬼神守護天人侍衛  
可不尊而奉焉

金明曰三尊者即三寶也道之上妙其尊无

極无上无窮无量无高无下可謂無極也可  
慎之慎之我今故重誠之誠之保爾成真於  
斯矣爾若无三尊玄應者誰當相度於空寂  
之大寂焉

金真曰其經金明乃從无量劫來以度十

方諸天至真大聖尊神也若非法輪之運  
而莫值斯者也

上清三尊譜錄







靈寶自然天生神三寶大有金書





靈寶自然九天生神三寶大有金書

騰三

天寶君者則大洞之尊神天寶丈人則天寶  
君之祖炁也丈人是混洞大元元高上玉皇  
之炁九萬九千九百九十億萬炁後至龍漢  
元年化生天寶君出書時號高上大有玉清

宮

靈寶君者則洞玄之尊神靈寶丈人則靈寶  
君之祖炁也丈人是赤混太无元上玉虛之  
炁九萬九千九百九十九萬炁後至龍漢開  
圖化生靈寶君經一劫至赤明元年出書度

人時號上清玄都二京七寶紫微宮

神寶君者則洞神之尊神神寶丈人則神寶君之祖炁也丈人是冥寂玄通元上玉虛之炁九萬九千九百九十萬炁後至赤明元年化生神寶君經二劫至上皇元年出書時號

騰二

一

三皇洞神太清太極宮此三號雖年殊號異本同一也分爲玄元始三炁而治三寶皆三炁之尊神號生三炁三號合生九炁九炁出乎太空之先隱乎空洞之中無光無象無形無名無色無緒無音無聲道運御世開闢玄



通三色混沌乍存乍亡運推數極三炁開光  
炁清高澄積陽成天炁結凝滓積滯成地九  
炁列正日月星宿陰陽五行人民品物並受  
生成天地萬化自非三元所育九炁所導莫  
能生也三炁爲天地之尊九炁爲萬物之根

故三合成德天地之極也人之受生於胞胎  
之中三元育養九炁結形故九月神布炁滿  
能聲聲尚神具九天稱慶太一執符帝君品  
命主錄勒籍司命定筭五帝監生聖母衛房  
天神地祇三界備守九天司馬在庭東向讀

九天生神寶章九過男則萬神唱恭女則萬  
神唱奉男則司命敬諾女則司命敬順於是  
而生九天司馬不下命章萬神不唱恭諾終  
不生也夫人得還生於人道濯形太陽驚天  
駭地貴亦難勝天真地神三界齊臨亦不輕

騰二

二

也當生之時亦不爲陋也所以能愛其形保  
其神貴其炁固其根終不死壞而得神仙骨  
肉同飛上登三清是與三炁合德九炁齊并  
也但人得生而自不能尊其炁貴其形寶其  
命愛其神自取死壞離其本真耳九天生神



章乃三洞飛玄之炁三合成音結成靈文混  
合百神隱韻內名生炁結形自然之章天寶  
誦之以開天地之光靈寶誦之以開九幽長  
夜之魂神寶誦之以制萬靈太一誦之以具  
身神帝君誦之以結形九天誦之以生人學  
士誦之以昇天鬼靈聞之以昇遷凡夫聞之  
以長存幽魂聞之以開度枯朽聞之以發煙  
嬰孩聞之以能言死骸聞之以還人三寶神  
與萬品生根故非鬼神所知凡夫所聞也夫  
學上道希慕神仙及得尸解滅度轉輪終歸

仙道形與神同不相遠離俱入道真而無此文則胞胎結滯死氣固根真景不守生炁無津九戶闕塞體不生神徒受一形若寄然而行學得此法可坐致自然三寶尊重九天至真秘之大有九重金格紫陽玉臺自非天地

騰二

三

一開其文不出元始禁書非鬼神所聞竊之者風刀萬劫魂死無生依科遵奉形神同仙三元宮中宿有金名紫字刻書來生應為三清神仙之人當得此文有其緣會當齋金寶奉師效心依科盟受閉心奉行慎勿輕泄風



刀考身修行之法十日長齋不關人事諸塵  
漏盡夷心默念清香執戒入室東向扣齒九  
通調聲正炁誦詠寶章誦之一過聲聞九天  
誦之二過天地設恭誦之三過三界禮房誦  
之四過天王降仙誦之五過五帝朝真誦之  
六過魔王束身誦之七過星宿停關誦之八  
過幽夜光明誦之九過諸天下臨一切神靈  
莫不衛軒一過徹天胞原宣通二過響地胎  
結解根三過神禮魂門練仙四過天王降仙  
魄戶閉關五過五帝朝真藏府清涼六過魔

王伏諾胃管生津七過星宿朗明孔竅開聰  
八過幽夜顯光三部八景整具形神九過諸  
天下臨三關五藏六府九宮金樓玉室十二  
重門紫戶玉閣三萬六千關節根源本始一  
時生神九過爲一徧一徧周竟三界舉名五  
帝友別稱爲真人十徧通炁制御萬靈魔王  
保舉列上諸天百徧通神坐致自然太一度  
符元君受生千徧通靈坐在立亡仙童玉女  
役使東西萬徧道備馳騁龍駕白日登晨  
元始天尊時靜處閒居偃息雲宮黃房之內



七寶幃中熙夷養素空碧練真耽咀洞慧俯  
研生神理微太混嘯朗九天是時飛天太聖  
無極神王玉輔上宰四協侍晨清齋建節侍  
在側焉憑瓊顏而妙感仰靈眸而開矜竊神  
章而踴躍餐天音而蒙生敢乘機而悟會冒

騰二

四

靈盼而披心於是飛天大聖無極神王前進  
作禮稽首而言上白天尊賤臣幸會得仰侍  
靈軒不以短狹叨濯冥津重悟凝玄位登神  
王總御生死領括天仙賞監七覺遠覽遐方  
雍觀上宰對司侍晨方當乘機應會履九太

陽洞理陰符撫掌兆民大運將期數終甲申  
洪流蕩穢凶災彌天三官鼓筆料別種人考  
筭功過善惡當分自赤明以來至上皇元年  
依元陽玉匱受度者應二十四萬人開皇以  
後數至甲申諸天選序仙曹空廢官僚不充  
遊散職司皆應選人依元陽玉曆當於三代  
更料有心積善建功爲三界所舉五帝所保  
名在上天者取十萬人以充其任又當別舉  
一十二萬人以充儲官如此之例或以宿名  
玄圖或以骨像合仙或以滅度因緣轉輪或



以篤好三寶善功徹天或供養師寶爲三官  
所稱或修齋奉戒功德積感或施散財寶建  
立道堂或救卹窮乏濟度天人或爲三師建  
功充足天官有名考筭簿錄三官相應皆逆  
註種名上下有別毫分無遺又九幽之府被

騰二

五

東華青宮九龍符命使拔九幽玉匱男女死  
鬼宿名有善功德滿足應受開度者取三十  
二萬人以充甲申驅除之後開大有之民當  
此之時生死交會善惡分判得過者真爲樂  
哉然三官相切文墨紛紜龍門受會烏母督

仙萬聖顯駕晝夜無間功過平等使生死無  
偏此之昏闇亦臣之憂矣大期既切觸事闕  
替恒恐一旦受罹公門伏聞天尊造大慈之  
化垂憐蒼生開九天之奧以濟兆民明科有  
禁戒非賤臣所可參聞然大數有期甲申垂  
終運度促急大法宜行使有心者得於考筭  
之中聞於法音開示於視聽勸化於未悟者  
也緣茲上陳懼觸天顏願見哀愍賜所未聞  
於是  
天尊撫几高抗凝神遐想仰誦洞章嘯詠琳



琅良久忽然嘆曰上範虛漠理微太幽道達  
重玄炁冠神霄至極難言妙亦難超予既司  
帝位受任神王飛天翼於瓊闕四宰輔於明  
輪遐盼極覽領綜無窮雍和萬化撫料蒼生  
今大運啓期三五告辰百六應機陽九激揚

洪泉鼓波萬災厲天四宮選舉以充種民三  
代昏亂善惡宜分子當勞心兆庶疲於三官  
興廢之際事須開能今以相委其勉之焉寶  
書妙重九天靈音施於上聖非鬼神所聞明  
真有格四萬劫一行今冒禁相付子祕之矣

慎勿輕傳登命九天司馬侍仙玉郎開紫陽  
玉笈雲錦之囊出九天生神玉章四輔列位  
五老監真太一命辰王帝唱盟一依俯仰明  
真具典南向長跪以付飛天無極神王法事  
既畢諸天復位

騰二

六

天尊重告飛天神主此九天之章乃三洞飛  
玄之炁三會成音結成真文混合百神隱韻  
內名故太一試觀攝生十方領會洞虛啓誓  
丹青自無億劫因緣宿名帝圖不得參見得  
眇篇目九祖同仙當採擇其人應爲仙者七



百年中清齋千日齋金縉誓心依盟以傳慎  
之則享祚漏之則禍臻享祚則福延九祖德  
重山海招禍則考流億劫痛於毒湯風刀相  
刑可不慎之焉

始青清微天寶章

元始洞空無	三炁精上門	紫容觀太空
四明植靈根	妙化發東瓊	三翩起西崑
號應九玄清	五華帶錦雲	離羅煥神燈
七精耀北玄	飄飄上清畿	奕奕帝一尊
落落高上章	羽童何紛紛	流香本無色

洞入萬仙羣

左迴三流劫

右轉九天關

金華纓玉童

八風舞空輪

四時無停機

青白早明分

九九改劫運

三三度一春

天地有終會

祕激歸在翻

洞明正一法

嚴修六天文

太平返空無

奉翊後聖君

應二

七

元白禹餘靈寶章

靈風起西門

錦雲生東瓊

三炁煥玉洲

流香乘東輕

玉華披風散

倏忽朗九清

靄林耀朱日

黃水逐月生

中有採芝童

水羽戴飛青

飊景萬領風

逍遙宴綠輶



總御九空輪

運開萬稽程

左命三天文

右攝六天兵

檢炁返空洞

六度應運傾

劫運自有會

誰測敗與成

弘波輪靈竅

六合無遺形

白屍漂長流

孤寬因復靈

悲此去來際

乃覺正法明

至學加精修

東華結瓊名

欣有白簡人

相與樂太平

玄黃太赤神寶章

洞關運天綱

五炁輪三微

紫戶吐瓊簡

金門納神暉

八會交真風

晃朗重名開

天際九清外

落落高神迴

三色返空無

四候應玉畿  
河侯已鼓筆  
五行潛相推  
六度無終劫  
運極乘炁歸  
萬魔羅天布  
羣兇竟吐威  
兆民負災衝  
積屍令人悲  
妙哉正法文  
理劫明不衰  
至時奉相迎  
契在九天飛  
與爾期太平  
放心無翮飛

靈寶自然九天生神三寶大有金書





元始上真衆仙記





元始上真衆仙記

葛洪枕中書

鳴三

洪歷觀天地之寶藏上聖之宮第至上之尊  
神仙圖記猶未知極妙之根以去月乙丑夜  
半靜齋於羅浮山忽驚風駭起香馥亂芳龍  
鳴虎嘯躑躅空中有頃之間紫雲覆林忽見  
一真人眼瞳正方項負圓光天顏絕世乘白  
麟之車建九旄之節腰帶瓊文鳳繡之錦旂  
頭戴六通之冠年可二十許侍者執夜光之  
火玉羽衛可有千人自號玄都太真王問曰

子是葛洪乎何爲而希長存洪稽首披陳長  
跪執禮神告余曰子是籍九天之嘉慶乘運  
挺英復千年之後太清有仙伯之名今當遠  
變去世卜宅西鄉相攜於太華之上丹宮之  
中且還時朝以龍淵代身密乎寂往莫識今

晴三

真子窮翫墳典聰秀逸羣解滯悟惑可謂妙  
才矣但未知真仙之宮第上聖之所由耳吾  
今行矣相告計共事不復爲久也洪因伏叩  
頭於是真神即令侍者執筆摩紙口授妙言  
既畢左手授與洪云吾往方丈簡仙官致復



相過子勗之焉吾去矣見駕乘舟舟而高乃  
失所在也

真書曰昔二儀未分溟滓鴻濛未有成形天  
地日月未具狀如雞子混沌玄黃已有盤古  
真人天地之精自號元始天王遊乎其中頌

洋經四劫天形如巨蓋上無所係下無所根  
天地之外遼屬無端玄玄太空無響無聲元  
氣浩浩如水之形下無山嶽上無列星積氣  
堅剛大柔服結天地浮其中展轉無方若無  
此氣天地不生天者如龍旋迴雲中復經四

劫二儀始分相去三萬六千里崖石出血成  
水水生元蟲元蟲生瀕牽瀕牽生剛須剛須  
生龍元始天王在天中心之上名曰玉京山  
山中宮殿並金玉飾之常仰吸天氣俯飲地  
泉復經二劫忽生太元玉女在石澗積血之

勝三

中出而能言人形具足天姿絕妙常遊厚地  
之間仰吸天元號曰太元聖母元始君下遊  
見之乃與通氣結精招還上官當此之時二  
氣絪縕覆載氣息陰陽調和無熱無寒天得  
一以清地得一以寧並不復呼吸宣氣合會



相成自然飽滿大道之興莫過於此結積堅  
固是以不朽金玉珠者天地之精也服之與  
天地相畢元始君經一劫乃一施太元母生  
天皇十三頭治三萬六千歲書爲扶桑大帝  
東王公號曰元陽父又生九光玄女號曰太  
真西王母是西漢夫人天皇受號十三頭後  
生地皇地皇十一頭地皇生人皇九頭各治  
三萬六千歲聖真出見受道天文無爲建初  
混成天任於今所傳三皇天文是此所宣故  
能召請天上大聖及地下神靈無所不制故

天真皇人三天真王駕九龍之輿是也次得  
八帝大庭氏庖羲神農祝融五龍氏等是其  
苗胤也今治五嶽是故道隆上代弊極三王  
三王夏禹殷湯周武也是以淳風既澆易變  
而禮興禮爲亂首也周末陽弱而陰強國多

騰三

三

寡婦西戎金兵起而異法興焉既而九州湮  
沒帝業荒蕪此言驗也後來方有此事道隆  
之代其人混沌異法之盛人民猾僞也洪曰  
此事玄遠非凡學所知吾以庸才幸遭上聖  
眇目論天地之奧藏暢至妙之源本輒條所



誨銘之于素以爲絕思矣夫無心分之人慎  
勿以此元始告之也故置遺跡示乎世之賢  
耳

真記曰玄都玉京七寶山週迴九萬里在大  
羅之上城上七寶宮宮內七寶臺有上中下  
三宮如一宮城一面二百四十門四方生八  
行寶林綠葉朱實五色芝英上有萬二千種  
芝沼中蓮花徑度十丈上宮是盤古真人元  
始天王太元聖母所治中宮太上真人金闕  
老君所治下宮九天真皇三天真王所治玉

京有八十一萬天路通八十一萬山嶽洞室  
夫以得道大聖衆並賜其宮第居宅皆七寶  
宮闕或在五嶽或在名山山嶽羣真所居都  
有八十一萬處古今有言九九八十一是終  
天路玉京山也上仙受天任者一日三朝玄

都太上真人也雖有億萬里往還如一步耳  
世人安知此哉衆仙或有日三朝扶桑公或  
三朝西王母玉京金闕是太上真人月三朝  
元始天王太上真人元始之弟子皆如帝王  
有司徒丞相也金闕老子太上弟子也扶桑



大帝元始陽之氣治東方故世間帝王之子  
應東宮也

西漢九光夫人始陰之氣治西方故曰木公  
金母天地之尊神元氣鍊精生育萬物調和  
陰陽光明日月莫不由之精神長存命則無

騰三

四

終抱一不離故能長久天失陰陽水旱不節  
人失陰陽神根命竭世人不能保一守三修  
生反死固其宜矣可後怨耶吾復千年之間  
當招子登太上金闕朝宴玉京也此電頃未  
足爲久今且可浮遊五嶽採靈芝尋隱仙之

友道遙無爲吾言信可望哉

扶桑大帝住在碧海之中宅地四面並方三  
萬里上有太真宮碧玉城萬里多生林木葉  
似桑又有樁樹長數千丈二十圍兩兩同根  
偶生更相依倚名爲扶桑宮第象玉京也衆  
仙無量數玄洲方丈諸羣仙未昇天者在此  
去會稽岸六萬里太清仙伯太上丈人所治  
蓬萊山對東大海之東北岸山週迴五千里  
冥海中濤浪衝天九氣丈人所治

崑崙玄圃金爲墉城四方千里城上安金臺



五所玉樓十二瓊華之屋紫翠丹房七寶金  
玉積之連天巨獸萬尋靈香億千西王母九  
光所治羣仙無量也

廣成丈人今爲鍾山真人九天仙王漢時四  
皓仙人安期彭祖今並在此輔焉

騰三

五

務成子力墨子爲岷山真人今玄子王子爲  
岷山侯

太昊氏爲青帝治岱宗山顓頊氏爲黑帝治  
太恒山祝融氏爲赤帝治衡霍山軒轅氏爲  
黃帝治嵩高山金天氏爲白帝治華陰山

右五氏爲五帝

堯治熊耳山舜治積石山禹治蓋竹山湯治  
玄極山青鳥治長山及馮修山長

右五人爲五帝佐相領五帝事五帝一劫  
遷佐者代焉

許由巢父今爲九天侍中箕山公夏啓周發  
受書爲四極明公或住羅酆或在洞天三周  
大者爲降陵真人二人並在金華山漢高祖  
光武並爲四明賓友周靈王今爲太虛侍郎  
治波龍山樂子長闔家得仙未昇天任並住



方丈之室神州受太玄生籙五芝爲糧也郭  
景純爲都錄司命治虛臺也左元放今爲天  
柱真人監仙侯葛玄受金闕君命爲太極左  
仙公治蓋竹山又在女兒山常駕乘虎騎也  
許映始爲霍林仙人許穆在華陽洞天立宅

爲真人許玉斧在童初之北位爲真人未有  
掌領鮑靚爲地下主者帶潛山真人復五百  
年當爲崑崙兵侍郎鄭思遠住南霍常乘虎豹  
白鹿未有職事蔡鬱壘爲東方鬼帝治桃丘  
山張衡楊雲爲北方鬼帝治羅酆山杜子仁

爲南方鬼帝治羅浮山領羗蠻鬼周乞嵇康  
爲中央鬼帝治抱犢山趙文和王真人爲西  
方鬼帝治嶓冢山

夫地仙遊五嶽朝朝西王母夕憩鍾山嶽雖  
未昇天此歡樂亦難言也及童初之府易遷

騰三

六

之宮唯有此樂也名山之中年年有仙去者  
世人不見不信神仙可哀歎也夫學不顧軀  
命心志清白者吾未見虛往也或修之不勤  
勤而不除貪慾之樂三業十惡未改猶抱石  
而赴長津矣



吳越及梁益風氣清貞故多仙人是以成都之境丹陽之域會稽之東南天路所衝善宜修尚也凡此衆仙及命過受書者巨衆不可具記在小嶽之中者亦略舉之也

鬼谷先生爲太玄師治青城山王子喬爲金

闕侍中治桐栢山赤松爲崑林仙伯治南嶽山王子登爲小有天王治王屋山孤竹伯夷叔齊等並爲九天僕射治天台山孔丘爲大極上真公治九嶷山顏回受書初爲明泉侍郎後爲二天司真七十二人受名玄洲門徒

三千不經北豐之門項儀山爲蓬萊司馬周  
公旦爲北帝師治勁草山莊周爲太玄博士  
治在荆山孫權受任治亦在荆山張道陵爲  
三天法師統御六虛數侍金闕太上之股肱  
治在廬山三師同宅王方平今爲上相治月

騰三

七

支國人鳥山墨翟爲太極仙卿治馬跡山徐  
來勒爲太極真人治括蒼山小宮在天台山  
陳安世治小台山嚴君平今治在峨嵋山屈  
原爲海伯統領八海王弼爲北海監郭聲子  
爲閭風真人魏夫人治南嶽山裴清靈治四



明山馬明生今在鍾山陰長生爲地肺真人  
孫登爲閭丘真人九華真妃治夏蓋山或在  
龍山王長趙昇二人受書爲廬山中正一三  
天都護韓衆今爲霍林真人琅琊于吉爲太  
虛左掾侍史

三茅爲保命定錄司非監在華陽洞府治北  
居棲憩包山有數千小山亦不減百皆是神  
山今略證仙人之數足以令子心堅仰慕矣  
祕之勿宣若高賢心馳嶺外子去世之際可  
緘以示之苟行業不建德務不仁者終天無

令見也凡青嶂之裏千嶺之際仙人無量與世人比肩而不知凡人有因緣者或在深山迷誤入仙家使爲仙洞玉女所留請先功厚也初學道不必入山閉門勤修不雜人物長齋執志或清香灑掃亦能降真矣魏夫人許

氏之徒皆其流也要當捃拾方術真書良久傳影響粗應便當絕迹耳若出入人間暫捨山谷事緣衣服飲食不須與世交當有異矣外和光同塵內守其真一斯言之妙也

元始上真衆仙記





洞玄靈寶真靈位業圖

騰四



洞玄靈寶真靈位業圖序

騰四

夫仰鏡玄精觀景耀之巨細俯眄平區見巖海之崇深搜訪人網究朝班之品序研綜天經測真靈之階業但名爵隱顯學號進退四宮之內疑似相參今正當比類經正讎校儀

服埒其高卑區其宮域又有指目單位上皇道君

五帝七老如此

略說姓名

墨羽孟卓之例是

或任同

比之類是矣

秩異

金闕四帝太極四真及下教之例是矣

業均迹別者

諸步網之

也例如希林真人為太微右公而領九宮上相

未委為北宴上清當下親相識耶諸如此例

難可必證謂其並繼其所領而從高域粗事  
事條辯略宣後章輒以淺識下生輕品上聖  
昇降失序梯級乖本懼貽謫玄府絡咎冥司  
謹依誠陳啓仰希照亮若必不宜然願垂戒  
告今所詮貫者實稟注之奧旨存向之要趣

騰四

祈祝跪請宜委位序之尊卑對真接異必究  
所遇之輕重是以三君共辭先致學未體之  
尤下班居上智有不達之蔽雖同號真人真  
品乃有數俱目仙人仙亦有等級千億若不  
精委條領略識宗源者猶如野夫出朝廷見



朱衣必令史句驪入中國呼一切爲參軍豈  
解士庶之貴賤辯爵號異同乎陶弘景序

洞玄靈寶真靈位業圖

梁貞白先生陶弘景纂

唐天台妙有大師高先生賜紫閭丘方遠校定

玉清三元宮

上第一中位

上合虛皇道君應號元始天尊

左位

五靈七明混生高上道君

東明高上虛皇道君

西華高上虛皇道君

騰四

北玄高上虛皇道君

南朱高上虛皇道君

玉清上元宮四道君 各有諱字

玉清中元宮紫清六道君 各有諱字

玉清下元宮高清四元君 各有諱字



玉清中散位一十君

諱字不顯

右位

紫虛高上元皇道君

洞虛三元太明上皇道君

太素高虛上極紫皇道君

虛明紫蘭中元高上嶠皇道君

三元上玄老虛皇元晨君

三元四極上元虛皇元靈君

三元晨中黃景虛皇元臺君

三元紫映揮神虛生主真元胎君

玉皇太皇君

上皇道君

玉皇道君

清玄道君

上皇天帝

騰四

玉天太一君

太上虛皇道君

太上玉真保皇道君

玄皇高真

太一玉君



高上玉帝

右玉清境元始天尊為主已下道君皆得  
策命學道號令羣真太微天帝來受事並  
不與下界相關白九官已上上清已下高  
真仙官皆得朝宴焉

第二中位

上清高聖太上玉晨玄皇大道君

為萬道之主

左位

左聖紫晨太微天帝道君

左聖南極南嶽真人左仙公太虛真人赤松

子黃老君弟  
子裴君師

左輔後聖上宰西域西極真人總真君姓王諱遠

字方平紫陽君弟  
子司命茅君師

紫清太素高虛洞曜道君

太虛上霄飛晨中央道君赤松

太微東霞扶桑丹林大帝上道君

後聖太師太微左真保皇道君

紫明太微九道高元玉晨道君

紫元太微八素三元玄晨道君

九微太真玉保王金闕上相大司命高晨師



東海王青華小童君

領九宮上相長里先生薛君

周時得道許長史前緣兄也

太微右真公領九宮上相希林真人燕君

從小從

有天王受王君替代

司命東嶽上真卿太元真人茅君

大茅君諱盈字叔申

騰四

左卿仙侯真君許君

諱穆南嶽夫人弟子事晉為護軍長史退居句

曲山

侍帝晨青蓋真人郭君

名世幹

紫陽左真人周君

義山

清靈真人裴君

漢右扶風人漢時得道

靈飛太真太上大夫

侍帝晨東華上佐司命楊君

協晨大夫石叔門

正一羽晨侯公楊子明

玄洲主仙道君太上公子

姓勤主關  
奏仙名

經命仙伯太保真人

八玄仙伯右仙公谷君

正一左玄執蓋郎郝偉玄

繡衣使者孟六奇

太素宮官保禁仙郎裴文堅



左楊王

華仲戒

繡衣使者西林藻

右嬪之姬趙約羅

三天左官直御史管長條

逸域宮

八景城

七靈臺

鳳臺瓊闕

騰四

五

金晨華闕

右位

右聖金闕帝晨後聖玄元道君

壬辰運當下生

右輔侍帝晨領五嶽司命右弼桐栢真人金

庭宮王君

諱晉靈王太子下教

右輔小有洞天太素清虛真人四司三元右

保公王君諱襄魏夫人師下教矣

侍帝晨右仙公許君長史子諱翹

玄洲仙都太上丈人治玄洲紫桂宮玄洲之主矣

太保玉郎李君名飛

侍帝晨觀大夫九宮太傅王晨郎

北牖弟子中候仙人姓范諱遜字度世曾名永漢桓帝侍郎撰魏夫

人傳

女真位

紫微元靈白玉龜臺九靈太真元君



紫虛元君領上真司命南嶽魏夫人諱華存字賢安

小有王君弟子楊君師

八靈道母西嶽蔣夫人

北海六微玄清夫人

上真東宮衛夫人

北漢七靈石夫人

紫清上宮九華真妃姓安晉朝降於茅山

紫虛左宮郭夫人

太極中華石夫人

太真王夫人

滄浪雲林右英王夫人

朱陵北絕臺上嬪管妃

方丈臺昭靈李夫人

北嶽上真山夫人

瓊華夫人

騰四

天

三元馮夫人

右華九成范夫人

紫微左宮王夫人

諱清嫺字愈音阿母第二十六女也

長陵杜夫人

太微玄清左夫人



右陽王華仲飛姬

西華靈妃甄幽蕭

後聖上保南極元君紫元夫人

後聖上傳太素元君

東華玉妃淳文期青童之妹

東宮中候王夫人桐栢真人

太和上真左夫人

西漢夫人

華山夫人

玉清神女房素

西王母侍女王上華

董雙成

石公子

苑絕青

地成君

郭密香

干若賓

李方明

張靈子

太帝宮官

騰四

七

靈林玉女

賈屈庭

金闕宮官

太保侯范法安

經命仙伯牙叔平



東華宮玉女煙景珠

上元夫人侍女宋辟非

主仙道君侍女范運華

趙峻珠

王抱一

華敬滌

李伯益

鮮于靈金

太和殿

寥陽殿

藥珠闕

七映房

長綿樓

第三中位

太極金闕帝君姓李

壬辰下教  
太平主

左位

太極左真人中央黃老君

太極左真人紫陽左仙公中華公子

太極左卿黃觀子

無上真人文始先生尹喜

朱火丹靈宮龔仲陽幼陽

兄弟二人受  
道於青童君

東陽真人陵陽子明

中元老人中央上玄子

北極真人安期生



北極老子玄上仙皇

清和天帝君

南極老人丹陵上真

青精先生太宛北谷子

玄和陰陵上帝

騰四

太極高仙伯延蓋公子

玄洲仙伯

太極左仙公葛玄

吳時下演靈  
實下為地仙

西極老人素靈子期

五老上真仙都老公

撰靈書  
紫文

東極老人扶陽公子

太極左公北谷先生

三天都護王長 趙昇

太極上真公孔丘

明晨侍郎三天司真顏回

玄圃真人軒轅黃帝

玄帝顓頊黃帝孫受靈寶五符

王子帝嚳黃帝曾孫受靈寶五符

帝舜服九轉神丹入於九疑山而得道矣

栢成子高湯時退耕修步綱之道



夏禹

受鍾山真人靈寶九跡法治水有功

周穆王

至崑崙見西王母

帝堯

風后

黃帝師出四扇者

西歸子

未顯

丰車子

未顯

被衣

鑿缺

許由

華封

騰四

蒲衣

莊子云猶是被衣矣

支離

王倪

巢父

卞隨

北人

子州

善卷

馬皇

安公姓陶乘  
赤龍矣

大項名託

右位

太極右真人西梁子文

太極右真人安度明

玄洲仙都絳文期

紫陽真人范明期

鬱絕真人裴玄仁

太玄仙女西靈子都



司馬季主受西靈子都劍解之道

太極仙侯張奉

洞臺清虛七真人

西嶽卿副司命季翼仲甫左元放師

八老元仙

正一上玄玉郎王中鮑丘

南陵玉女

陽谷真人領西歸傳淳于太玄

我山真人右仙公范泊華

陸渾真人太極監西郭幼度

中黃四司大夫領北海公涓子蘇君師矣

太極法師徐來勒吳時天台山傳葛仙公法輪經

邯鄲張君  
庚桑子

蕭史

太上玄一三真吳時降天台山傳葛仙公靈寶經

騰四

十

劉京

玄洲上卿太極中候大夫蘇君名林字子玄涓子弟子周

君師

弄玉

二女白水使者

長桑公子莊子師



韋編郎莊周

秦佚

接輿

伯昏

郗間

老聃

第四中位

太清太上老君

為太清道主  
下臨萬民

上皇太上無上大道君

左位

正一真人三天法師張諱道陵

東華左仙卿白石生

張叔茂

元始天王西王母之師

玄成青天上皇此三人太清尊

南上大道君  
太上丈人

天帝君  
九老仙都君

九氣丈人此並太清三天東宮之真

騰四

中嶽真人高丘子  
景雲真人

鬼谷先生  
泰清王

九天郎吏  
北斗直符七人

定氣真人  
監仙真人

五仙夫人  
郭内夫人



二十四官君將吏

千二百官君將吏二條氣化結成

趙伯玄

劉子先

臧延甫

張子房

甯仲君

燕昭王

茅初成

少室山伯北臺郎千壽

赤松子

大梁真人魏顯仁

華山仙伯秦叔隱

葛衍真人周季通

太和真人山世遠

句曲真人定錄右禁師茅君諱固字季偉為地真

礪冢真人右禁郎王道寧

太清右公李抱祖  
蓬萊左公宋晨生

蓬萊右公賈保安  
潛山真伯趙祖陽

九疑仙侯張上貴  
蓬萊左卿姜叔茂

周大賓

毛伯道

東方朔

彭鏗西入流沙

韓終

劉道恭二人王屋山得道

馬明生

鳳綱



墨翟宋大  
水解

李明雷平  
合丹

淮南八公

黃山君

方明

昌宇

右位

太清仙王趙車子

小有仙王鄧離子

中央真人宋德玄

騰四

樂子長

商西四皓

青烏公

竈封

力牧

莊伯微十二  
漢時  
人

太清仙王李元容

五嶽司西門叔度

中嶽仙卿衍門子

中嶽真人孟子卓

西嶽真人馮延壽

南嶽真人傅先生

青城真人洪崖先生

九疑真人韓偉遠

岷山真人陰友宗

司命太元定錄紫臺四真人

中嶽真人王仲甫

北陵丈人

太玄丈人

北上丈人

南上丈人

太氣丈人

益命丈人

飛真丈人

九道丈人

示安丈人

百福丈人

百千神氣丈人



登天上籙玉女四人

上天玉女三人

三天玉女百人

青腰玉女官十人

下等玉女

北宮玉女

五帝玉女

太素玉女

天素玉女

白素玉女

唐四

平天玉女

六戊玉女

青天益命玉女

神丹玉女

五流玉女

右十五玉女號

高上將軍

衡山使者

上天力士

天丁力士已有上四人名

各領天兵十萬號四將軍

飛天使者

九天使者

九天真王使者

高仙啓天使者

游天使者

太清使者

六乙使者

六丙使者

六丁使者

六壬使者

六癸使者

右十五使者自然之神

東方靈威仰

南方赤熛怒



西方曜魄寶

北方隱侯局

中央含樞紐此太清五帝自然之神

五嶽君而一替年

河侯

河伯此三條是得道之人所補

西嶽丈人

三天玉童

洛水神女此三條亦是學道人

所補

飛天丈人

太一中黃

玄上玉童

猛獸先生此自然之神主天下鬼神禽獸

趙昇期在山王屋

陰長生

劉偉道漢時人

郭聲子洛市中卜

徐季道鵠鳴山

仇季子

張巨君

郭芍藥

王魯連此三人女真

救苦真人君執

司厄

八威

騰四

郭崇子殷人

周君

鹿皮公

司錄君

趙愛兒

十四

司危

司命

除福



帛和

鮑察

葛洪

隱羅浮山

四天官王

佐命君王

九都去死王

太一元君

摩病上元君

三元萬福君

和適夫人

華子期

樂巴

左東无上王

昌命天王

飛真虎王

四海陰王

上虛君

七星瑤光君

夜光夫人

第五中位

九宮尚書

姓張名奉字公先河內人先為河  
北司命禁保侯今為太極仙侯公

領北職位  
在太極矣

左位

左相

清虛真人從小有洞天王  
受王真人替已度上清

騰四

十五

左仙公郭四朝兼玉臺執蓋郎

左仙公王遙甫

赤君弟子齊  
獻公時人

辛彥雲

赤君弟子  
隨師下降

散位

未受  
其職

朱陵嬪丁淑英

管城子

尹虔  
子師



蘇門先生

周壽陵

孟德然

鄭景女師

宋君

李法成

趙廣信師

鄧元伯

王玄甫

霍山人

尹虔子

華山

張石生

為東源伯

李方回

三人並骨時服末

張禮正

衡山漢末服黃精

治明期

衡山

鄭景世

廬江潛山

右位

右相

上巳度清

右保召公奭

從羅南明公受

此

右保司展上公

右真公郭少金

協晨夫人黃景華黃瓊之女

文德右仙監張叔隱

真人禹君章

散位

張重華晉初服胡麻

平仲卿括蒼山受懋境

趙廣信魏末小白山

虞公生海中山

朱孺子赤水山

黃盧子西嶽公姓葛禁氣召龍

孫田廣一名登

縻長生周大賓弟子

許肇先在羅鄴都為漢東明公右司晨

許副字仲先修大洞真經

第六中位



右禁郎定錄真君中茅君治華陽洞天

左位

三官保命小茅君  
三官大理都李豐

三官大理守王附子  
荀中侯不顯名字

白水仙都朱交甫  
北河司命保禁侯桃

騰四

十六

俊  
左理中監韓崇如大府長

史左如司馬

九宮協晨夫人  
文解地上主者

鮑靚南海太守

岱宗神侯領羅豐右禁司鮑元節

地仙散位

許虎牙

名聯字文暉受楊君守一之道

王真

上黨人也

孟君

京兆人也

魯女生

在中嶽此三人受行三一真一

左元放

字仲甫弟子在小姑山

九疑山女真羅郁

今在湘東山

杜陵夫人

宜安宋姬

此二人並受西梁真

人青精方而不書位號未妻何仙且在地真之列

許邁

字叔玄小名眇改名遠遊東華署為地仙矣

翁道遠



姜伯真一云在猛山學道採藥二人映之儔侶

郭聲子

黃子陽一云魏夫人食桃皮師二人葛玄常相隨矣

葛玄字孝先丹陽句曲人稚川之從祖也初在長山乘虎僕鬼無處不至位在太極宮

鄭思遠即葛玄弟子晉永昌元年入括蒼山

戴孟本姓燕名濟字仲微裴君弟子

謝允歷陽人戴孟弟子晉成帝時得道

施存一號婉盆子孔子弟子三千人

劉奉林周時人服黃連

張兆期費長房之師

周君二人俱讀素書七卷得道

雷氏

周氏養龍

姜叔

田公劉安之

裴君時冀州別駕

赤魯斑

即黃初起也

范安遠

賈玄道

李叔勝

言成生

傳道流

四人並隸司命主察試學道者在太山

真人樊子明

龍威丈人

劉少翁

華山

梁伯鸞

樊大夫

吳睦

長安人少為縣吏

朱狔

陳留人昔作劫盜

郭端

潁川人少為縣吏

范伯慈

桂陽人少曾邪病



鮑叔陽

王養伯

段季正

劉偉惠

四人師西靈子都

宋玄德

嵩高

李東

童初府

蕭閑宮

並男

易遷宮

八十三人

含真臺

僅二百人並女真

右位

右理中監劉翊

典柄執法郎淳于斟

理禁張玄賓

王雨水之官亦保命書

童初府師上侯劉寬

即保命府

丞四人趙威伯

主仙籍并暴雨水

樂長治

主災害

鄭稚政

主考注

唐公房

主其死生

明晨侍郎七人比御史中丞

三男真夏馥字子恬陳留人桐栢真人弟

子二人不顯

騰四

十八

四女真周夏友汝南安城人河南尹用暢之女張桃枝沛人司隸朱寓之母二人不

顯

監二人

范幽仲遠西人漠尚書即李整河內人

武解鬼帥者

王延



范糧

傅晃

除街

四人巳度

地仙散位

中嶽仙人宋來子

先為楚市長  
遇馮延壽

中嶽李先生

扁鵲弟子五人

子容

子明

子威

子戲

子游

趙太子

服術者

將先生

支子元之師

支子元

作裴君  
小時師

盧生

侯公

石生

入東海為  
始皇使

林屋仙人王瑋玄

山圖公子

周哀王時大夫  
張禁保之師

赤須子

夏明晨  
之師

青谷先生

劉上縕  
之師

惠車子

淳于典  
之師

石長生

周明晨  
之師

東郭幼平

桃北河  
之師

鄭子真

陽翟  
之師

鄧雲山

唐覽

華山

西河薊公

張理禁  
之師

周正時

刁道林

龍伯高  
之師

郭子華

趙叔達

張季連

三人在  
霍山



趙公成鶴鳴山

修羊公化為白石矣

崔文子

劉根服甘草

白羊公姓不顯名

劉綱妻

陳仲林

趙叔道三人蓋竹山中真人

趙道玄

龔幼節

范丘林女真趙威伯六甲之師

稷丘子

商丘子服菖蒲而不老

介象

介琰白羊弟子

嚴青並善禁氣已上六人善禁効

道君

王世龍許遠遊師

傅太初遠遊之交

李開林遠遊代對者



王少道

李伯山

三人童初  
府標表

傅知禮

女真

竇瓊英

范叔勝

李仲文

韓太華

安國妹李  
廣利婦

劉春龍

王進賢

衍女

趙素臺

熙女

許科斗

長史婦

李奚子

郭叔香

鄭天生

鄧艾母

李惠姑

夏侯氏

張美子

施淑女

續女

宋漂金母

張微子

山外其東者杜契

徐宗度

孫寒華女真

唐四

鮑靚妹

傅和二人合真臺主

晏賢生

二人契友

陳世景

二人契弟子

趙熙

張祖常

呂子華

龍伯高

五人並處方臺

謝稚堅

方山下洞室主者

劉平阿

蔡天生

王伯遼



繁陽子何苗

馮良

郎宗

五人在鹿跡洞

王叔明

鮑元治

尹蓋婦

三人之外餘三十人並北山下絕洞

辛玄子

自云禁无中郎將吳越鬼神之神司

比干

在戎山

李喜

南陽人

務光

第七中位

一 替 酆都北陰大帝

炎帝大庭氏諱慶甲天下鬼神之神之宗治羅酆山三千年而

左位

北帝上相秦始皇

北帝太傅魏武帝

五帝上相未顯

西明公領北帝師周文王比少

賓友晉宣帝  
中護軍周顗

騰四

二十一

東明公領斗君師夏啓

賓友孫策  
右師晨如世中

許肇已度九  
宮位矣

南明公召奭一云東明公已  
度九宮右保公

賓友漢高祖



北明公吳季札

吳王壽夢之子闔閭之叔延陵季子

賓友荀彧

字文若魏武謀臣漢尚書令

趙叔臺

王世卿未顯

此四明主領四方各治一天宮在職一千六百年得補仙官其餘職不得矣

鬼官北斗君周武王

治一天宮

三官都禁郎齊桓公

姓姜名小白

水官司命晉文公

姓姬名重耳

大禁晨二人位比尚書令

漢光武帝

孫文臺名堅

中禁二人位比中書令監

顏懷字思季

楊彪字文光

北帝南朱陽大門靈關侯邾鑒先是高明司

直邾鑒今為之位比尚書僕射

右禁監謝幼興名鯁晉官太常

司馬鄧嶽

右禁監侍帝晨庾元規名亮晉時位比侍中領右衛又云元規前

為中衛大將軍

司馬馮懷字相思晉太常 華歆

長史虞翻字長翔武昌人庾亮江州引為上佐不就



後中衛大將軍孔文舉

名融

長史唐周

為吳尚書

司馬張繡

後漢將軍

監海伯治東海溫太真位比大將軍

長史杜預

晉征南將軍位左傳

騰四

二十二

北帝侍晨八人位比侍中

徐庶

字文直

龐德

字令明

爰榆

字世都

李廣

漢將

王嘉

解結

字叔連

何晏

字平叔

殷浩

字淵源

四明公北斗君各有侍帝晨五人姓未顯

河北侯二人

劉備字玄德

韓遂

右此職統屬仙官

右位

中廐直事四人如世尚書

戴淵字若思晉驃騎

公孫度字叔濟王遼東

郭嘉

劉封備養子

北帝南門亭長二人

郗鑒

周撫字道和代郗鑒



北天脩門郎二人

虞諱

紀瞻

脩門郎八人

北斗君門亦有此職姓名並未顯

北斗君天門亭長二人

臧洪

字子源

王放

晉中書郎

勝四

二十三

期門郎王允之

王敦堂弟

謝鳳

典柄侯范明

周魴

字子魚主察試

北帝執蓋郎顧和

字君孝晉吏部尚書

部鬼將軍王虞

字世將晉時荊州刺史

殺鬼地映日遊

三鬼北帝常使殺人無姓名

西門郎十六人未顯主天下房廟血食之鬼亦應隸四明公

主非使者嚴白虎吳時人為孫策所殺

南彈方侯許副領威南兵千人已度九官末委誰代

主南門鑰司馬留贊長山人為吳將

北彈方侯鮑勛領威北兵千人字叔業魏中丞

主北門鑰司馬韋遵吳時昭孫備門主收執如世羽林監

西河侯陶侃字士行亦領兵數千

長史先用徐寧被彈今用蔡謨字道明晉司徒

廬山侯魏釗會稽人也

南山伯蔣濟字子通魏太尉



此三任各有封掌

泰山君荀顗字景倩

將軍顧衆字長始晉丹陽尹僕射

長史桓範字元則

又云先用賈誼前漢人

司馬曹洪魏武帝操弟字子廉

盧龍公曹仁字子孝魏武帝弟位大將軍

長史司馬未顯

南巴侯何曾字顯孝魏司徒

東越大將軍劉陶字子寄後魏人

右號為四鎮各領鬼兵萬人各有長馬復有小鎮數百各領鬼兵數千人

故

楚嚴公即楚莊王熊鸞

趙簡子此二人先未有職今方受位

項梁成作鄼都官頃者

馬融

王逸少

杜瓊蜀人

劉慶孫與賈誼爭名譽

鄧攸此六人位未顯

膳四

二十四

右鬼官見有七十五職名顯者凡一百一十九人

洞玄靈寶真靈位業圖





元始高上玉檢大錄

騰五



元始高上玉檢大錄

騰五

清虛元年歲在庚寅九月九日上甲直辰元  
始天王長齋上清宮盟无上无巔无色无影  
无形无名无祖无極洞明高上自然无数劫  
道受三元玉檢文三天玉童使付後學有玄

騰五

名應爲上清真人者定名於丹臺金藏玉策  
紫文瓊札奉迎聖君飛行上清宮俯仰洞清  
自然官號侍衛上真檢天檢地檢人招仙制  
魔役靈降致雲車奉迎受法之身如九真玄

科盟文

无上洞清混沌自然左靈飛仙玉虛侍郎九  
千人師青野出自然本靈飛仙玉虛侍郎九





无上洞清混沌自然右靈飛仙玉虛侍郎九  
千人同符並青書

高上空玄元始丈人道君諱

𠄎𠄎  
𠄎𠄎  
𠄎𠄎  
混

高上九玄元始天王道君諱

𠄎𠄎𠄎  
𠄎𠄎𠄎  
𠄎𠄎𠄎  
洞

高上太空九天丈人道君諱

𠄎𠄎𠄎  
𠄎𠄎𠄎  
𠄎𠄎𠄎  
開

高上玄虛九天真王道君諱

王元君

高上空洞混沌九天元父道君諱

王元君

騰五

二

高上空虛自然九天真母道君諱

王元君

高上玉寶九霄天真丈人道君諱

王元君



高上紫虛映九霄太皇道君諱

皮也  
三三  
所  
喘

高上玉虛萬始先生道君諱

皮  
三三  
浪  
山  
瀾

鬱單无量天王道君諱

三三  
均  
星  
羅

上上禪善无量壽天王道君諱

三三  
均  
勒

是為寶  
元缺

慶  
 飯  
 橋

厚須陸特

韓 越



梵寶天王道君諱

祿務卿雲持梓

梵摩伽夷天王道君諱

三凝諸闡弘

波利答惹天王道君諱

意靈朕淵

玉清三天丈人道君諱

崇院定明益枚

玉清三天玉童道君諱

龍鳳天籙覽

玉清高上虛皇道君諱

太上老君造

玉清紫虛高上元皇道君諱

廣靈基

玉清上皇玉虛道君諱

紫微欣



玉清洞虛三元太朗上皇道君諱

蕭欣平

玉清皇上玉帝道君諱

蕭寧

騰五

四


玉清太素高虛上極紫皇道君諱

蕭憐

玉清虛明紫蘭元中高悌真皇道君諱


蕭知

紫虛玉皇先生紫晨道君諱



齊

紫虛三元紫精道君諱



輝

紫虛真陽元老玄一道君諱



燭

紫虛上皇先生紫晨道君諱



洞



紫虛皇上帝道君諱

巫風山谷

紫虛皇老上帝道君諱

三子風盈

騰五

五

紫虛清靈陽安宅元道君諱

九九九法

紫虛皇清洞真道君諱

五子風綜

通

紫虛北玄高上虛皇道君諱

𩇛

紫虛南朱高上虛皇道君諱

景

紫清西華高上虛皇道君諱


  
 寧

昌

澄

中中中  
豐  
珠

映



紫清玄寂九元无上虚皇道君諱

太師

紫清太明靈耀中真无上道君諱

太尉

騰五

六

高清三元四極玄元虛皇之雲道君諱

太尉

高清三元晨中黃景虛皇元臺道君諱

太尉

无上洞清混沌自然東方青帝元皇太真九  
千人无上洞清混沌自然南方赤帝元皇太  
真九千人无上洞清混沌自然西方白帝元  
皇太真九千人无上洞清混沌自然北方黑  
帝元皇太真九千人无上洞清混沌自然中  
央黃帝元皇太真九千人无上洞清混沌自  
然左靈領仙玉郎吏各九千人无上洞清混  
沌自然右靈領仙玉郎吏各九千人无上洞  
清混沌自然九玄上靈飛龍功曹九千人无  
上洞清混沌自然九玄上靈飛仙功曹九千



人无上洞清混沌自然九玄上靈上元功曹  
九千人无上洞清混沌自然九玄上靈中元  
功曹九千人无上洞清混沌自然九玄上靈  
下元功曹九千人无上洞清混沌自然九玄  
上清玉虛飛仙使者九千人无上洞清混沌

騰五

七

自然上清玉虛飛仙玉郎九千人无上洞清  
混沌自然上清玉虛使者各九千人无上洞  
清混沌自然上清玉虛使者太仙使者各九  
千人无上洞清混沌自然上清玉虛上元使  
者九千人无上洞清混沌自然上清玉虛中



元使者九千人无上洞清混沌自然上清玉  
虛下元使者九千人无上洞清混沌自然玉  
清金晨玉童各九千人无上洞清混沌自然  
玉清太華玉女各九千人无上洞清混沌自  
然玉清上真輔仙各九千人

高上洞清紫虛空洞自然飛霄玉仙之氣九  
萬重高上洞清紫虛空洞自然三素飛雲之  
煙九萬重高上洞清紫虛空洞自然五色流  
霞飛煙九萬重高上洞清紫虛空洞自然青  
帝飛輪流煙九萬重高上洞清紫虛空洞自

然赤帝飛輪流煙九萬重高上洞清紫虛空  
洞自然白帝飛輪流煙九萬重高上洞清紫  
虛空洞自然黑帝飛輪流煙九萬重高上洞  
清紫虛空洞自然黃帝飛輪流煙九萬重高  
上洞清紫虛空洞自然青帝飛瓊羽蓋九萬

重高上洞清紫虛空洞自然赤帝飛瓊羽蓋  
九萬重高上洞清紫虛空洞自然白帝飛瓊  
羽蓋九萬重高上洞清紫虛空洞自然黑帝  
飛瓊羽蓋九萬重高上洞清紫虛空洞自然  
黃帝飛瓊羽蓋九萬重高上洞清紫虛空洞



東嶽綠轅飛輶九萬重高上洞清紫虛空洞  
南嶽丹轅飛輶九萬重高上洞清紫虛空洞  
西嶽素轅飛輶九萬重高上洞清紫虛空洞  
北嶽玄轅飛輶九萬重高上洞清紫虛空洞  
中嶽黃轅飛輶九萬重高上洞清紫虛空洞

騰五

自然上元玉真氣九萬重高上洞清紫虛空  
洞自然中元玉真氣九萬重高上洞清紫虛  
空洞自然下元玉真氣九萬重高上洞清紫  
虛空洞自然上元君玉真氣九萬重高上洞  
清紫虛空洞自然中元君玉真氣九萬重高



上洞清紫虛空洞自然下元君王真氣九萬重

九天玄元太空洞虛自然檢天輔真飛行騎  
九億萬衆九天玄元太空洞虛自然檢天輔  
神飛行騎九億萬衆九天玄元太空洞虛自  
然檢天輔帝飛行騎九億萬衆九天玄元太  
空洞虛自然檢天輔靈飛行騎九億萬衆九  
天玄元太空洞虛自然青帝飛輪策空騎九  
億萬衆九天玄元太空洞虛自然赤帝飛輪  
策空騎九億萬衆九天玄元太空洞虛自然

白帝飛輪策空騎九億萬衆九天玄元太空  
洞虛自然黑帝飛輪策空騎九億萬衆九天  
玄元太空洞虛自然黃帝飛輪策空騎九億  
萬衆九天玄元太空洞虛自然東嶽飛騰空  
騎九億萬衆九天玄元太空洞虛自然南嶽  
飛騰空騎九億萬衆九天玄元太空洞虛自  
然西嶽飛騰空騎九億萬衆九天玄元太空  
洞虛自然北嶽飛騰空騎九億萬衆九天玄  
元太空洞虛自然中嶽飛騰空騎九億萬衆  
九天玄元太空洞虛自然飛轅綠輶策轡騎



九億萬衆九天玄元太空洞虛自然飛轅羽  
蓋策轡騎九億萬衆九天玄元太空洞虛自  
然飛天制地龍騰騎九億萬衆九天玄元太  
空洞虛自然飛天招真生芝玉女吏九億萬  
衆九天玄元太空洞虛自然神真仙吏九億  
萬衆九天玄元太空洞虛自然神精流光耀  
電騎九億萬衆九天玄元太空洞虛自然陰  
精興雲降雨騎九億萬衆九天玄元太空洞  
虛自然雲門執節命光騎九億萬衆九天玄  
元太空洞虛自然陽明耀激逐電騎九億萬



衆

太上老君律令

元始高上玉檢大錄







清河內傳

騰六

清河內傳

騰六

吾本吳會間人生於周初後七十三化累爲  
士大夫未嘗酷民虐吏性烈而行察同秋霜  
白日不可犯後西晉末降生於越之西雋之  
南兩郡之間是時丁未年甲子辛亥二月三  
日誕祥光幕戶黃雲迷野居處地俯近海里  
人謂清河叟曰君今六十而獲貴嗣童稚時  
不喜嬉戲每慕山澤往往語言若有隱顯書  
誦羣書夜避衆子自笑且樂身體光射居民  
祈禱則予嗤而訕長嘯曰土木而能衣人之



衣食人之食享之而有應謗之而有禍我爲  
人而焉無靈乎自後夜之怪夢或爲龍或爲  
王者天符爲水府漕自怪而不甚信爲吉兆  
後三農愆旱膏澤無甦舞雩祝神恬然無驗  
予思曰夜寐怪夢治水府今久當驗夜往水

騰六

一

際以夢中官街牒河伯而驚魂尤恐忸怩不  
能忽爾之間雲四合風雷震一吏稽首予前  
曰運判徙居予曰非我也我乃張戶老之子  
名亞後緣水府得達故字需夫吏曰奉命促  
予予曰家人如何吏曰先到治所予惶惶未

決吏揖上一白驢而去俛首里閑風雨聲中  
頓失鄉地到一山連劒嶺而撐參宮星也若鳳  
凰之偃下有古湫引吾入一巨穴門有數石  
笋吏曰民之所禱祝此石而有應名雷柱吾  
方褰衣入穴吏曰君記周室爲人七十三化

陰德傳家而迄今否予方大悟若夢覺也吏  
曰君在天譜得神之品於人世鮮有知之者  
晉不日有中興之兆君可尋方而顯化予曰  
謝天吏響報也入穴則若墮千仞之壑近地  
而足不沾若騰身虛空看王者之宮有禁衛



予遂入果一家悉都其間改日作儒士而往  
咸陽講姚萇之故事清河內傳焚香者切記

天封聖號

金闕上相檢校太師九鳳金闕左丞相混元  
內輔三清上宰大都督府都統三界陰兵行

騰六

二

便宜事管天地水三界獄事收五嶽四瀆真  
形虎符龍券總諸天星曜判桂祿嗣籍上仙  
元皇真人司祿職貢舉真君編修飛仙別籍  
掌混元造化輪迴救苦天尊玉清內境清淨  
道真身現紫雲巖手持如意杖統御萬靈普

濟諸苦大仁大孝大聖大慈都統混天誠心  
接物萬天教主隨願靈應天尊九天定元保  
生扶教開化主宰長樂永祐英顯靈應大帝  
定慧王菩薩證果迦釋梵正如來澄真正觀  
注祿定籍寶光慈應救劫大慈悲更生永命  
天尊隨願靈應天尊不驕樂育天帝

宋制

勅朕惟孝弟之至通于神明則生爲孝子歿  
爲明神信矣神文聖武安福忠仁王夙著孝  
行炳靈西蜀禦患救災七曲名山聞天下而



士之發策決科者皆歸焉有孝有德徽號允  
昭邦人有請宜復其舊祇承休命大庇吾人  
可依舊封神文聖武孝德忠仁王

景定五年三月二十九日

聖父聖母加封制

騰六

三

勅記曰祭有十倫見事鬼神之道焉見父子  
之倫焉則今之奉祠于神而併及其父母尚  
古意也靈應廟神父顯慶慈佑仁裕王神母  
昭德積慶慈淑妃篤生聖子宗主人文爰自  
劍之鳳嶺安靈臺之龍山有司推本其由率

籲甚切茲頒祭澤並有徽稱尚先王教孝之  
意可特加封神父顯慶慈佑仁裕令德王神  
母昭德積慶慈淑恭慧妃

咸淳五年五月

日

神后加封制

勅蜀居坤土好率善以事神邦有常彛惟從  
夫而爵婦茲因郊霈申錫恩榮靈應廟神后  
助順協應德慧昭懿妃端靜其儀正直是助  
並侑龍山之祀聿闡鳳閣之祥錦綬有華曾  
俾八徽之極嘉章疊寵載更二美之名永副



德儀明襄陰施可特加封恭順淑應德慧昭  
懿妃

神子加封制

勅神長子嗣德王次子昌德王等昔蜀太守  
二子有功烈于井給銅梁之間皆在祀典然

則裕父功以作民怙其來尚矣爾等廟食于  
西世濟其美斯文幸慧厥有靈光郊壇告成  
並衍徽號曰孝爲本從民欲也尚期居歆服  
我成命可特加封神長子嗣德履孝主神次  
子昌德立孝王

神子婦加封制

勅神長子婦善助顯懿夫人次子婦順助慧  
懿夫人等序神之長幼載諸禮經見神之先  
後紀於史傳爾等席神陰德廟食一隅自西  
徂東厥施甚溥並進美號同彰淑靈可特加  
封神長子婦善助顯懿循孝夫人神次子婦  
順助慧懿克孝夫人

騰六

四

神女初封制

勅淑真妙靜公主朕稱秩元祀敬恭明神於  
其父子長幼之序亦既均施爵賞矣有女其



姝立侍左右疏封湯沐實昉于今尚緣情起  
義之意可特封神女懿孝夫人神嬀恭列侯

神孫加封制

勅神長孫紹應昭靈侯神次孫承應宣靈侯  
長孫婦淑應夫人次孫婦慧應夫人等朕惟  
劍之鳳嶺夔之龍山所以鍾靈而衍秀者易  
地皆然也乃祖乃父俱有功烈于民若孫若  
婦朕何愛封爵而不與之乎可特加封神長  
孫紹應昭靈至孝侯神次孫承應宣靈順孝  
侯神長孫婦淑應紹孝夫人神次孫婦慧應

體孝夫人

元加封寶詔

上天眷命皇帝聖旨維明有禮樂維幽有鬼神妙顯徵之一貫在天爲星辰在地爲河嶽形功用於兩間矧能陰陽於大猷必有對揚

騰六

五

之懋典蜀七曲山文昌宮梓潼帝君光分張宿友詠周詩相予泰運則以忠孝而左右斯民柄我坤文則以科名而選造多士每禦救於菑患彰感應於勸懲貢舉之今再頒考察之籍先定貴飾雖加於渙汗微稱未究於朕



心於戲予欲人材輩出爾丕炳江漢之靈予  
欲文治昭宣爾濬發奎壁之府庶臻嘉貺以  
答寵光可加封輔元開化文昌司祿宏仁帝  
君主者施行

延祐三年七月

日

### 元加封廟額

中書省部太常禮儀院定擬七曲山靈應廟  
神文聖武孝德忠仁王靈異正直士大夫所  
共崇禮朝廷加錫恩數禮亦爲宜然神明封  
爵之隆莫尊於王褒稱之美莫盛於神文聖

武孝德忠仁之號神備有之可謂極矣夫爵已極則無以復加號已盛則無庸改作若爲稽其舊記因以佑文成化之名施諸廟額斯足以彰明神對揚景運備秩至文昭示無極矣

告諭二十一司文

竊以天開泰治聰明衆拱于文昌帝命百靈德聚實敷于渙號皇極既明泰階既平年穀屢成兵革永清茲可謂追三代之軌轍矣久以坤維之神降弼輔清朝粲然東壁之星明



勃興道術孝友忝膺重寄俯治下方每思不  
稱上帝之委令常念弗任神職之峻重邇蒙  
嘉寵錫以官班二十一司屬各有攸存千億  
萬民心寧無所繫比則播理于冥冥之內遠  
邇弗遺今則傳揚于赫赫之庭爪牙布露衣

騰六

六

冠濟濟相貌堂堂咨爾羣臣無譁聽命爰念  
端委廟堂而共理惟二三賢苟力挽頽波之  
有人賢十萬衆卿等貫古今之清哲邁宇宙  
之英雄忠孝灼天真後凋之松柏文武經世  
爲相濟之鹽梅久膺不世之威實負千城之

傑有嘉茂績敢緩疇庸雖官吾佐貳之司實  
稟于上天之命聰明正直毋俟贅辭分九職  
于申臺肅行糾劾署六卿于北府專隸舉賢  
非夫有令聞廣譽施諸身識前言往行蓄其  
德則何以助我佑文成化之績亦不能儀輔  
元司祿之班凡錫福勸善者宜錫勸者必周  
罰惡懲欺者當罰懲者毋避金籍注祿考其  
實績而敷恩春源注嗣原其初心而定賞貢  
舉定桂陰隲孝行者首選以呈都督官吏作  
德益民者高甲其第掌握田蠶而無慝主領



財賦而莫私主提兵馬幽明之理不殊主掌  
兩賜豐歉之機當謹主典商賈之功罪主掌  
道釋之善尤井井有條彰彰不紊天簡注授  
實掌人間之生死飛鸞闡化乃關世運之盛  
衰掌百工技巧者雖小事必錄提轄雜流者

騰六

七

每一事必嚴雪冤平枉俾天民之得伸徵効  
鬼盜令天下之寧戢文昌靈應司朝奏應夢  
之不爽大都督府內出納總裁之可權列職  
分班各有攸計上應九天之喉舌下孚萬國  
之懽心惟時舊弼之良久藉勲勞之著往聯

華于佐府仍侑食于新庭駕江瀆之輿區控  
岷峨而坐鎮俾進司于環列庸增峻于徽章  
惟既厥心乃克有濟茲者銀蟾皎皎玉漏遲  
遲萬籟寂而庭戶無聲四方靜而塵囂絕影  
虬旌豹節已臻廟食之儀龍券虎符益耀褒  
崇之盛欽承休命挽一世之澆漓祇勵於猷  
還上古之淳厚往綏爾職母負  
上帝之寵光罄瀝丹忱拜揚天子之休命

行祠記

前渝州刺史廟食壁邑太原趙延之撰



帝君儲精列宿降自有周姓張諱仲字孝友  
輔宣王中興沒爲明神累朝咸有大功尤孜  
孜以忠君孝親扶植斯文化淑民心爲任舊  
封神文聖武孝德忠仁王逮聖元仁宗皇帝  
設科取士延祐三年春中書因太常定議改

封廟號榜曰佑文成化之祠是年秋特頒詔  
旨褒封輔元開化文昌司祿宏仁帝君詔若  
曰光分張宿友詠周詩相予泰運則以忠孝  
而左右斯民柄我坤文則以科名而選造多  
士又曰予欲人材輩出爾丕炳江漢之靈予

欲文治昭宣爾濬發奎壁之府然後人益信  
夫神之性本所自與夫翊贊名教者實昭彰  
乎國家紀典之不可誣而趨向敬慕改行迪  
德者猶川會雲瀚之不能已焉神棲劍門住  
蜀爲周遊睠顧之地是有大造于西也而成

騰六

八

都廟貌未嚴東西二三其祠不足稱邦人敬  
在意天曆改元星聚于奎三月甲子延之自  
古渝携侍生出鳳山至成都縱觀盤桓慨增  
舊感蜀爲多士之林由張君陰隲炳靈掇拾  
科第雄飛當代者迭相踵武況事神以誠古



俗相尚王公大人賢大夫士欲宏其祠而未能予既知之得無情哉故因人所欲陰相成之具計遂侈非興大衆舉大事一爲春秋譏後至元二年奎章閣大學士翰林學士承旨知制誥兼修國史銀青榮祿大夫中書平章政事魯國公趙世延告老還成都不忘舊德則卷卷於張君甫下車先侍生而卜焉予因以建祠事告公曰積歲存心願莫之遂若相神庥敢披肝膽以勗六月甲寅遂卜其事步城內外擇異處焉得西南之雄坤文之維

地勢之元公侯之宅之尤者祠事始定公自  
為疏若干以鳩其資四年春王正月前四川  
行省叅知政事趙成慶欲蕝厥謀以畢宏規  
三月己丑戶部侍郎萬嘉閭來會蜀賊威行  
愛立理王事暇天誘其衷召侍生以卜予具

勝六

九

張君出沒之機斯文喉舌桂祿權衡及建祠  
之事以報侍郎忻然拜曰蜀有省憲明當圖  
之越三日謀及上下衆願樂從夏六月朔旦  
予命省掾王也先卜花左右其事疏至未越  
月省憲官暨賓佐掾屬下及有司羣吏百有



二十餘人皆割俸以助幾五百餘緡冬十月  
上吉命千戶侯靖元亨集太師秦國公之孫  
河東翼萬戶侯劉壽安捐直五百緡而易其  
第祠事始成其地爲深丈者七十有三橫左  
右者半折而曲深於是來工師整上下燔屏  
櫨翳爰既乃塗作遠門于外峙小門于中二  
十有五日具食合樂侍郎偕叅政率百官以  
導帝君入焉十有一月朔迺仍正屋揭廟額  
表佑文成化之祠迺更廊廡以司左右贊佐  
廼位糾察以嚴尊卑陟降聚德有堂侑食有

所耽然而輪奐備屹然而規模壯不淪於陋  
實敞虛曠豐約得宜惟稱是適回視二三不  
可同日語矣嗚呼神物憑依有時者耶事關  
興廢者耶主盟勝槩者趙相也速成其圖者  
侍郎也晨夕劬躬拮据卒徒者侍生楊世仁

也不避勞動往來走役於其間者王鈞王壽  
永何善慶焉五年春二月士夫之賢邦人之  
良木贊佐以實侍衛嘉慶位十有三咸爭趨  
而樂成堂堂冕服以中居而立侍拱之者今  
肅政廉訪使趙成慶完焉緣古及今自劒門



至州邑率廟而祀之京師陝東亦或祀之者  
咸敬張君之功未若今之盛也帝君文昌之  
主也人心國脉斯文萬古紀綱天下者伊誰  
之力歟堯舜禹湯文武之跡熄而淳朴衰天  
蓋以此誅之啓之也帝君明道闡教炳然日

騰六

十

星繼今公侯賢士知崇帝君之祠則知尊帝  
君之道之教也成德從事者雍然于禮樂之  
中熙然于陶鎔之下則上不負君親下不負  
問學出爲賢卿相發爲大事業將項背相望  
奚特操紙筆競辭華以爲徼媚利祿之階哉

詩曰知我者謂我心憂不知我者謂我何求  
於是蓋亦有所不能已焉若夫羽儀天朝錫  
民純嘏屢豐年消疫癘導和致祥人才倍出  
于天下者輔元開化文昌司祿宏仁帝君望  
焉祠之經始于天曆戊辰落成以至元己卯  
樓閣雖未新承繼之賢其來孔多因事之中  
鑱石以記予既多士夫之請又感張君夙好  
之篤故書梗槩及主成人名氏祠建年月遠  
近之由俾來者有所覽稽焉至正元年歲次  
辛巳夏五月上吉



# 勸敬字紙文

士之隸吾籍者皆自敬重字紙中來如宋朝  
王沂公其父見字紙遺墜必掇拾以香湯洗  
燒之一夕夢宣聖拊其背曰汝何敬重吾字  
紙之勤也恨汝老矣無可成就他日當令曾

騰六

十一

參來汝家受生顯大門戶未幾果生一男遂  
命名曾及狀元第此事雖遠可以爲證予竊  
怪今世之人名爲知書而不能惜書視釋老  
之文非特萬鈞之重其於吾六經之字有如  
鴻毛之輕或以字紙而泥糊或以背屏或以

果禱或以泥牕踐踏脚底或以拭穢如此之  
類不啻蓋覆甑矣何釋老之重而言道之輕  
耶是豈知三教本一而欲強茲分別耳況吾  
自有善惡二司按察施行以警不敬字紙之  
類如平生苦學雞牕一旦塲屋或失失韻誤  
字例爲有司之黜終不能一掛名虎榜者皆  
神奪其鑒以示平日不敬字紙之果報也諸  
生甘受此報恬然不知覺甚至於子孫之不  
識字舉家因之而害者遠則不足以爲戒姑  
以近者言之且瀘州楊百行坐經文而舉家



害癩昌郡鮮于坤殘孟子而全家滅亡果報  
昭昭在人耳目楊全善亦百行之兄埋字紙  
而五世登科李子才葬字紙而一身顯官既  
能顧惜陰報豈無可不敬畏哉

### 戒士子文

聰明正直而依人寧無所擇寬厚忠信而好  
義是用相仍故憑有感之精衷曲示無聲之  
教化咨爾有衆聽予格言蓋聞富貴在天得  
失有命知之者安於自然而罔或控告昧之  
者貪於必得而有所祈求或謂精神交而夢

寐通或謂祭祀豐而神祇格宮殿樓觀務碧  
瓦之翬飛陛戟巖廊誇朱欄之雕翠從茲末  
務失其本真不知進退存亡係彼三班四屬  
行藏用捨考茲五部六臺既有司存豈容計  
取然不可一拘於前定天不可再昧於進修

騰六

十二

故修身厲行者未或降之百祥反道敗德者  
神亦奪其五福理所著者人弗知之是故運  
數冥符而反受其殃災星顯照而或蒙其吉  
造化以之倚伏神明由是乘除凡厥儒流恭  
行教誨汝等毋欺天遠毋謂神幽毋言暗室



可欺母道明庭可畏母凌孤寡母悔老成母  
取不義之財母淫非已之色母厚結他人而  
親戚歧路母義交異姓而兄弟鬩牆母恃已  
長母攻人短母傲逸樂母縱遊畋母負才名  
母挾官貴母厚仙釋而薄於父母母敬鬼神  
而慢於師資苟有負於吾言端不逃於天憲  
故平生俊彥者屢困於場屋一旦精明者遽  
登於鄉書皆有實緣固非造次世之腹誹心  
謗者往往得以藉口人之面譽背毀者攸攸  
姑以欺親彼司文衡而豈得以私此權祿籍

而故先有取濟濟多士天其或者臨之巍巍  
成功吾則是之取爾播告中外咸使聞知科  
舉取士不止一端要在得人以副衆望一以  
陰功孝行爲上次以處已謙和爲賢苦學者  
則酬其勞高才者則遂其志傲忽者則未免

騰六

十三

黜落輕薄者姑示勸懲文章假之以定其去  
留神明司之以公其予奪人不自省明示訓  
言嘗謂惟士無能苦學爲能居貧易富成名  
即富士無分於貴賤人切在於勤勞凡大比  
先較德業之短長故有司始定文章之優劣



不可謂前定而不能力學豈可以宿緣而自  
怠操修名雖曰士初無士行之寸長身雖曰  
儒徒爲儒服之觀美不敬天地不信神明狎  
侮老成輕慢前輩違逆父母而逸樂度日怠  
忽師長而放蕩無時試不遂則罪有司之不  
公榜初張則謂庸流之濫得責人者不能於  
責已議人者乃所以議天或恃已之見而遏  
人之能或衒已之長而攻人之短或矜所學  
而忽略一世或恃一解而輕視衆人立身不  
正則以曖昧貪饕爲能用心不剛則以機巧

變詐爲勝較短論長而不從公道奪彼予此而不恤人言面譽背毀而求苟合於人口是心非則絕不容於物外貌雖慈祥徒巧言而美語中情多狠暴好潛賊而陰謀不擇乎友而交不義之朋不和其室而淫非已之色捨

已田耘人田失云多矣作無益害有益損孰甚焉預鄉薦者自爲志得意滿不復進修入省闈者例曰功成名遂直可唾取恃才傲物挾長欺孤常交貴結援而每誇等流以隻字片文而蔑無同輩在市道則和合貿易以覲



其所得遇州縣則閭閻爭訟以滿其所求不  
忠不孝甘心冒法而喜爲非禮非仁直情徑  
行而弗顧游畋無度博奕廢時耽飲而自喪  
其神逞威而乃敗於德致屢困於場屋安敢  
望於榮華況三年初無伏案之功而一旦遂

騰六

十四

萌登科之望稍無成直歸之命運纔有力專  
務於禱祈不知天憲之難逃深恐人心之愈  
惑出處語默之際天必察之進退予奪之間  
神所司者豈容倖取不可計求苟有行業之  
可書奚患飛騰之不遂邇者營業相傳之後

屢有聲名儒冠世守之家反被黜落不知營  
業之子安分讀書無形顏色每見儒冠之後  
自恃名族多有驕矜神明公取專激勵於輕  
薄之流天道左旋用獎予於淳朴之士若能  
自悟晦迹韜光望欲有成勞心苦志曲盡陰  
功之事務存忠孝之心返乎上古淳朴之風  
無流末劫偷薄之俗自然詩禮傳家科名復  
舊謙和處已氣象如初天不負人人宜力學  
凡爲士者各宜戒之

光君降生之辰



玉帝御太極之殿修文郎顏公書

清河內傳

騰六

十五

風







梓潼帝君化書卷之一

騰七

梓潼帝君化書序

騰七

化有二理有變化之化有教化之化自無入  
有自昔爲今以幼壯爲老死以老死爲嬰稚  
此變化之化也三綱五常是非邪正上以風  
動其下下以獻替其上此教化之化也今吾  
所降前後九十七化元命者序太始也流形  
者本太質也生民者明性習也易俗者變夷  
禮也稽古者覺後知也奉真者遵道法也寧  
親者報劬勞也幽婚者戒苟合也淵石者重  
有子也馴雉者誠感通也回流者護先塋也



降瘟者顯錄驗也好生者習醫業也天官者  
醫業成也薦賢者公道開也格非者和聖賢  
也榮歸者知止足也敦宗者念本支也歸寂  
者遇釋法也君山者喜幽清也感生者不能  
忘情也奉先者思繼志也孝友者繼絕緒也

騰七

沔水者杜讒慝也白駒者冀留賢也舉讎者  
忘私憾也恤孤者敦友義也慈訓者傳內觀  
也盡忠者堅臣節也棲真者屆雪山也山王  
者始護蜀也刑賞者罰淫而舉孝也存褒者  
憫無辜也回風者罪狂夫也明冤者恤無告

也直邑者滋生齒也拯溺者善賢侯也兩穀  
者惡私心也曲兩者惠小民也殞賊者旌孝  
婦也北郭者誨求嗣也返火者敗奸計也平  
苴者現陰佑也費丁者賤勇力也石牛者惡  
好財也五婦者諫重色也顯靈者不忍蜀之  
亡也大丹者遇聖師也巴都者嫉賊汙也淩  
姿者明天性也戒龍者和鄰祇也鳳山者尊  
所生也魚腹者矜老苦也口業者彰惡報也  
東郭者懲巧僞也牛山者分善惡也天威者  
戒逆婦也尚義者貴同氣也旌隱者厚士風



也佑正者高烈女也殺生者遠庖廚也酷虐者戒害物也憫世者念黎元也咸陽者奉帝命也卬池者報父母也解脫者謂冤不可成也仁政者悟前非也幽明者戒欺暗也籌帷者償宿業也如意者大有爲也丁未者兆命

佐聖也水漕者司天澤也桂籍者司文衡也孝廉者濟太平也感時者悼王化也神扶者顯八公山也誅暴者戒汙吏也明經者顯先聖也護聖者顯大功也明威者戒士夫不欺也濟順者奉帝保民也濟迷者懲不信也忠

顯者佐皇國也聖治者歌太平也標忠者濟  
時也興國者忠良也止足者辭王旨也訓逆  
者誅不孝也戒欺者正名也誅悖者勸孝也  
真元者拯難也拔苦者悼亡也福瀘者平風  
冤也昭明者見畢工也摩維洞天者顯後化  
也放生者戒殺魚子也弭蝗者拯救萬民苦  
也是故聖人神道設教始有天人相因人神  
共理之化要其所歸不過垂世立教之大端  
也

延祐三年春中書因太常定議根予自周歷



晉之出沒原古迄今之事業錄予爲忠國孝  
家益民正直祀典之神閱予舊封神文聖武  
孝德忠仁王崇褒爲輔元開化文昌司祿宏  
仁帝君因子靈應廟額表曰佑文成化之祠  
徽號益彰汗顏愈熾每思所以裨益公道輔

騰七

三

治皇元者其跡淺陋不足稱述聊以予所化  
之實自爲一書以答綸音之萬一允以道業  
誨人者謂之教躬行於上風動于下謂之化  
風化之源在乎風化之主考其事之美惡則  
知化之所由淳朴既衰民心不古刑政極而

鬼神化焉蓋天下之民淪網毒法道于朝典  
者必受冥誅古今昭昭綽有常憲故官府治  
民神祇理世一也要在明教化示斯民遷善  
遠罪耳奈何幽明殊塗隱顯異軌聲跡既不  
能相接雖有教化令典將何舉而示民哉此  
冥冥中理世尤爲力之難也予素知此義故  
曲爲神人交接之術與承職百靈共白于帝  
作飛鸞闌化之法筆降人間爲幽明通貫之  
理仰蒙帝意仁愛下民允從奏議故予往歲  
已曾宣傳化跡其事雖若自侈此身作爲之



實然化跡之傳亦顯教明法示人遷善遠罪  
之微意其於淑人心善風俗力挽頽波捨此  
則何以哉比者欽蒙上帝誕降嘉命賜以二  
十一司官屬明具所職俯治下方一則俾贊  
襄天府生成之功一則俾密資聖朝平治之  
隆也疊承寵光罔敢逸墜孜孜弗逮于茲有  
年矧予化書九十七帙布在人間久矣濫觴  
于腐儒之手以魚爲魯以根作銀珣玦混石  
玉者衆矣不訂炤以示人彼將曰好事者附  
會妄誕尚鬼神耳羣疑之中得貞確端懿之

士某等爲吾反覆辨校南北二本式質鬼神  
予命之曰比者南本則靡靡實多北本經予  
親校事實詳明斷自丁未化前更定舛訛桂  
籍化後刪改繁亂予又增及甦民化科舉化  
爲九十有九姑虛其文以存後意俾正校者

梓木傳行以示來哲庶無疑妄人之言曰聖  
人神道設教九經並明日月博雅君子代不  
乏人典明教化猶不能家喻戶書何區區化  
書之帙能砥柱于中流耶嗚呼其亦不思而  
已矣化之所存道之所存也居官者覽予化



跡若是之嚴忠廉幹濟之心未必不凜凜也  
文人儒士觀是化之終始知赫赫之若臨未  
必不祇懼修省農工商賈雜家者流聞千百  
載之駭聞欺心者獲天誅口業者被神戮善  
有賞惡有罰未必不寒心竦毛遷善改過習  
釋道者知劫運果報之昭昭未必不全其心  
而蹈其矩矱啻頑夫廉懦夫立耳鄙夫之言  
曰子不語怪力亂神何怪神之多多此非時  
中之人斯不可語上也斯守白公之信也予  
之匡人于修齊治平之途非左道之術耳斯

化也雖不能與天地立心與生民立命與後  
世開太平識者未必不知予心之輕重也若  
夫子之神在天下若日月之運于天予奪嗣  
祿職掌文衡天下小大事端靡不該括吁回  
風返火既行之于往雷勵風飛不能行之于

騰七

五

今耶咨爾天民體予至意立仁義于詩書之  
圃策忠孝于廉讓之鄉共躋仁壽同樂太平  
幸也否則恭行天罰及悔何追予忝膺重寄  
恐負天子寵光故此爲敘

吾先奉



玉帝敕授以如意飛鸞墨跡于天地之間也  
救末劫爰命梓潼君也今吾之九十余生  
之化故命于勿于堅重校勘此文今已周  
矣請命於吾親跋于後耶

九十余生闡化機扶生拔苦拯災危證果

梵迦如來藏再出神文福他時吾孝友也  
勿堅二生吾文已就重出斯寶如意持之  
萬里古語云千鍾馬金厥有名一朵雲生  
脚下登三天高臺入地去一枝消息泄春  
靈此中造化藏千里可否人生在此中二

生知機否

緣事將成信有時  
人能弘道復何疑

不因百尺樓工畢  
爭得多生事跡垂

典實任從譏銜耀  
始終庶可見云爲  
從今又被人間世  
傳出清河百詠詩

梓潼帝君化書卷之一

元命第一

混沌初分濁與清  
東南分野景鮮明  
中含太一氤氲氣  
吾已潛符造化精  
獨占辰宮雙女上  
兼司火德五行情



率然自默居荒落 脫蛻終期道果成  
吾本吳會人生於周初迄今七十三化矣

流形第二

遁跡靈巖不記秋

目光開閉自剛柔

吞霞滿腹無飢渴

養息潛真任去留

騰七

六

數足轉形歸孕乳

時來隨分事王侯

會稽勝地堪揚化

張氏生身世屬周

予方遊人間忽至會稽之陰見一隱者年五十許具香燈仰天而祈時中春丙夜天文煥爛張翼二宿昭然在上俯而聽之隱者姓張

適符列宿予於是生焉

生民第三

北堂一夕夢吞珠 隱隱襟懷震肅初  
厥月誕彌延穀旦 靈光克滿耀遽盧  
儼思不與羣兒戲 嗜學仍於百慮疎

耆舊相逢每相許 謂吾他日是鴻儒  
張氏出黃帝之子名揮始造弦矢張羅網世  
掌其職子孫因以張爲姓顯於吳

易俗第四

吳因泰伯遺風後 一變民情似島夷



剪髮務從安澤國

文身將以禦蛟螭

性情不願隨時俗

冠屨惟思習禮儀

始也親朋嫌矯飾

終焉鄉里翕從之

予之鄉剪髮而文身蓋便於入水而習成夷俗也予既成童矣心所不樂乃尋冠屨自習

勝七

七

禮文内外莫不以予爲異及其久也從予而化者十有七八焉

稽古第五

三吳僻處在天涯

文物無稱少麗華

帝典未嘗傳遠裔

皇文那得到農家

幸因膚使傳縑素 頓悟卑情識制麻  
從此一方絃誦美 區區風教已堪誇  
予鄉距京周甚遠 文物無稱一日有耆舊  
吾父者口誦唐虞大訓數篇曰有中國使人  
傳此予好之就彼習焉隨口記授無遺於是  
邑人願學者從予習之皆以予爲師

奉真第六

寂寂茅茨晝掩門 行人稀到水邊村  
深耕偶得黃金像 久瘞猶纏紫葛根  
不忍鉅鎔虧體質 聊將焚獻度朝昏



送歸海嶠懷災沴 一境生靈賴庇恩

予之居事畎澮忽於鋤下得一金像頂冠如  
崇山疊聳被服如霞綺舒麗紺眉月面儼然  
慈祥憑几巍座荷花爲臺高尺許重釣餘初  
未知爲何神詢之故老或曰元始天尊像也  
昔夏禹理水冶金爲神用鎮方岳豈此像之  
類乎吾家素貧雖迫於衣食而不敢起鉅鎔  
之心一日海風翻浪遠邇奔駭非人力可支  
予謂衆曰家有金像得之儻來今爲衆捨之  
以祈海若泊于安息乃率衆乘高以像投狂

瀾中俄然風止潮迴一境獲免邑人以是爲  
德也皆以糗糧布帛見謝拒之不能自是溫  
溫然家道苟合矣異時記憶投像之所蹤跡  
之沙磧有先掘出舊像仍載歸築宮室安奉  
邦人敬事之

騰七

八

### 寧親第七

母氏劬勞歲月深 風寒暑濕久相侵  
醫巫診視皆無效 針灸頻仍殆不任  
剔股和羹償宿願 吮疽出血本誠心  
分明夜聽天神語 一紀延生表至譔



予既冠母氏六旬矣少時勤於織紉飲食失  
時嘗致疾疹逮此衰暮重之以六氣所淫遂  
成大苦疽發於背始以巫覡祈禱中更醫工  
砭劑月餘皆不效予不離卧內日夕省視未  
嘗解衣而息計窮矣乃爲吮疽出大膿血疾  
少間醫曰疽根附骨未易出也越三日復吮  
之忽覺口中充滿吐而視之有膜如綿纈膿  
乳如米粒母氏漸安而以病欠食少復成羸  
瘵醫曰此痼疾矣以人補人眞補其眞庶可  
平復予因夜中自剔股肉烹而供之忽聞空

中語曰上天以汝純孝延爾母一紀之壽翌  
日勿藥果符神言

幽婚第八

婚對由來不等閑 此生期遇是前緣  
靈骸不朽如相待 清夢重遊豈偶然

騰七

九

嗣子已堪傳後業 芳魂俄復掩重泉  
壯年頓絕陰陽事 衆議稱予骨是仙  
吾少也賤性靜而寡合年逾冠矣未有室家  
非特良媒之不至抑亦予無好逑之心也嚮  
因母氏嬰疾以未見孫息爲恨予亦有不孝



之憂一夕夢至林麓孤塚巍然旁有一門一  
女子靚粧而坐其中顧予而語曰君非張善  
勲乎予訝其以名見斥也請其由女曰妾與  
君雞犬相聞乃仲氏也曩者妾之叔父與君  
家會談君之美以爲好學尚禮古君子也議  
以妾歸於君吾父以君貌寢而難之然妾之  
慕君心已一矣後許於鍾安孺鍾富家子而  
清議無聞妾心恥焉由此得疾而終今三年  
矣妾之來此以君之故君曷爲我圖之予悸  
而悟月餘再夢如初暇日因與友人儀堅成

縱步尋幽忽至一所宛然夢中境也方告吾友共訝之塚中人出呼予爲郎蓋夢中所見者也儀實仲之舅家因走告仲氏之父母迎女以歸卒爲婚媿云

淵石第九

春光淡淡景遲遲

春水溶溶淺且漪

羅綺岸邊搖倒影

神仙衆裏悟前知

白文細篆成淵字

青石圓形似小龜

生子立名符感兆

貴知天與自無私

仲氏婚三月鄉人士女已嫁而未孕者相與



臨神潭摸石得石者宜男得瓦者宜女蓋舊  
俗也仲預遊人中吾母謂仲曰潭水靜深黝  
然莫測宜從上流淺處求之仲方徘徊潭中  
忽起花沫如吹仲以手捫之得一石大如雞  
卵六出如龜狀青而白文隱隱如淵字意感  
騰七  
而有孕既生子名之曰淵石方齠齔仲忽告  
予曰吾兒真如君耳宜善視之妾與君世緣  
盡矣語畢而逝予乃不復再醮

馴雉第十

天摧地裂情堪擬

荼毒無門救二親

負土培墳酬怙恃

寢苫枕塊益悲辛

黃泉路隔嗟何及

白雉情傷亦自馴

禮制三年情罔極

節哀于以率中人

予年三十有六歲在作噩疫毒流行人無免  
者鄉邑蕭條路無人跡予父八十有五母七  
十有三盛暑中皆得疾同日而逝於是自持  
畚鍤以營大事乃於路傍倚廬枕塊以終三  
年常有白雉一雙棲於林上每遇祭奠飛鳴  
而下俯仰咿啞如欲言者及終制而去



壘築墳崗不憚勞 何期平地發波濤

松楸欲變無何有 棺槨猶憂不可逃

大洞仙經除厄難 真金聖像鎮鯨鰲

秋霖已霽湍流息 喜見平田廣且高

予考妣墳岡去居之南止百餘步蓋一時忽

勝七

十二

遽卜之云吉自以爲便於省視初不遑他恤  
也葬之五年墳西三十里洪水暴發平陸成  
溪以墳爲岸水源不竭勢頗峻急吾心懼焉  
欲改葬之無及矣乃齋戒守墳日夜誦大洞  
經不輟併取家藏金像而嚴事之泊於無虞

次年秋雨霖霖傍溪湧漲數流爲一吾益恐  
及水落視之則墳前溪谷變成堅隴廣一里  
餘自是松楸無害矣

降瘟第十二

雙親之死爲瘟災 切骨銜冤痛且哀

生續恩隆情不匱 幽明路隔憤難開  
神兵執崇明中現 法錄傳真夢裏來  
落筆成符救民瘼 豈容五鬼暫徘徊  
予之二親皆死於瘟時暑嬰毒荼苦滋甚每  
念瘟鬼之酷恨之切骨而幽明路殊力不能



報心嘗怏怏焉比因墳岸回流實自大洞真  
經金像之力於是益勤持誦而敬事之洎獲  
陰祐以治瘟鬼又三年忽夢所事金像語予  
曰大洞仙經爾熟記矣大洞法籙爾未見也  
今當授汝以治邪魔非惟可以契汝初心亦

可佐天行化助國救民也袖中出書二予百  
拜而授之既覺書在枕前其一曰大洞籙又  
一曰大洞法因開籙書讀之至天騶甲卒一  
萬人度之句忽風雷晝暝金甲朱綬者無數  
列于予前俯而誦命三人持紅旌立於衆先

白予曰願聽使今予方恍惚不覺厲聲謂之  
曰吾今汝等治瘟鬼此鄉某家闔門病瘟爲  
吾驅來語畢一持旌者領百餘人入其家俄  
頃執鬼使五人出有蒙虎皮者冠雄雞者貌  
若人者若鵠頭者若驢頭者所執者水火羽

騰七

十二

翬斧鑿之具予怒而叱之將滅其形彼乃有  
辭曰弟子等歲運所生歲氣所成所遊有方  
所病有人陰譴重者受其災天命絕者致其  
死亦非弟子等敢私若蒙真官賜以寬貸此  
後願聽約束遇有行瘟見真官符錄所在即



不敢至矣予因依法授以教勅而去閭里有  
病瘟者予與之符法皆得全活

好生第十三

風寒暑濕因天變 飲食興居病在人  
黃帝脉經詳子母 神農藥性辨君臣

撫摩針灸隨輕重 補瀉推移有故新  
但得天民無橫夭 勤勞不恤此心真  
予以法錄救人疾 疾衆矣遠近之人踵門求  
治者不可以數計 其有染瘟病者著邪祟者  
受瘡痢者逢殃鬼者遭鬼擊者亮神者惡氣

者一一全活然有臟腑冷熱虛實之不齊飲食起居勞佚之各異或因喜怒哀樂而感於內或因風寒暑濕而受於外此皆岐伯神農氏之學非道家法錄之事也人有懇於予而不能全其生予實赧然不足於是講究脉理

臆七

十三

翫味藥性討論五行之勝復習熟九針之法迎隨勤苦六年始達其妙自是天命未絕者無橫天矣

天宮第十四

作善家庭祇自憐 不期聲譽乃喧傳



名聞王國心無愧 位列天官事有緣

六氣和平方晏粲 萬民疾苦易安全

當年稱職吾何力 君相明良化使然

予活人衆矣聞於君上方以砭劑爲事而又  
爲京周所知駟召至都既以國君所薦又歷  
試之以予爲醫師掌萬民之疾苦隸於天官  
予甘心焉於是教戒徒屬使勤其業蓋成王  
之世也時其王畿豐稔六氣和平民少疝瘥  
之疾良由上德之所致使予得以稱職焉

人之有善如吾有已達仍思未達人  
大智潛心能創物妙方治疾可通神  
推賢汲汲誠無隱自代區區意本真  
奏徹宸聰蒙上賞驟陞諫列作臣鄰  
予之屬有瘍醫公孫智叔者賦性慈慧而記

問詳博深明百藥之性味創造丹砂雄黃礬  
石磁石石膽爲五毒之劑其說蓋取丹砂養  
血而益心雄黃長肉而補脾礬石理脂膏而  
助肺磁石通骨液而壯腎石膽治筋而滋肝  
外療瘡瘍之五證內應五臟拘之以黃礬熟



之以火候藥成傳瘍無不神效乃以其法著  
于世則予自以為不如而彼居予下因舉智  
叔自代使兼予職無幾上躬不豫鬢有疽生  
一夕訏潰厥勢危殆以前藥傳之應手而差  
於是智叔始有醫師之命以予直情無隱所  
騰七  
薦得人宜膺上賞遷為司諫  
十四

格非第十六

太醫活國利非輕 瞑眩輸忠政乃成  
形迹相忘疑自釋 樞機不密禍由生  
微言忍使彰君惡 削藁何妨隱直名

但得聖朝無過舉 不辜榮祿是真情

王若曰咨爾善勲直情無隱朕念良醫活人大醫活國今寘爾言路以旌汝賢汝其以救疾之心救正吾失嗚呼惟良藥苦口而利於病忠言逆耳而利於行爾往欽哉毋易所守

予三辭而後受之既預七人之列日近清光雖君相聖明無大過失而予愛君憂國之心一步趨一食息未嘗少懈也成王幼冲之時聽政于周公及親政事久矣嘗有不平之語予恐左右得以乘間也每以君臣始終禍福



幾微爲戒而諫草屢焚人無見者故公之東  
征雖有四國流言召公不悅之隙而終能保  
全蓋予亦少有力焉

榮歸第十七

十年撫仕拋桑梓 一旦榮歸復里閭

騰七

十五

嗣子卅童驚弁服 田園蹊徑訝丘墟

遊仙夢覺空勞擾 涉世情疎自卷舒

再識北牕春睡美 任從雞喚五更初

予在京周十年久違桑梓倦翼思還每念怙

恃無恙時身在草莽及所天既失乃受榮祿

雖食稻衣錦何樂之有一日見周公鵠鵠之  
什惻然有感於是起歸歟之興告老乞骸之  
請數上始從其欲公卿士夫設祖席東門之  
外既歸里人迎候予乃自近郊舍車而徒鄉  
曲以予爲榮

敦宗第十八

宗人本是一根生 貧富誠難較重輕  
祿廩倘來何足吝 親朋至此若爲情  
死生並與周婚葬 俊秀仍須爲作成  
他族聞風喜相倣 三吳漸有義莊名



張有數族居多貧窶予歸之後徧求訪之幼  
者已壯少者皆老生死榮悴惻然可驚其貧  
不能自振者猶故也於是興起義莊以淵石  
主之貧困者周給之病者醫藥之男女成長  
者婚嫁之子弟俊秀者教養之他族聞風翕  
然相倣義莊滋廣習俗成美矣

歸寂第十九

聞說西方大聖人 苦空寂滅以爲真  
行歌自信浮雲喻 坐想徒勞夢幻身  
得訣坦然超彼岸 忘言聊以谷吾神

從茲始悟歸根理 南北東西任屈伸

予之在朝也聞方外之言曰西方之國有大  
聖人古皇先生者不言而自化無爲而自理  
以慈悲爲主以方便爲用以齋戒爲常以寂  
滅爲樂視死生如朝暮等恩讎如夢覺無憂

騰七

十六

愁忿憤之情蓋知浮生不久求於無生者也  
予嘗慕之及辭榮而歸道逢隱者行且歌曰  
朝陽之暎觸石生雲初焉髣髴已而繽紛隨  
風而出蕩漾無垠俄變化以歸盡杳不知其  
所存伊仕者之利祿忘其勞而駿奔忽暮景



之見迫向大限兮遂巡將投足於幽趣爲異  
類兮芸芸予聞之始也駐車而留聽少焉憑  
軾以敬禮終乃下車而泣謝謂之曰適聆妙  
理深契愚衷願惠格言以度殘喘乃於通衢  
百拜而力懇之行歌子仰天而嘆指予以心  
印授予以正訣曰此西方大聖古皇先生歸  
寂法也子能念而習之可度生死死而不亡  
證無量壽果終於彼岸則可成正覺中道而  
廢則猶能擇地而處可爲神仙予授教焉於  
此塵緣既畢百慮頓灰時丁灝秋會集親友

留頌而逝頌曰秋風瑟瑟秋月白白吾得之  
真知身是客

君山第二十

君山一境最清幽 鶴馭徊翔爲少留  
湖景昏明從晝夜 林光疎密任春秋

勝七

十七

無身不顧千年藥 有道誰貪百里侯  
極目煙波供受用 飽聽欸乃看夷猶  
予既遷化將往西方適至洞庭君山之上愛  
其勝境因少留焉于時上無君相臨制之威  
下無血屬係累之念超然物外獨往獨來水



光山色四時可愛吟風嘯月此樂何窮追思  
前事殆一夢耳方且仙遊勝侶朝夕往還不  
聞塵境之勞生但見洞天之真逸久之有二  
青童自天而下敬宣帝旨以予爲君山主宰  
兼洞庭水治

梓潼帝君化書卷之一





梓潼帝君化書卷之二



梓潼帝君化書卷之二

騰八

感生第二十一

神識君山歲月遙  
洞天深邃絕塵囂  
偶嗟涕泣無從出  
已覺悲魂不可招  
奪舍投胎緣未足  
拖泥帶水恨難消

玉壺不肯藏春住  
漏泄陽和見柳條

予在君山久矣一日春水初生湖口有大舟  
艤岸刳羊醺酒呼號而祭者甚盛哀婉清切  
予聞之不覺情感迫而聽之一婦年三十餘  
體有金光三酹而祝曰良人不幸得罪於君



遠竄南荒死於瘴癘家鄉萬里旅櫬言歸日  
月不居行將卒哭重念家無兼侍堂有二親  
有子在腹未形此朕若山川神靈察我夫君  
以忠獲罪憐我姑嫜暮景無依今臨蓐有期  
爲垂陰祐使得一男子以續張氏則妾之性  
勝八  
命雖不保猶無憾焉予在雲路中不勝其悲  
涕泗從出忽身墮婦懷懵然無覺久之聞人  
語曰是兒是兒予開目視之身在浴盆中蓋  
已生矣

厲王監謗衆心離 先子忠言履禍機  
流彘早知將易位 逆鱗悔不聽防微  
錄孤聖澤曾無間 美謚英魂更有輝  
徑陟諫垣承世職 人言有子可傳衣

皇考諱無忌歸葬河朔母黃氏慈祥明辯篤

于教訓凡乳哺偃息寤歌之次必以詩書言  
語誘習鄰兒與予嬉戲則以泥土繒帛結束  
設像以爲古人稱揚故事或爲君臣朝會或  
爲父子告戒或爲師徒訓勵或爲朋友接陪  
每事指陳俾予曉習世故十歲使就外學名



予曰忠嗣追先志也既長而冠王父平子字  
予曰仲母氏嚴三加之禮西序答拜因泣謂  
予曰爾父曩事厲王爲保氏掌諫王惡而王  
性多忌恥聞其過諫者必誅久之至於盛諍  
罪死者衆道路相語以目人不堪命百姓離

騰八

二

怨乃以疏告王願王改行除誹謗之令以通  
下情王不聽於是流於番禺既而不祿天下  
寃之今王仁政詔先朝臣子死以非辜者咸  
錄其後汝其往哉予乃詣京師登肺石以自  
明有詔追復皇考官謚之曰獻法曰忠必告

上曰獻仍以予爲保氏奉先臣之職宣王之  
時也

孝友第二十三

長兄不幸身無後 同氣由來本一枝  
母氏悲傷情有感 楸陽立繼理爲宜

北堂旣慰慈親念 幽壤終爲死者知  
喪禮盡於王父母 揚名孝友顯當時

予兄允思不幸早世弗及見之予年旣壯有  
二子長曰然明次曰楸陽楸陽早惠見憐於  
曾大父長至之前夕家廟祭奠予母哭之哀



言亡兄絕世予請以楸陽繼之俾承其後以  
慰母心王母趙氏八十而終王父以哀廢食  
奠亦不起予以孫承子服斬衰三年哀毀盡  
禮聞予中外時以孝友稱予字而不名

泗水第二十四

騰八

三

猗歟吉甫氣飄飄 勲望才猷冠聖朝  
經武緯文心固美 征西伐北地方遙  
鎬京飛語興讒謗 泗水聲詩託諷謠  
君宰相歡功烈盛 賴予忠諫息言妖

王有賢臣尹吉甫文武兼資縉紳所慕國家

中更版蕩四夷交侵及王即位北伐西征以  
復文武之境吉甫任專鉞之命惟予與王居  
吉甫居多略而忽細故王之左右多不悅  
者於是讒譖迭興王亦未免於疑方其在京  
有飛語聞上予爲多方解釋意猶未明予爲  
歌沔水之什王聽之洎吉甫歸功烈既成君  
宰膠固中興之績視少康高宗爲優焉

白駒第二十五

聖慮憂勤既有初 一朝德色沮嘉謨  
賢才遞去嗟黃髮 詩什形容詠白駒



東帛自茲通下國 羣英俄復集東都

皇家招隱興王化 良自忠言勸用儒

王以大業克濟晉章與恩陞予爲大夫于時  
四方無虞玉心少怠一曰師氏韋仲將諫章  
方上天威肅震寘韋于理於是道德之士老

成之人有翻然而去者予心憂焉乃作白駒  
之詩以爲譏刺勸王留意賢才寬容受諫使  
在位者無去志已去者冀其來歸隱迹者期  
於願仕詩聞於上上意感焉於是詔告在外  
責躬悔過復舊之職東帛弓旌日遣無虛未

幾清議歸美士風藹盛天下復見成康之化  
矣

舉讎第二十六

先君飲恨在黃泉 在禮讎家不共天  
已死風成無所及 後人溫叔乃爲賢

騰八

四

只知所舉惟才日 豈憶無辜被謫年  
上亦昭情知此事 何妨中外任喧傳

先人之死蓋出於南風成之諧朝之所悉知  
終天之痛予亦未忘風成死久矣有子名溫  
叔有才而賢嘗以國子隸業於肅師氏予以



問韋謂予曰風成之子好學無厭語言可法  
容止可則當今貴遊子弟中未有也天道難  
知不意風成青蠅之行有子如此蓋瞽鯨生  
舜禹之比他日必爲大器予雖有不共戴天  
之隙而聞其善行心嘗悅之予既升大夫保  
氏闕人詔許舉所知以自代予薦溫叔王聽  
之卒善其職

恤孤第二十七

壽夭前途不易知 仲將方艾遽傾危

一身永逝嗟無及 五女皆孤益可悲

納采問名如父在

執羔奠鴈及婚期

死生不變論交日

泉下幽魂亦展眉

師氏常仲將與予爲聯事相知且久一日官

車風駕出于虎門仲將欲有所陳既前而却

忽偃于地衛士掖而起之蓋已奄奄矣歸而

騰八

五

告殂常氏無子唯女五人長者以寡而歸宗  
次者及笄而未聘幼者已十五常以忤於王  
暴卒禁中既無卹典五女何依予爲備禮而  
嫁三人其二幼者寄養于司諫高之量家俟  
其長也納爲然明林陽之婦



慈訓第二十八

守志當年正妙齡  
期願身目尚惺惺  
緣深不感旁門法  
心著常持內觀經  
花落花開根永在  
月圓月缺體空靈  
臨終切切垂慈訓  
證位仙階達杳冥

母氏早年守寡享壽百歲而視聽不衰蓋由  
平日常持內觀經紬繹意義晚有所得一日  
予方朝退趨而過庭呼予而坐兩孫侍立喟  
然歎息曰吾與汝因緣相際得爲母子汝且  
華顛吾老可知矣我念人之在世生滅無定

暫來還去如虧盈月如開謝花今世之生乃  
前世之死前若無死今何以生今身之死不  
明後日之生豈保若解知身是妄直須謹守  
真常但能性定命堅所謂曠劫不壞有功行  
者超升上境無惡業者不失人身忍於夢幻  
之中莫結冤讎之果吾將永逝勿用深悲臨  
別之言切須專聽語畢儼然隱几而逝後再  
以童女得道乃生天上是爲妙慧真人

盡忠第二十九

奪哀變禮從王事 爲感君恩念舊臣



切諫區區還不聽 忠懷歷歷竟虛陳

青宮本乏元良德 白首羞爲諂媚人

盡節龍泉吾不恨 尚憂周道寔沉湮

予有齊衰之憂上旨奪情辭者再三不得已  
而從事禮之變也王即位之久倦於政事一

賜八

六

一勲舊如尹吉甫召穆公南仲方叔或以病  
廢或以物故惟予爲老臣上初以官淫爲太  
子予力諫之不能移其愛卒立之及王棄社  
稷嗣王親政淫酗暴虐予又諫之王以予恃  
先朝之舊且憾前疏怒形于色予乞骸家居

一日有使賜酒予拜受之飲畢有後命予雖  
盡忠於國初不以一死亂吾之真然尚憂周  
道不振有失文武之基緒爾

棲真第三十

再出頭來事愈多 幾回歡笑幾悲訶

忠誠憂國嗟無及 直語逢嗔可奈何  
遠望松楸增白髮 悔貪祿廩受丹科  
雪山一境非塵世 來此棲真得也麼  
予生於斯世而堅守古道既有言而不用又  
獲罪焉竟無所歸情猶不已哭于宮闈者三



日王聞之以予爲妖乃命庭氏率其屬以弓矢望聲而射之予無身矣射予何爲於是望故家而覲甚辭王國以遠遊一意西方歷岷峨背井絡蜀之西陲有山名飛越予以先世生於吳會與越爲鄰俯而察之名同俗異又

勝八

七

望西極一山高廣殆百餘里盛暑之時積雪凝寒非塵境也山神白輝曰此名雪山往昔多寶如來修行於此八年得道又西極真人久住于此因而證果大夫仙風凜然曷留于此予聽而止焉無幾帝有旨以予爲雪山大

王

山王第三十一

北連京鎬千餘里 西望岷峨萬點山  
榮辱已拋羅網外 是非不到水雲間  
力誅白虎遺星石 匣鎖青龍瑩月環

南面稱王朝百里 有煩帝旨爲重頒

予方留雪山而被大仙之命旋有旨以蜀門  
旺化乃反鶴馭而來東北見萬峯青翠絕境  
可愛久之山神公元長等五人來謁予曰某  
等職隸于斯近見真官神鋒峻嚴目有光芒



聲歎之音震響巖谷豈天人乎此間自武王  
伐紂微盧彭濮諸國之長佐蜀君主大軍北  
向寔經于此逮今三百餘年路僻人稀未有  
貴顯者來真官熱焰如此幸示其來予告之  
竇山神曰某等亦獸人間遊於斯者也此山

隸蜀帝所治名之曰劔嶺其勢北距終南西  
接岷峨南通邛徕東挹巴蜀廣袤周帀殆千  
餘里此山爲要地也自山王白峯圭託孕爲  
蜀王太子且百年矣居未有王真官既聖人  
之裔清明在躬積德累行忠孝全節神遊於

此行藏有數宜少休焉兼劍嶺之下近有白  
額大獸千餘歲矣負此山隅以人爲食真官  
既嘗爲天子大臣則山川之神皆嘗所治者  
又玉音來此自可號召羣靈呼吸變化役遣  
幽陰驅除此虎亦助天好生之事也予信之

騰八

乃矯宣帝旨召集千里之內山川鬼神咸來  
聽命謂之曰帝有玉旨以白虎害人命吾爲  
此山王董爾衆靈誅滅之用命者世享血食  
否則天有威刑衆曰唯謹聽令予乃仰觀周  
覽現相變化自見身與山等拔一孤竹叱化



長劍屏翳號風雨師清道揮刃一呼響振山  
谷虎亦怒氣成雲目光出電跳梁反復吾身  
當之衆力併前斃於刃下又於血汗中獲一  
圓石狀如墜星公元長識之曰此虎威也予  
佩之百神攝畏功成因奏帝先陳矯詔之愆  
次及均功之語帝因以予爲蜀北門山王

刑賞第三十二

幽明政治雖殊異 平直存心理則同  
孫滌銜冤堪雪恥 宜肩力孝未酬功  
嚴刑不恤竇魚背 保奏終期衛帝聰

小大神靈皆敬畏 清明天地蕩皇風

予既即真爲諸山之王凡所部山川水旱豐  
凶妖祥功過皆得預聞而平治之青黎山神  
高魚生部民孫滌女方婚之夕魚生沈慕因  
拘其鬼而亂之爲隣封白池龍神所察予覘

卷八

九

之與女俱訊既伏其辜歸其鬼女乃甦鞭魚  
生背三百黥其職山下有故孝子吳宜肩嘗  
爲父疾刺血寫楞伽經四卷壽終五年未有  
所受予爲係奏以代魚生帝報曰可自是小  
大之神咸知敬仰焉



存褒第三十三

褒侯以女媚幽王

王寵褒兮壞紀綱

黜子屏妻天所厭

誅良虐善鬼爲殃

岳靈遷怒情雖快

褒國平民理可傷

奏達上穹符允報

遺黎仁壽遂延長

幽王始娶申侯之女爲后賢而有子宜曰嫡  
且長仁孝之風見於岐嶷及褒侯以妘進遂  
寵妘而疏后尋以妘有子乃廢申后以妘代  
之妘生子王名之曰伯服意謂伯者上無長  
也服者天下咸服也於是逐宜曰立伯服爲

太子大臣諫者九人悉族之穢聞於上帝俾  
西嶽爲孽以警於王山川鬼神從而不寧三  
川皆震山摧水壅勢皆逆流嶽神者蓋白帝  
白拓矩之降靈也從而遷怒移檄漢沔褒斜  
山神欲埋褒邑褒與蜀接境予訝其太甚即  
上奏言褒侯固不足卹國人何辜請赦之有  
旨言金天之神擅檄所治薄責之褒邑之民  
免於埋壓厥後犬戎伐周棄漢沔褒邑之地  
於蜀皆帝意也



惡人行惡自招凶

孝子嚴親意不同

爲食成讎情已甚

回風反火勢方雄

滿懷俠氣猶能吐

刮面狂飈訝自攻

留與世人爲鑒戒

要知聰直現神通

劍嶺之南民李轅孝於母薄暮有客投之轅

騰八

方烹雞具食客以爲相館喜形色言少頃食

至乃脫粟飯也客不舉七轅曰家有老母病

起思肉適之司晨不及供客矣客赧然揚袂

而起曰汝以予爲未嘗食肉耶不揖而出夜

闌上風縱火以燼其居時方歲寒草木黃落

煙焰蓬勃勢不可嚮轅負母而出向天呼號  
吾適遊其上大不平之因吹氣成風使虐焰  
自反客執燧猶在手燎其眉鬢欲走而迷顛  
仆火中僅脫其命訊之則曰某俠士蒲光度  
也今夏緣都人士女浣花嬉遊有友因醉而  
觸良家爲人所辱濱死某以解紛之故投入  
水中幾欲不救訴於有司於是亡命周流半  
載昨實餒甚心怨於子方藝草時如有人叱  
之火及子家而爲風所讎今即死矣不作無  
名鬼因告之語畢而殂



明冤第三十五

須知人命重於山 莫把疑刑作等閑  
毛氏喪身尤未雪 良能濫死豈容還  
騰冤附體明冤獄 執賊求情伏巨姦  
義敏一言其利博 享人血食免慙顏

騰八

十二

踰劔之北三百里龜山之下民何志清有男  
無方娶魚山侯釜之女逾年釜得疾勢急女  
告於姑請以歸寧許之與其夫偕往至中途  
記憶奩篋中有黃銀耳璫二垂欲持以隨備  
父急難行速而忘之欲歸以復取則日西矣

俄無方之弟良能踵後而呼携耳璫至曰婆  
有不豫遣我呼兄且令附嫂所忘之物兄嫂  
至姻家則兄可先歸婆已顙望矣無方曰弟  
與嫂行吾將歸以省母氏無方既別移時侯  
氏悔曰妾家不十里可到無勞叔相從也良  
能信之遽與嫂別既還而夜深翌日侯訝其  
女已約而來遲遣人逆于路乃見女死而無  
首釜疾革而亡其家告於所治何氏以幼子  
而鞠之月餘獄成良能自誣別兄之後逼嫂  
以非禮不從而殺之其首不存殆爲虎豹食



之矣將就戮良能怨泣龜山之神義敏來告  
予察之得實蓋有強賊牛資妻毛氏有所忤  
資路逢侯劫而逼之取侯之衣與毛相易毛  
與侯年相若也梟毛之首携侯以歸予爲追  
毛之魂附資之體藉資之口吐毛之詞自陳

而得實資赴於理文歸於侯良能免焉

苴邑第三十六

合靈最貴莫過人  
不易修持得此身  
既會胞胎當愛護  
却緣衣食使沉淪  
伊予幼幼情何異  
天地生生本自均

從此一方風俗變

刈蘭凶釁免傷神

劔北里里折而東之兩舍之餘有邑曰苴饒  
地濟人貧編戶有子甲則蓄之乙則或否至  
于丙丁則不舉矣蓋蓄於衣食以便目前而  
不恤其後也張千十富室也租其田而食者

騰八

十三

八十餘家授田之日即有約舊有男子力能  
耕穫者留之厥後所生斷不容留率以爲常  
千十有二子長者有廢疾不任事次子三歲  
有癩醫卜巫禁皆不能治禱邑之神公孫掌  
十日不解掌告於予請救之予從焉詢其所



以致殃之由蓋前後租民不舉之子四十有  
奇冥漠無歸共爲祟焉予夢其妻李氏且言  
之故李氏雖言之千十不悔予乃遣功曹荀  
明傳予之言使幼子言之曰棄人之子猶吾  
子也愛汝之子猶他子也汝貪人之力惡人  
之冗食以耗其穀今四十餘命迫於汝子行  
且死矣千十自怨自艾叩頭出血請命於予  
予爲戒之使改其行千十從之其子乃安自  
是一邑之人重惜人命生齒漸蕃矣

秋雨霖霖久不休 三江相合勢同流

鏡潭壅溢深無極 城雉傾摧急可憂

白馬遺黎誠善俗 黃高仁政乃賢侯

栢堅一喝波濤息 誰謂驚湍敢敗舟

白馬之邑有民八百餘所都當三江之口秋

勝八

十三

雨霖霖三月不止東北二谷與江俱漲咽於  
靈崑峽口卒不能泄波濤泓浸居民昏墊有  
魚腹之憂邑神栢堅來告曰白馬小邑舊爲  
民屬今附庸於蜀邑侯黃高仁而愛人乃者  
天作霖雨害其染盛三江環合邑人之命不



保予以封疆所治與堅俱行既至則水勢壅  
溢比常十倍民人擾擾若蟻移穴城雉所存  
十有五六幼者携持而不達老者棄置而待  
斃予心閔焉於是以栢堅傳帝旨敕水潤下  
俾安故流今所謂喝河神者是也自是一邑  
之人數千之命免於沉溺之患矣

雨穀第三十八

人言陰德如何種舉事先存爲衆心  
許氏賑飢將竭產羅家閉糶不容針  
積而能散天之道富乃成貧鬼所侵

一死一榮端有謂

蒼蒼造化意何深

巴西大邑富者百有一二貧者力作度日蜀  
帝初立歲大荒歟帝雖奉養菲薄勤心爲民  
而德馨未著餘殃未衰巴西之民死於阻飢  
者尤甚邑有富農羅密閉糶而義士許容竭

產賑貧來者無窮力不能繼終日炷香析天  
請祐邑靈和來孫以告予奏上帝有旨取羅  
密所蓄之穀凡五千斛雨之予乃敕喻風師  
發羅之屋穀隨風旋自空而雨各以色聚徧  
於郊衢一邑之人無不飽飫羅之蓄藏一日



而盡邑人感許之惠往往酬還幸羅之災從  
而稱快蜀帝以容爲邑佐密聞之自縊

曲雨第三十九

苴郊之北巴江西 中有龍山險可躋  
民質素來全孝敬 歲荒久已望雲霓

勝八

十四

曲施嘉澤成秋實 免使遺黎病夏畦

自此遷居來者衆 老人扶掖幼提携

苴邑之北巴江之西有龍山焉龍山之下所  
居民三百戶許蚕帝之初全蜀亢旱邑神蘇  
公長不忍遺黎死於歲凶引咎自責曰臣所

部民少壯力作老者休息非不孝也征徭不  
憚未嘗敢怨非不忠也春耕夏種冬祭天地  
非不敬也視田之美晝以方隅許爲築盛既  
有所收不敢先嘗非不順也有民忠孝敬順  
如此而旱暵爲災曾不我遺是臣之罪也吾  
爲達天聽有命許地祇自理予乃併苴饒之  
工借巴江之水曲施雨澤三日而止一方有  
秋邑人名鄉曰嘉澤他居有遷來者漸衆矣

殞賊第四十

孝婦劬勞爲養姑 水清一志念元夫



鉛華不御從人訝

針指爲生乃自娛

禮葬哀深方復祭

愚民白晝輒穿窬

不惟正節蒙神祐

兼示貪殘被鬼誅

漢水之源孝婦曰楊覲中衣冠之後也適寒  
士雍有章有章早世覲中矢言不復他適及

勝八

十五

囊篋罄空家無兼侍姑老且病媒妁日至覲  
中曰人之所慕色與財爾妾家貧素方丁大  
禍今好述之心不已意者以妾年齒未衰氣  
血尚盛身無惡疾唯此爲述爾妾豈忍棄臨  
年之姑忘結髮之夫革面而事他人乎針指

小巧素所不汙爲人縫緝浣濯粗以自給妾  
與姑老甚不得已則待姑百年改卜未晚也  
乃自斷髮喪面不御鉛華以婦功自給如此  
六年姑死禮葬之三日復祭里人助者百數  
有賊乘其出踰垣啓鑰盡携所藏觀中未知  
也家有土地白致一與邑里正神康潮生欲  
治之適會予來褒中就以此報予遣陰兵三  
十人執賊于市舉揚所竊歷告于人曰此節  
婦楊氏之物也當還之已而舉手向口自嚙  
十指盡而死



北郭第四十一

人之嗣續貴非輕 只在心田種果成  
欲速區區還是拙 招尤累累豈能平  
栽培卉木姑爲喻 周卹孤窮俾用情  
真子承家號神保 乃知報應自分明

蜀都北郭民王尚忠富而無子行年四十心  
憂而計速廣求妾媵終無所出又取本宗之  
子以爲繼紹然資性險急妾媵小不如意則  
鞭笞之轉易之養子有違教訓則復逐之用  
心愈急爲計愈疎歲月因循行將半百於是

大設供具延請羣望現祝巫謦月餘不已予  
因化一居士語之曰栽植桃李既培壅之又  
灌溉之日月未久剔其枝葉以冀速長復移  
其處加以糞壤時令未至撥其根芟視其堅  
否見其種植枝葉潤茂又復取之棄其舊土

又復移易用心過勤終不成實可謂智乎曰  
不可予曰汝之求嗣何以異此吾今勸汝寧  
汝心身改汝前行寬人之力容人之過婢妾  
可蓄者留之不可者嫁之宗人子既捨所生  
呼汝爲父堅汝初志略其細故汝室有子勿



萌棄心脫人之死濟人之急周人之窮恤人之孤一志行此聽命于天若此三年當有善報語畢而隱形不見尚忠信之以爲神告厥後嫁婢一十三人所養二子皆爲娶婦指授別業使爲久計葬貧人父母五十餘喪成貧男女八十餘婚三年之內果獲貴嗣名曰神保長而克家焉

返火第四十二

兄弟從來本一支 如何鄰壤便相關  
苴侯邀利情難測 蜀主淳宗自不疑

烈焰亘天方可畏

雄風刮面返遭危

空中明語垂端的

始信神祇不可欺

蜀王魚鳧有弟葭萌封之于苴是爲苴侯久  
之苴遣使求賄蜀王不應於是遣人焚蜀府  
庫火勢孔熾予聞之命風師返火明言苴之  
無道須臾苴之行人皆死於火自是苴蜀交  
攻者三年竟不勝蜀

騰八

十七

### 平苴第四十三

苴侯立國號葭萌

不念魚鳧是弟兄

戈甲相侵民橫死

封疆密邇氣虛爭



更因信使談形勢 現出神兵示重輕  
葭邑一朝心伏羲 免教塗炭及黎氓  
苴蜀既交惡干戈相爭者久矣蜀王厭之遣  
莊蘇議平苴侯不聽莊蘇因言蜀之兵衆手  
指西隅予因現神兵而警之苴疑其龍衣已遂  
乞盟焉使者言之于王王爲予立廟於都之  
址

費丁第四十四

生前直道雖罹禍 身後遺靈恥括囊  
君寵五丁忘武備 予方三狄抗封章

只知運土增妃墓

不信談兵拒敵疆

謂我妖言何足較

從而毀廟又奚傷

武都山精化爲女子色美而豔蜀中所無有  
聞於王開明尚王見而悅之納以爲妃無幾  
物故王念之不已築墓使高以示不忘武都

長人費氏五丁從而媚王以大力故負武都  
山土增壘之不日墓與山齊王名之曰武楷  
山謂妃死而懷土也既而王親信之寵用之  
日侍左右曾不暫捨王亦多力恃勇既得五  
丁自謂空拳可以格戈戟奔走可以敵車騎



於是不修邊備至撤亭障罷烽燧予既爲之  
神享其血食且彊秦接境慮有不測乃化一  
文士自稱北都張生叩闕上書其畧曰臣聞  
專德者昌專力者亡昔者堯舜禹湯之治天  
下在廷之臣姓氏昭然未有以力爲專者但

騰八

十八

匹夫之勇不可以爲恃絕人之伎不足以威  
敵飛廉惡來無救於商辛羿射夏丹竟死於  
非命近世三狄長大多力卒加誅勦今邊隅  
費氏昆弟五人初無道德以力爲任士以其  
身相長大而賢之乃不修武備臣以謂費氏

之力一可當十以至百人爲敵力無施矣若  
以置諸臺阜列爲僕御俾其裸股肱執射馭  
奔走從事則可若以爲折衝鄰國則不可要  
其所比不過赤白長狄三者之如也臣願謹  
先王之慶基嚴彊秦之邊備無以匹夫之勇  
而弛三軍之令王不悅曰汝諫吾謹武備而  
誚吾養材士是欲獵而廢鷹警賊而廢犬也  
予力辯之時五丁在前怙王之寵欲來見辱  
予乃隱而不見五丁以予爲妖又曰此殆北  
郭張仲子也於是毀予廟貌予亦不較焉



石牛第四十五

巴蜀相攻蜀富強 秦人貪蜀巧思量  
非干孝惠興謀善 自是開明用意荒  
礮石爲牛山下立 鎔金作糞尾邊藏  
好財不聽忠臣諫 鑿路興兵致後殃

騰八

十九

周室寢微諸侯互相侵伐巴蜀交隙秦與蜀  
鄰惠王用司馬錯計啓謀吞蜀而蜀道險甚  
行兵無路乃於秦蜀之境鑄石爲牛形製既  
大置於草中又鎔黃金爲餅置之尾下如此  
者五所陰使人伺之月餘金餅爲人取去旋

復置之所取既頻蜀王知之使人臨蒞之數  
月得金千餘斤乃命五丁開鑿險路興兵五  
千率挽石牛以歸方發兵日子復化形爲儒  
者以仲弓子長爲名詣闕請見子乃上疏言  
開路非便獲金非利王笑謂子曰天不愛道  
地不愛寶吾以社稷之靈石牛黃金自入吾  
境黃金至寶也可以富國可以強兵可以寬  
民先生疑鄰國之詐誠過計焉豈有捐金數  
千而設詐乎先生少遲之石牛行且至矣子  
仰天而呼潸然出涕王以子爲不祥左右掖



予出予從而隱焉

五婦第四十六

秦人貪蜀志并吞 險路開成入蜀門  
尚恐石牛彰詐計 更將宗女許新婚  
不思大國難爲偶 將謂誠心有所存

逆耳固知辭枉費 忍持緘默負君恩

石牛既歸秦王曰此用之開路則可矣若牛  
歸而無金則吾計敗矣乃復遣人與蜀約婚  
曰秦與蜀鄰親仁而善鄰理之常也吾有宗  
女五人請嫁蜀王王其納之蜀王大悅予聞

之嘆曰彼強國也此物奚宜至哉王乃遣五  
丁迎秦女於境上王方日備千乘候于北郊  
以伺音容子乃於衛士中現儒生相自陳上  
疏諫之王怒曰汝非北郭多口張仲子乎讒  
言見侮者三矣敕左右兵之子乃現忿怒之  
相衛士驚潰子獲免焉

臨八

二十

顯靈第四十七

忠懷不忍秦侵蜀 力諫吾君反被嫌  
怒相本期鄰敵畏 大身俄爲玉音潛  
路迂七曲行方徹 山壓羣靈命盡殲



從此一隅知敬仰 劍南聲勢已炎炎

五丁既迎秦女以歸蜀人萬衆小大歡悅蓋  
昧於禍機以非爲是以弔爲慶衆人之常見  
也予乃於劍嶺之陽化大身相橫截於路意  
謂秦女畏駭可以回轅秦蜀之人觀者駭異  
或於譊譊中聽有玉音若曰天之所廢不可  
以興蜀王是也天之所興不可以廢秦王是  
也子誠忠矣如天命何予乃收縮會五丁識  
之曰此必吾北郭神張仲子也予將搏而食  
之萬衆呼聲震動山川五丁逐予予乃經山

腹行路成七曲將入洞穴爲丁所及持予甚  
急予不得已化身百倍任其搖拽尋以首穿  
山頂回光反顧以震盪之山隨身動五丁與  
秦女俱至崑下山摧勢迅於是五丁五婦皆  
陸沉焉爾後帝并於秦吾亦無憾

勝八

二十一

# 大丹第四十八

老氏中原厭甲兵西昇甘作化胡行  
雲間車騎排千里所在神祇送十程  
殺命心公寬自釋吞丹志一體斯輕  
乾方不是潛身處却住坤隅慰衆情



予以蜀亡社稷變置百靈廢祀血食無歸神  
遊崆峒聊以休息忽雲衢中旌幢車騎過者  
三日山靈相謂曰景象如此殆有聖賢經過  
已而老氏將左右二真人自東而西予列拜  
于西嶽所部諸地祇中西嶽有令諸地祇皆  
拜送十程予在翼護數一日請問懇于老氏  
具陳往昔在蜀功過老氏曰大道之行天下  
爲公爾既公於心三諫於蜀爾之功也五丁  
五婦雖死於汝以公存心亦非過也既有功  
於蜀今國號雖秦而井邑仍蜀也爾宜永享

蜀祀以慰斯民乃命徐甲取囊中藥一粒授  
予曰此大丹也汝宜餌之大者與道合真丹  
者與心爲一爾後五通具足非汝夙昔之比  
中原擾擾吾甚厭之今將入西域行化三百  
年後西方之教法盛行當來中國爾宜信之  
予敬受焉

巴都第四十九

大凡臨事莫欺心  
心鏡纔昏禍即侵  
巧計受珠誇倖械  
厲聲決獄逞胸襟  
鞭笞二百難輕恕  
受痛三旬可自斟



廟貌焚修非所望 祇將直道報知音

秦既并蜀使張儀虜巴王而取其地因以巴都爲郡久之巴都守相伊庭儀以太守疾攝事郡民張威家奴萬真投井而死獄威月餘威不任筆楚誣服曰實威殺而投之蓋萬真

勝八

二十二

先有所犯威嘗撻之不三日真竊其資欲逃他所爲威所覺真臆度不免乃自盡其命實非威殺之也獄成威之子聞之以大珠百枚遣人獻於庭儀庭儀謂用事者曰汝醫者別日但以小篋作風藥來雖在客前無忸怩也

其家甚喜至日候門獻之庭儀適會客十餘  
方具酒肴醫者至且延之坐末酒三行醫起  
以獻藥爲言伊受之方入中雷旋悔之曰事  
有不明恐招謗議命出之封提如故伊復命  
醫者開篋取藥猶恐事泄分獻衆客翌日以  
威之歟伏辜卒陷大辟威之子行哭於市仰  
天呼冤曰還有神靈察此冤抑否予見之夜  
迎庭儀及威之父子醫者竟爽訴之得情庭  
儀曰珠寶某取之篋中之藥乃素所備者珠  
方入而易之既受其珠復畏太守知之故不



敢易其款予命鞭庭儀背二百明日所訊之  
人寤言皆同方共訝之俄聞庭儀疽發於背  
號呼月餘乃死威之家爲予立廟一郡之人  
從而見敬

婆婆第五十

勝八

二十三

人之生子要尊親

自幼劬勞育汝身

冒姓固知羞所問

所生寧可棄其貧

官中被罰情難忍

夢裏遭笞痛亦均

一旦冤人成父子

鄉邦風俗可還淳

巴蜀二郡之境有山曰婆婆山神輅安行來

至巴郡渝水之上見予曰某之所治居民勤而信孝於祖禰敬於鬼神事無大小占之龜筮云吉乃敢行焉山王嘗總蜀神今巴蜀黔漢列爲四郡秦人視之一槩爲蜀某之所治王曷臨之予以非公事不欲輕往一日安行又至曰某之治有民周符本袁氏子某之族也去車從袁俗省之也符之生日時皆惡乃祖忌之命勿舉其父平叔不忍棄乳養于外三歲正旦拜諸孫中翁乃大怒詬其子曰汝欲以此命凶之子殺我耶平叔提携而出適



友人周寧之相遇於途且告之故寧之曰我  
未有後人今請養之他日吾室有所出則還  
君之姓平叔與之自後周日益富袁以家禍  
連綿貧甚及周有子而前約不復講矣寧之  
既亡平叔時往訪符或告之急則亦相濟至

于數四平叔私許以爲符實已子且嘗念我  
乘間爲符言其始末會符之弟來適聞平叔  
之語叱平叔出明日投牒於官以平叔之言  
不直笞之平叔炷香于頂以告於安行且言  
子敢笞父安行知其詳念非符本心未有所

裁王爲決之予乃與安行偕往夜夢於符見  
已之初生及王父不舉之語及乃親乳養之  
事夢未畢哭而起欲自決又以形於公牘牽  
制於弟隱忍間予復夢中責其不即聽從咎  
之百下符既覺達旦不寐明日拜于袁氏之

門謂平叔曰符不早悟爲大人遺體今神來  
見責撻我幾死今悔矣且周氏自有子可承  
祭祀符已不願預其家產唯吾父之從鄉人  
知之以符爲賢周之子筮乃分家貲與符任  
其歸宗素之夫婦老且有託焉



梓



梓潼帝君化書卷之二





梓潼帝君化書卷之三



梓潼帝君化書卷之三

騰九

戒龍第五十一

周既爲秦九鼎遷 諸龍聽命海神前  
輒因事道宣餘忿 不顧殃民有重愆  
指石爲盟心可信 仰天設誓語無偏

從茲岸畔耕桑者 無復橫流浸漬年

青衣之水自西而東與岷江相會秦既并周  
九鼎西遷諸山之祇會于嶽靈諸川之龍朝  
于海若所以聽革命而效靈祉也二龍俱東  
相值于江合之中流爭先以行氣不相下閤



於江洲二水俱壅波濤橫湧民居其畔者千  
有餘家一日浸漬奔避無及怨苦之聲達于  
四境予適見之先遣陰兵萬衆障其狂波予  
造水中解紛謂之曰維新之命易我舊德餘  
忿不忘百靈皆然何獨二君今以爭道而闢  
禍及居人向非吾兵障流則此邑之民靡有  
予遺矣且上帝好生後悔何及二龍曰敬受  
教令既遣俱行且約歸而成之及朝宗回日  
予與之尸事仰天設誓指東西二大石叱之  
使起須臾兩石峙而立予復戒之曰二江之

龍言歸于好天地爲質斯言不渝若二石合  
而爲一則今日之盟可寒決別而退

鳳山第五十二

千重肌肉受胞胎 十月懷胎豈易哉  
情實片言違主意 羈縻兩紀受身災

不因夢裏騰鳧出 爭得山邊避雨來

子母如初天理在 晚年甘旨且相陪

果山之隅富人王基五旬無子一日醉飽形  
言睨其妻曰人之欲富者生有衣食之養死  
有祭祀之歸也今富而無子安用富爲哉妻



安氏亦巨室也生平不字性嚴而妬聞以自愧乃出粧資買柳氏女以奉良人逾年有娠安喜甚旦夜焚香祝于天地每以王氏嗣續爲請知柳有娠即以已之衣飾與之至於防護飲食寢處無不經意臨蓐之月前期擇女

醫以爲備既分免果得男子大喜兒之乳哺襁褓大小便利皆自洗濯視其子猶己生也夫君賢之子百辟名曰宜壽亦安之意也尋別召乳婦專飼養之或語柳曰吾與汝主客也汝至吾家飲食受用與吾無異蓋以吾兒

之故爾兒將周晬矣吾將擇媒嫁汝爲良人妻也柳乃號泣曰非所願也願與宜壽相處死而後已安不悅曰汝欲與我爲代耶吾撻之即易其衣裝食以粗糲視之如犬豕則以畜名之力則辛苦畢貴於柳宜壽三歲一

日走投柳懷相向而泣柳曰我以兒故飢寒苦力無所恨也邇來月餘不見兒面兒憶母否宜壽亦哭之聲聞于外安往視之奪兒出持挺箠之甚苦時當寒月盡褫其衣夜屏之外詰旦呼里胥而逐之基以重傷宜壽之心



勸留之安曰我與此畜勢不俱存今欲以此  
畜爲妻則我且出必欲留我則無容此畜儻  
移時而不決則我且求死於君前基不能拒  
與柳所服裙釵婢携而爲貨安氏奪之柳以  
久於飢困憔悴骨立鬢髮童禿身肉枯黑人

騰九

三

無取焉乃行於城郭窘食自養適王之族有  
徙居通川者挈柳偕行年餘安知之貽書詬  
責又被逐焉既無所向乃以薪水力作糊口  
於人厭後兩周星紀宜壽父母皆死已亦有  
子十歲名知微或告其妻康氏曰我家生理

頗豐諸無不足惟我所生不知存歿日夜愁  
苦我今三十而已華髮伊此故也即以家務  
委其妻曰善視吾子我將訪母見而後歸乃  
出而北行凡遇井邑觸處徘徊淹留道塗俄  
爾經歲宜壽每出行路哀哭摧毀日惟一飯  
菜米而已誠動幽明所至祇靈爲之感格巴  
渠二江相合之地有鳳凰山予徜徉焉見一  
老嫗負薪行烈日中揮汗不已憩於松下南  
向長號曰宜壽宜壽吾兒健否母困極於此  
兒安得而念之予聞之有所不忍呼里域獨



孤正而詢之正曰是王宜壽之所生母也時  
宜壽久外其家促歸已返中塗予爲夢之宜  
壽自見所生在家之日苦樂之詳及路中相  
見之處明日大喜曰神明告我子母相見有  
兆矣乃復北首所經山川道里皆夢中境也

行三日到鳳山之下方炊暴雨忽至行人莫  
進良久一村婦負薪而入見宜壽揖之宜壽  
心動詢之乃其母也迎而歸之柳年八十而  
卒

生身爲女已卑微 況被狂夫掠賣之

飲泣父親成瞽廢 積憂母氏似迷癡

異鄉苦樂誠難測 一命存亡不可知

直待咎元彰報應 臨終方悔得便宜

蜀土之生民二男四女故其俗以女爲卑涪

騰九

四

水之源富民任盈年老無嗣惟一女愛之名

寶珠年十五隨隣伴遨遊蠶市燈下稠人中

迷路爲惡少咎元誘之父母重賞尋訪月餘

已爲元所賣於夔子矣父哭之失明母義氏

心氣成健忘如此十年百計求之了無音耗



盈聞七曲之靈乃肘行膝步號泣見投願一  
見珠而死予閱之乃敕八功曹將三百陰兵  
方圓千里四外求之或見珠於夔之魚腹負  
汲而哀詢之瀼龍乃得其實予乃夜夢於盈  
自七曲而南沿流下之直抵夔門見女與語  
女亦夢見其父既明盈謝而去使人相之蓋  
如夢中所行乃見焉珠初爲人婢主母惡之  
而箠撻過甚又轉他家前主倍取其傭又三  
年復爲隣子詐欺曰爾父求汝令我與汝來  
又轉之他家如此前後四主矣珠今在張白

家主母忌人有孕而珠寶懷之恐得罪欲赴  
於江而如有人難之父聞珠聲音目乃有見  
俱詣其主贖身以歸母亦疾愈皆元者老矣  
予乃遣功曹監治之日撻三百凡月餘挾其  
兩目乞匄於市自陳曰寶珠之失身元之罪

購九

五

也今爲七曲張主治我良苦且死矣逾年而

殂具音鑑笑之故美音亦海題之愚初音野

龍遊之口業第五十四下而皆下人亦主併

人生口業報非輕 莫把邪言作課程

妄語以虛爲實事 綺辭增百作千名



血隨砭石流無已

罪積陰司貫已盈

犁舌不須求地獄

眼前公案甚分明

龜城之民祝期生有口才而習下人有生相  
不具者譏笑之妍美者亦疵毀之愚昧者輕  
侮之智能者亦評品之貧者鄙薄之富者亦  
訕謗之官僚則播其陰私士友則發其隱曲  
至有門地才具出已之右無可議論者則曰  
乃祖微人也乃父鄙人也或曰其母家工商  
也其妻家駟僮也或曰厥弟不良也厥子不  
肖也凡所知識皆不逃於貶刺之中此猶細

故也人小有過惡則既傳揚之又增飾之以  
無爲有以一爲十以疑似爲端的以偶然爲  
故犯以不得已爲優爲以錯誤爲情實至於  
面折之衆辱之又從而告訐之非特待他人  
如此雖已之族黨亦不免焉目其父母爲頑

嚚目其兄弟爲管蔡非止於身爲之也或教  
人興訟已則解釋之或教人詛罵已則辯證  
之所習既久不知其非中年得舌黃之疾使  
人砭刺出血勢少間不數日又作尋復治之  
大約一歲之間疾五七作每作不下出血一



二升率以爲常一日因與其徒話鬼神幽明  
之故言天之雨暘之不時地之豐歉之不一  
鬼神之受人祭祀祖禰之邀人奠醑皆訶罵  
之予適與江漬會語聞其多口予方竊笑之  
里域真官虞奇叔曰此特萬分之一耳因備

勝九

六

舉而詳言之予乃遣功曹謬其操持使自以  
手探舌出以爪掣之涎血淋漓如屠狗彘流  
溢於地觀者千百使自宣其過曰人之口業  
不可作也如此月餘舌枯不能食而死

三作雖然爲得財也須擇術自量裁  
減輕添重由心造提後推前以意猜  
業熟雙眸皆瞽廢藝精五指盡傷摧  
三年陽責人爲鑒寧免鞭寬死後災  
蜀郡土薄水淺民生其間率皆慧黠有智數  
多機變巧於求利闌闌之徒雖一錢物皆有  
贗僞東郭人黎永正本攻輪輿狀其作重而  
貨遲乃改業治斗甬尋又治權衡逾年人有  
欲深斗重秤爲囑者倍取其直而與之其欲  
減勺爲升減合爲斗省銖爲兩省兩爲斤者



亦如之永正又能作空中捩絲之秤折底隆  
梁之斗小民不顧報應者以爲便於日用往  
往求之一日司察神糾奏有旨以爲用之者  
固非而作之者尤甚俾所在神祇陽警而陰  
理之予乃遣里域神段彥夢撻永正雖悟未

騰九

七

悔既以聲名漸彰求者愈衆貪其工直夜以  
繼日使其目力昏暗以致朦瞶年方四十妻  
棄而他之二子生而亦盲又以久業於此不  
欲頓廢既已失明別無生理乃至以手爲目  
揣摩廣狹臆度長短鋸斧釘鑽冒險施用左

手五指朝傷暮殘膿血甫乾肌膚未平尋復  
被苦指節零落不能執持行哭於市人既識  
之皆無所卹飢寒切體如此三年使自暴白  
其過而死二子相繼以殍由是所用之者因  
少戢焉

牛山第五十六

積善須逢善果圓 惡人還值惡因緣  
公平苟信無凶報 慘刻蘇珍惹禍愆  
但種稻梁先滿地 莫憂荆棘後參天  
諸君試看簷頭水 滴滴相承不肯偏



蜀郡涪縣二水相會旁有牛山山之阿井邑  
繁衍邑之吏苟信蘇珍所居比鄰而每事相  
反信以公恕珍以深刻信以廉節珍以貪墨  
信以倜儻珍以陰謀信以推誠無隱珍以匿  
怨深中信以語言必信而不輕諾珍以脅肩  
諂笑而無情實信奉母以孝而教子以嚴珍  
待父不敬而縱妻犯上信少求而儉用珍奢  
費而無餘信和同上下而無怨言珍以已律  
人而少許與信掩人之過而省言珍發人之  
私而多口鄉里公私皆以信爲賢以珍爲鄙

且忌珍之敢爲而不能與之較歲終邑人大  
集會酒間鄉老周同舉手示衆曰秦有二水  
曰渭曰涇一濁一清皆赴于河發源既殊波  
蕩不反三尺童子見水之色皆能以涇渭名  
之蓋以清濁取之也在人亦然方語未畢珍

騰九

乃面頸俱赤投袂而起曰苟君是渭珍是涇  
矣珍與苟信聯事而切鄰珍之所爲惟信熟  
知今信播揚珍惡使鄉老於廣衆中以水比  
喻珍將報信以明心信實未嘗以告人也自  
爾珍每見信必眦睚之雖禮文相接而中實



仇敵也又嘗教其子明能伺苟之子儀真之  
便且將殺之次年春析蠶行樂明能與儀真  
並行江際且語且笑明能有惡心而儀真未  
悟也乃恃力推墮儀真水中儀真急挽其衣  
與之俱墜出沒於浪花間予與諸龍君皆預  
供神之席因敕二江龍拯之鄴涪二君雅知  
二子之詳乃攜儀真近岸而轉明能于淵會  
珍見之褰裳而往復取儀真擠焉旋爲儀真  
牽挽而入觀者如堵呼哭騰沸予不平之乃  
使鄴龍曳珍之足沉焉儀真得無恙珍之父

子皆溺萬人兩兩相謂曰孰謂龍天八部有  
私乎信與珍禍福不在於此日也蓋信之善  
果已熟而珍之惡業方盈焉

天威第五十七

婦人植性固多偏 孝養勤誠豈易全

騰九

九

宿業雖應雷斧禍 今身幸有事親緣

亘天虐焰俄回息 捲地威風急變遷

馬氏焚尸支氏免 乃知輿議合於天

鄰邑民支祖宜其妻喻氏年二十五有姑黃

氏八十病目無所見性褊急喜潔難事而喻



以少年勤廉恭順能逢迎之三年無間言其  
夫因酒誤人仆墮兩齒求免刑責入財自贖  
以喻隨貲入之喻無悔一夕夢里域追逮責  
曰汝前生爲比鄰年容之妻年三十病瘵殞  
逾年汝之姑七十餘煮糜供汝汝以口苦厭  
食嫌其太頻哭而叱之者數四及臨死之前  
一日對姑呼天曰年七十者不死我方三十  
而使之死天不平乎汝家司命聞之于天帝  
有旨令焚汝尸而汝氣已絕事未之行案牘  
仍在凡三十年爲一世今當結絕汝宿業所

應者死於雷斧之下來日俟之以汝今生且  
孝故先期告汝喻驚而寤中夜坐而號泣良  
人有家幹出外未歸姑曰汝以吾子破汝家  
貲謂終身不可償耶喻曰無之凌晨沐浴新  
衣拜其姑曰新婦三年事姑無狀今請假暫

歸恐不測身死不復來歸婆好將息姑訝其  
言不倫歸別其父母所言如初自炷香立於  
屋南大木之下仰天而祝曰新婦之死宿業  
當爾有所不辭重念夫貧姑老晚年失婦誰  
爲供事一也父母自少小教訓今被天誅爲



父母之辱二也身有孕已七月矣萬一得男  
支氏有後三也今二事皆不可避獨支氏無  
後爾乞少延三月分免而死時大暑中陰雲  
晝昏風雷交至里域爲予言之予知其心乃  
爲奏之有旨取里中凶逆者代之富人張實

騰九

妻馬氏淫悍悖逆事姑嫜無禮制其夫如奴  
隸予即遣里域同雷火神治之俄喻氏無恙  
而實之妻焚焉

尚義第五十八

昆義由來一父生 至親安可便無情

李華待蔚真堪尚 雍滌欺源太不平

折臂輿情知顯報 表間公議得嘉名

因令薄俗成淳厚 鴈序怡怡免競爭

灋水之瀕邑吏雍滌有弟源亦仕于官每爲  
滌所窘源以長上事之恬如也滌源同娶梁

氏二女家私微芒必較久之滌源爲仇讎妯  
娣爲冤對雍之父母弗能制也乃議析居欲  
留源之房滌不許俾源夫婦出一物不與責  
以歲時供奉無幾路逢源窘以不拜筭之既  
傷復訟於鄉大夫詰其詞理滌乃不直滌之



妻造源之門曳乃妹出亦筮之曰法存長幼  
終不立幼而筮長也鄉議不與之儒家李華  
父晚景有爨婢出一子臨終囑華曰汝以爲  
子華泣對曰是兒母雖賤華之同氣也他日  
華教養之使之成材昭穆有序天可質也厥

騰九

十二

後名之曰蔚尤鍾愛之既長爲名士爲之娶  
妻華有子彌明先生於蔚十歲自蔚甫能言  
使彌明拜之及長禮待次其父一等華與子  
及蔚均爲鄉人所舉達之太守上之春官論  
定以彌明官之彌明失言於蔚華乃撻之彌

明伏羲尋以家貲盡付於蔚曰吾弟主之彌  
明自有祿養矣鄉人以爲賢秋社集予在祭  
焉鄉人以雍李相況爲薰蕕滌聞之罵坐復  
曳源擊之予不平焉乃使直事紆其臂而折  
之滌妻尋亦疽發于手如此三年公私俱廢  
生事寥索父母相繼而亡滌與妻乞丐而死  
鄉人以爲不義之報郡守旌華之間曰尚義

旌隱第五十九

世情習俗最移人

日用塵勞喪本真

守道牟君天所佑

輕身蘇子鬼猶嗔



至言傳誦爲規範

廟食興崇致與輪

蜀士始尊中國教

俗儒一旦變真醇

蜀自秦并之後中國文物之盛先王大道之  
化漸有習之者矣而淳厚之風未振囂浮之  
徒競起予恐傷風教有意欲化之一日巴郡

宕渠士人牟麟好學不厭而樂於教人守道  
廉退非有大故不出戶庭歲時起居有受謁  
無出謁貧甚而未嘗怨尤郡守溫瑤辟請爲  
從事既不起丞于扈往邀之接語移時所談  
皆安時順便善身避世之語扈欲致守之意

而辭不得達卒罷之辰以告瑤瑤嘉其節蘇  
尚功者嘗學於麟未終其業開門受徒以師  
自任而性好奔競足跡不少安求請省問奴  
顏婢膝爲麟<sub>以</sub>之或以麟辭達之者尚功踵  
門而辯之麟亦自以爲嘗教誨之猶執先覺

騰九

十二

之義而語之曰死生有命富貴在天子夏之  
言也求之有道得之有命求無益於得子輿  
之言也子之所爲吾實恥之尚功自恃少年  
拳勇擊麟予適見之乃化一儒士爲之解紛  
顧衆而語之曰人之壽夭窮達有命在焉非



人爲也奔競無恥不知命者也命之所無求  
之何益以常求之偶有所獲以爲求則得之  
求益於得是不知道者也苟不知命且不知  
道則所守既喪放辟邪侈至於不正不忠不  
孝皆由此也二子所爲冰炭君子小人之所  
以分也觀者駢闐或問子曰爾爲誰曰予所  
謂張仲子者衆驚愕相視間予隱形不見自  
是遠邇聞之者若尚功之徒改行有醇厚之  
風焉渠人爲予立廟

謀他財賄已非宜 沉復萌心苦見欺

正女一言祈響報 吉人盡室免傾危

俄驚縲紲皆離體 尋使兇強總磔尸

福善禍淫天理在 非予受祭報其私

北都富室智全禮中春修祀一室盡醉暴客

勝九

十三

王才者約其徒三人謀劫之是夜未央推戶

直入縛全禮家男女良賤九人婢妾七人唯

全禮之妻與二女容繫之既取其貲將亂之

全禮之妻惶懼乞憐幼女舜華年十五與其

姐舜英抱母而泣才欲逼之華罵曰餓賊犯



吾家張神君未知汝也語畢其家司命崔瑄  
與智之祖禰告急于予予乃遣功曹輔興領  
陰兵百人治之所縛全禮以下繩皆自解盡  
執其賊翌日告於里正聞于郡悉誅之  
梓潼帝君化書卷之三





梓潼帝君化書卷之四



梓潼帝君化書卷之四

騰十

殺生第六十一

蠢動含靈皆有命 貪生畏死與人同  
因思骨髓脂膏味 俾在砧刀鼎鑊中  
不顧冤魂隨影響 只知滋味美喉隴

杜章享盡前生福 業果成時報不空

邛有杜章望帝之支也生於富貴父母好宴  
樂會集以爲常凡烹割之事章躬親之及長  
身任門戶廚饌無虛日膾炙方離口刀砧已  
在手矣後以災禍相繼家道零替無以爲生



爲人屠劊以就口食所取人財名過命錢又以飲啖兼人饕餮成疾方且飽滿尋復中虛而性嗜肉味日常不足及以罟取魚以弋彈雀所見飛走皆萌殺心中年生五子皆無指口累所迫過命之資不足度日悽惶無聊尋

勝十

有癩疾肌膚破裂膿血流潰見者掩鼻矣自以飢火所燒復受疾苦投井自盡爲人執之極口辱罵於是仰天呼冤予見之訝而問里域主者孫洪叔言其詳且言此人祿盡而命長尚餘五年予既知其造業之由又復閱其

受苦之酷且歲方進惡其日夕怨怒天帝乃遣功曹易其心志使以手揭瘡皮以自食之又以指點膿血吮咀求味宣言於人曰母作殺生業以我爲戒如此逾年以準未盡之數念斷而死諸子皆殍焉

酷虐第六十二

公孫武仲處心廉鞭撻諸胥失大嚴  
資水賴恩還縱吏酷民誅取却無厭  
化身戒勵誠惟一改行寬平利可兼  
裁抑有餘增不足吏民兩邑惠俱霑



牛鞞邑令公孫武仲治已以廉而待人不怨  
左右之人小有過失笞一二百蒞邑逾年而  
胥吏無全膚吏怨之資水邑令賴恩性貪沓  
以苞苴爲常日用飲食歲時衣裝取給於胥  
吏而民事造庭者無問曲直悉付之狴犴恣

騰十

二

吏誅求意足乃已吏意未厭則遷延歲月置  
而不問民怨之予以二邑之吏民被苦乃化  
身爲蜀郡丞長孫義行諸邑觀風俗劾仲之  
虐吏賴恩之酷民二令叩頭乞免予戒勵之  
尋隱而不現後知郡丞初無行邑之事二邑

咸以爲神而敬信之武仲改而忠恕恩亦變  
而廉潔焉

憫世第六十三

周室隳頽爲不仁 蒼姬一旦變嬴秦  
慘刑暴吏無和氣 詐計窮兵又幾春

不忍中原罹此禍 願開方寸濟斯民  
上天有旨垂俞允 雨後乾坤又一新

予嘗仕於周以忠盡命血食於蜀未幾蜀入  
於秦已而周喪天下皆嬴氏矣秦任刑法視  
民如草芥秦衰而干戈又起中原塗炭于斯



久矣予以久處靜境思以拯斯民之苦乃飛  
章上聞于帝從之若曰白帝子遊人間久矣  
而暴於殺伐今已遣赤帝子代之矣汝以本  
司火德今當應世以爲赤帝子之後予受命  
焉

騰十

三

### 咸陽第六十四

護持全蜀幸優游 應世情牽強出頭  
被諧不成膺繼統 殺身空與結冤讎  
封王緣薄終何益 報母心酸未肯休  
那得身爲率然相 盡吞諸呂快幽憂

予之懇于上天將以化身援天下於塗炭之中躋斯民於和樂之地無何帝命以予爲赤帝子之後玉音可畏予不敢抗靜而思之非所望也俄有九天監生大神逼予受生於雲霄間下視咸陽火秦之後宮闕鼎新漢帝方與戚姬晤語監生逼予曰此所謂赤帝子者也今爲漢帝矣予縱目間爲監生大神所擠墮於帝側戚姬之懷恍然而覺帝以予生骨相相肖舉止可喜名予曰如意予雖提孩中而本志尚堅語言顧盼尤愜帝意帝尤鍾愛



每以予兄爲不類薄之晚年欲以予爲太子  
既不果帝萬歲後卒爲呂氏所殺予母之死  
尤被酷毒予深怨之方冥冥間見母受苦時  
思得復爲率然之相盡吞諸呂而後已也

卬池第六十五

恃勢凌人不可爲 無辜母子被誅夷  
街冤入地至極矣 不共戴天良是之  
諸呂後身同一邑 雙親乞命在斯時  
海波平陷四十里 還我當年受百罹  
予自罹呂禍之後神遊冥漠又無職守嘗蓄

宿憤思欲報之已往修積不復問焉雖諸呂  
死拘幽冥造業深重歷年甚多逮再生亦久  
遂訪西海之濱有邑名邛池邑今呂牟呂后  
之後身也邑人多呂氏蓋宿業相尋諸呂造  
業之黨也萃於窮荒予母夫人亦生於彼復

騰十

四

爲戚氏以前身享福太過生此而貧悴所嫁  
張子年老無嗣夫婦以芟刈爲業一日野外  
相顧而語曰生身窘甚非苦自養暮年力衰  
將不免於溝壑今六十而無子是天將殺之  
耶乃相與割臂出血瀝於石凹中以石覆之



拜天而祝曰人皆有子惟我獨無今氣血薄  
少不能施化願此石下倘使動物生焉亦遺  
體也予識母氏心惓惓焉一念感之從而寓  
止明日二老復來揭石視之血化爲蛇金色  
寸長予所爲也母收養之逾年頂上出角腹  
下生足能自變化每天欲雨予爲助之身既  
長大腹量寬邁見羊豕犬馬輒食之邑令有  
馬色潔而駿牧於水際蹄傷吾末因拘而啖  
之馬蓋呂產之報身也邑人皆知予詳訪於  
予家而不獲逮予父母於囹圄責以三日求

予無狀將見殺焉次日予化儒士謁令解之  
令曰張老夫婦家養妖蛇食人六畜久矣今  
又食吾馬吾將殺之爲民去害張不見聽是  
彼自爲妖也今必戮之予曰物命相償宿業  
所致遇彼吞噬亦非偶然今君爲畜而殺人

騰十

五

豈令尹之事乎令叱予使退予復語之曰君  
有死氣浮於面顏宜善自愛他日無悔語畢  
予隱形不見令之左右皆以予爲妖予乃奏  
天稱冤陳以前世子毋無辜死於諸呂今適  
逢之願與之較辭上而未報因變化風雷呼



吸雲霧白晝而瞑一邑之人相視而語曰汝  
頭那得爲魚至以手相捫頭面而泣一夕揚  
海水以爲雨灌注城邑園四十里皆陷予以  
身載父母而出焉時孝宣之世今所謂陷河  
者是也

解脫第六十六

嗔恚之心莫易生 此心生處是無明  
只知直理堪平訴 不待琅音輒徑行  
謫受大身遭執惱 填還冤債慰羣情  
世尊一語消餘業 却得當來面目成

予前以呂氏寃對奏帝未報而擅行之雖一時快意宿憤頓消及心定意平良用深悔翌日玉音荐降以海神晁閔劾予擅用海水陷溺平民五百餘戶以口計之二千餘命除里域所具予前身仇對八十餘人半在城隍半居附郭外其餘生齒皆係天枉帝命賜譴以予爲邛池龍而奪其神職且使天吏監臨不得予預兩澤羈囚於積水之下連年旱虐水復爲泥身既廣大無穴可容烈日上臨内外熱惱八萬四千諸鱗甲中各生小蟲呬齧不



已宛轉困苦不記春秋一日晨涼天光忽開  
五色雲氣浮空而過中有瑞相紺髮螺旋金  
容月瑩現諸勝妙希有光明山靈河伯萬衆  
稽首讚歎歡喜聲動天地復有天香繚繞四  
合天花紛委隨處生春予乃耳目聰明鼻觀

騰十

六

通徹心清口潤聲音發揚仰首哀號乞垂救  
度萬靈諸聖誠衛先後咸謂予曰此西方大  
聖正覺世尊釋迦文佛也今以教法流行東  
土隨教化身將往中國爾既遭逢宿業可脫  
予遂起改悔心生悲愍念身自踴躍入天光

中具陳往昔報應之理世尊答言善哉帝子  
汝於向來孝家忠國作大饒益又復憫世生  
護持心因果未周仇敵相爭以人我想肆興  
殘忍遷怒于物業債當償今復自悔欲求解  
脫汝於此時復有前生冤親之想與夫嗔恚  
愚癡念否予聞至理心地開明內外罄然如  
虛空住無人無我諸念頓息自顧其身隨念  
消滅復爲男子聽佛宣說得灌頂智得大辯  
才得神通力得圓滿相龍天八部皆大欣悅  
予皈依焉



仁政第六十七

嗔業焚和障最深 堅持忍鎧莫容侵  
瘡傷爾體猶吾體 痛切他心似我心  
吏既不欺終幹蠱 民知相愛自甘臨  
清河薄譽緣斯得 歌詠惟將和舜琴

騰十

七

予既離惡趣即得善生受形於趙國爲張禹  
之子名勲既長爲中正所推爲清河令寬明  
自任人不忍欺待吏如僚友視民如家人吏  
有失謬者是正之弛慢者勉勵之鹵莽者教  
誨之貪饕者廉察之詭詐者詰難之不用詰

詔者免去之惟曲法戕民以白爲黑事千人  
命者使自理之辭窮心盡然後付之於法其  
初情可憫者猶宥之佚出之罰予所自當不  
敢辭也民有爭財賄者以義平之爭禮法者  
以情喻之爲賊者使償其貨傷人者使庭拜  
其敵姦及殺人者付之於法其本心可恕者  
猶出之宥惡之謗亦不敢辭焉以是一方之  
內雨暘以時蝗蝻不作偷賊相戒而出境姦  
邪革心而改行爲政五年怨懟不聞四民爲  
之歌曰吾有師師嚴而不慈教我恕我張君



能之吾有友友信而不戒親我正我張君是  
賴我有親母恩掩於義張君似之柔而不制  
我有親兄責敬於情張君似之和而不爭後  
爲太守責以趨進予解組焉時章帝元和之  
末也

幽明第六十八

盡心於道道斯存 篤志求仁仁自成  
性定乃能通晝夜 神全方可治幽明  
林宗愛子存公議 帝旨傳言無隱情  
三紀辛勤效功績 不妨陰隲相羣生

予以先世善政有成福業滋茂天年甫盡即  
遂有形於順帝永和間載生斯世所謂張孝  
仲者猶不忘於故稱也復爲郭有道所品題  
雖不登顯仕浮沉里閭而上帝有旨俾予日  
應世務夜治幽明凡人之屈抑冤枉陰德隱

騰十

八

謀予皆知而籍之以至鬼靈邪祟無不預焉  
如此三紀幽明兼濟人鬼交利予有功焉  
籌帷第六十九

襟懷有武且兼文一寸心田萬象分

寶運將開司馬氏兵謀聊贊鄧將軍



出奇問道行吾計 盡瘁沙場佑帝勲

史氏簡書還闕逸 何妨籌畫事無聞

予以善功世修漸復神職而命債未償者猶  
不吾置復生於河朔少負氣節眼見世變嘗  
以功名自期乃爲大將軍鄧艾見知辟請爲  
從事凡所舉謀予必預焉及伐蜀之年予爲  
行軍司馬勸艾以間道出奇以省鋒鏑之禍  
入蜀深境遇諸葛瞻許以封王琅邪瞻不之  
聽至於交綏瞻之中堅予所當也或有流矢  
星飛集於予體瞻方就擒予欲營救之而創

甚矣蓋向者邛池未償之報者也可不戒哉

如意第七十

帝手何年自執持 玉京一旦賜於台  
指揮行陣陰兵出 顧揖仇讎惡意移  
利器尋常爲伴者 舊名時復自呼之

勝十

九

從茲所向皆如意 三界神靈孰敢欺

予既滿前緣詔詣玉京洗除惡籍鼎新神位  
俾予永福坤維帝又以所執之杖賜予帝旨  
若曰資爾孝仲萬靈之雄忠孝全節世資爾  
功資汝斯杖無所不通又曰此如意也予以



杖契宿名欣然受之

丁未第七十一

越裳五畔金山邑

越舊南邊近海涯

醉眼醒看新日月

閑心忙愛舊煙霞

元辰司命專丁未

趙國中興顯故家

火德佐王千萬祀

始從今日拜其嘉

予以寶杖自隨無適不可因念前身西海之  
隅復經從焉越裳之西越舊之南兩越之間  
有金馬山勝境清絕張老夫婦予累生之父  
母也於是生焉時晉武帝太康八年歲值丁

未二月三日夜子刻以甲子考之則其時已  
屬辛亥矣帝命以予爲丁未陽官本命元辰  
焉

水漕第七十二

夢裏爲龍爲帝王 多生習氣未能忘

笑他酒饌修淫祀 書我官衙牒水鄉

風雨聲中奔衛子 桑麻陰下舞商羊

職司全蜀幽明事 七曲遷居道路長

予以成長妻男具而孝敬不衰見鄉人以旱

祈雨於土木予笑之蓋予嘗夢有報矣一日



水際自書官銜移文海神乃見使者告予以  
有形以來自周爲人迄此顯化七十三矣乃  
呼予爲運判促上白驢風雨聲中頓失鄉地  
入大穴中宮庭明敞父母以下血屬皆在一  
夕雨澤大作徧全蜀之境蓋有旨以予總護  
騰十  
全蜀幽明之事焉

桂籍第七十三

儒家桂籍隸天曹 得失榮枯數莫逃  
夢契真誠題義顯 榜隨陰德姓名高  
封妻蔭子由寒裔 曳紫腰金自白袍

爲報雞牕無寐客 勉心文行莫辭勞  
帝以予累世爲儒刻意墳典命予掌天曹桂  
籍凡士之鄉舉里選大比制科服色祿秩封  
贈奏予乃至二府進退皆隸焉

孝廉第七十四

經術談王辯異同 孝廉特地起遺風  
江寧神璽皆天命 日麗重光顯帝功  
馬化已知興晉室 蛙尊誰謂屬劉聰  
跨驢直入西涼地 游戲隨機現六通  
予慕釋氏韜光禪寂建興中 憫戎狄窺伺朝



網非命世英雄弗能反正會元帝建策南渡  
綏撫江左而白麟玉璽見於江寧臨安日有  
重輪皆中興之象予改日作儒士跨一白驢  
往河西應孝廉謁張執馬

感時第七十五

騰十

十一

擬陪鄉士獻能書 喜遇姚萇古亦無  
欲激頽波專號令 敢攄忠節委均輸  
不堪狙詐爲三俊 笑倚鴻圖應一呼  
興盡先期歸蜀地 輶車枉駕訪吾廬  
予建興末作儒士謝艾跨驢入西涼張執以

予爲主簿張重華嗣位時石季龍使將麻秋  
侵寇不已涼州震動府司馬張耽言於重華  
曰議者舉將皆推夙舊且韓信穰苴皆非舊  
將盡明公之舉惟材可任主簿謝艾兼資文  
武委以專征伐之事庶幾可也重華召艾問  
以計策艾曰耿弇不以賊遺君父黃權願以  
萬人當寇乞假臣數千人爲殿下吞之重華  
大悅以步騎三萬人令艾討之麻秋率大衆  
以禦之艾乘輅車冠白帟鳴鼓而行秋望而  
怒曰艾年少書生冠服如此輕我也命黑稍



龍驤三千馳擊左右大擾勸艾去艾不從下車踞胡床指揮處分賊以伏兵發也懼不敢進秋軍乃退艾乘而擊之俘斬甚衆秋乃匹馬夜遁季龍聞而嘆曰吾以偏師定九州今以九州之力困於重華真所謂皮有人焉繼而往關中與姚萇為友欲激頽波以正風化奈何縱暴之君競起廢弒然萇雖少而多謀略又況宿有契好故作密友久之予厭處凡世思歸蜀峯約萇曰苟富貴無相忘後萇以龍驤將軍使蜀至鳳山訪予予禮待之假以

鐵如意屬之曰麾之可致兵長疑予予爲之  
一麾旗幟蔽天戈盾戎馬萬餘列之平坡今  
試兵坡是也後長以符堅死即帝位號秦焉  
誅暴第七十六

禍福之機本在人 只爭現報與前因

騰十

十二

貪汙賄利欺君命 剝刻脂膏虐下民  
擁貨王仔生犢尾 刷錢馬諤化猪身  
從茲警悟堪爲戒 一念纔虧即有神  
予仕晉之後兼治幽顯時蜀之導江王仔者  
永和中任帥幕吏被檄督擁課鹽於潼川而



王躬詣井所召民強與約率令倍差認課當  
取五千斤者倍取萬斤又約來年所輸不滿  
額者籍其家王仔知其不能如約窺欲沒入  
之使官自煎既復命帥以鹽數倍增喜之予  
聞其苦民故陰治之是夕帥馮遷夢王仔來  
謁而公裳下有一尾方驚寤有婢亦魘及甦  
言適王使者來公裳下有一牛尾出再四言  
其推利貪汙之故令生蜀之屬邑田家廷翌  
日遣人訪之果如所夢又益昌馬謖者同爲  
帥屬每出部邑督錢惟以多爲貴不問額重

虛實盈縮必得爲期且以此自負蜀人苦其  
虐號曰馬刷或以王君牛尾警之者馬曰正  
使見世尾生亦何必問予聞其暴虐如此聞  
之上帝繼而病卒七日之中其家作薦復聞  
棺中有聲意其再生亟開棺視之則已變爲  
騰十  
一猪矣急掩而葬之時天氣晴爽喪車方起  
大雨如注送者皆不可行及墓次水已溢矣  
此可爲汙吏之戒

明經第七十七

銅川著筮久潛心 道學儒宗已陸沉



天假仲淹重振鐸 文追孔氏復鏗金

儒風欲繫唐虞化 大雅全排鄭衛音

董氏庶幾顏氏子 升堂窺見室之深

予久處穹昊帝以中國道衰欲王化之復行  
故命予生銅川家知隋運將終吾道未濟退

居河汾間修先王之業制禮以節情作樂以  
和俗恢刑政以防其非崇祭祀以介其福祖  
述周孔取則軻雄九年而成經也其於五常  
之教於小子何述焉復以禮樂之學付之董  
常惜其不一用於太宗之朝悲夫

護聖第七十八

漁陽鼙鼓叩長安 此日明皇幸劍關  
若聽九齡摠諫論 豈勞七曲重躋攀  
不因儒士爲親謁 安得鑾輿返遠還  
萬里橋邊迎禁蹕 誰知虛位紫霄間

予自汾陽傳道厭於死生再奉

帝命輔唐室故命長子淵石生於清河氏之  
家即九齡明皇時李林甫之譖毀肅氏而帝  
賴之以不易至於議論風生首登七寶山坐  
有文場戰師之雄應制走丸之辯後漁陽之



亂明皇幸蜀鑿劍嶺而觀中原歎曰吾聽九  
齡不至於此也予因至萬里橋以儒士謁帝  
帝曰卿非北郭張生乎予曰然臣聞元載孔  
昇天虛位久之以待陛下也帝默然後肅宗  
收復京都常見素迎帝歸闕封予爲右丞相

騰十

十四

而予密衛鑾輿至咸陽帝移大內安頤遂辟  
穀張皇后進櫻桃蔗漿等悉不食常玩一紫  
玉笛自吹數聲有雙鶴下徘徊於庭帝謂宮  
愛曰吾奉上帝命居元載孔昇天今具湯沐  
復就寢而升化矣

明威第七十九

影響昭昭理可尋 往天豈與物交侵  
眼根所著無非色 身業居多莫匪淫  
四舉不沾天子祿 一生虛負狀元心  
李登狂妄終除籍 感報徒嗟罪障深

唐李登者年十八鄉貢首自後凡十年一薦  
名愈下年幾五十不第一日齋戒詣葉靜法  
師且告曰登自十八歲叨冒鄉薦凡經四舉  
不登一第何罪至此幸法師入冥爲某勘當  
此生如何法師語之曰蜀之梓潼有神曰北



郭生掌文昌主貢舉司祿之官必能知之吾  
當爲汝叩之一日上章道過治所謁予法師  
曰士人李登者某年月日時凡四舉不第此  
人果何如予命一吏示籍對曰李登初生時  
賜玉印十八歲魁薦十九作狀元五十三位

勝十

十五

至左相緣得舉後窺鄰女張燕娘事雖不諧  
而繫其父張澄於獄以此罪展十年降第二  
甲二十八歲後侵兄李豐宅基而奪之致刑  
于訟以此又展十年降第三甲三十八歲得  
舉後長安郎中淫一良人婦鄭氏而成其夫

白元之罪又展十年降第四甲四十八歲得  
舉後盜鄰居王驥家室女慶娘爲惡不悛已  
削去其籍矣終身不第法師辭退以是語登  
登無以對一夕愧恨而死後之士夫可不戒  
哉

濟順第八十

綿綿唐祚欲傾摧 叛逆陵遲陷北臺  
逼脅乘輿臨草莽 爭驅甲冑走塵埃  
天恩昭顯精神會 帝道重宣雨露來  
桔柏津前新應詔 虬鉉誰信作良媒



唐乾符中歲荒河南爲盜者甚衆尚君長伏  
誅尚讓等推黃巢爲主及長驅江陵渡江爲  
患入河北攻河南數十郡次陷洛陽破潼關  
僖宗播遷入蜀巢犯闕巢遣朱溫等攻鳳翔  
至潼關追僖宗乘輿夜遁出鳳翔予以儒服  
見帝帝夜行馬馱予以所乘騎奉帝帝乘之  
予捧足攬馬密布綵雲衛帝騰空彌明露雲  
微綻令帝下視見鳳翔軍與巢軍戰于龍虎  
阪若蟻陣也帝曰此何所予以曰此乃空際帝  
驚歎曰卿非北郭生張孝友乎我非卿豈料

生耶予奉帝至劒南複道帝疲甚欲少憩命  
予股以枕之熟眠林葉風聲帝忽躍起曰巢  
兵至矣輦鉦近也予曰非也乃林葉風聲久  
之從駕宿衛始及訝帝行之速也帝至桔柏  
津曰我有一女乃興唐公主最神慧奉卿箕

騰十

十六

筵可乎予曰臣幽也何敢奉承帝曰勿固辭  
遂封吾順濟王親至廟奠獻解劒爲賜仗予  
勦賊後宋文通等斬巢送首成都帝還關則  
興唐公主從而殂矣予命兵迎公主歸七曲  
焉



濟迷第八十一

救世乖訛物理衰 神人淆混化塵微  
庸愚指我爲妖妄 蒙昧嗟予擬是非  
帀地亂雲多雨潦 亘天烈火示光輝  
孫譙始信英靈著 從此寰中顯福威

五季中進士孫譙者性尚剛介不與羣居詆  
斥佛老著無鬼論自隴之蜀過祠下侮辱無  
禮而去抵於山陰天忽昏晦風雨如撒行者  
不可進欲投邸而不可得遂呼曰此乃北郭  
生張君如果有靈則指涯涘如何予令佐神

舉火一二示之譙尚笑曰廟奴誑我再呼曰  
神既在何不爲我止風雨使我能抵于平陸  
如何予笑曰子所過神祠必狎侮指以爲妖  
笑以爲誣今悔之何及也予示之以炬火數  
百山川明朗可容行李須臾風雨頓止翌日  
留記于廟焉

騰十

十七

忠顯第八十二

熙熙天祚福皇朝 叛寇生羌亂蜀妖  
均唱勃徒凌郡縣 順連賊伍結芻蕘  
卒呼勇義陰兵力 箭貫膚腸意氣豪



木馬汗流知密報 天恩依覆下參郊

皇朝均順之亂主帥雷守忠祝吾助神兵遂  
入蜀至利州爲賊堅壁固壘不下其裨將王  
吉大呼語賊曰吾奉天命勦賊必矣可降而  
賊以勁弩射之貫腹其人歡呼自若封之以  
藥而無恙帥亦如之朝廷封予英顯王而功  
奏上天即證定慧王果焉

聖治第八十三

太平風化樂唐虞 致治馨香等太初

率服四夷明德教 奠安百姓法規模

挈裘頓領知賢相 錯節盤根見大儒

子舍輔成元祐政 著書猶用鑑寰區

皇朝一祖四宗垂拱太平予奉玉音以次子  
文明生于司馬氏家名光盡誠於館著古今  
歷代史以鑑於世輔宣仁聖烈皇后擁少主  
不出簾帷而天下治當時庶政聿修咸謂德  
合天地道通神明因積仁累德凜凜乎庶幾  
周召之烈焉

標忠第八十四

藝祖開基妙若神 我今遜德不勞兵



終南翊聖曾全璧

汾晉西祠已結纓

寇氏澶淵平虜力

真皇東作福基成

此回又是忘形久

笑指朱崖道一征

予以世態之變居寂久之而符生於皇國開  
基之初即寇準也後澶淵之役立仁考之功

騰十

十八

予與焉至於以予爲誣議予涉海至崖悲夫

### 興國第八十五

朝廷中否甚傷情

事業班班可訪尋

政在平江扶大寶

兵虧陝右本天心

便宜坐使兩蜀靜

陞陟恩流三峽深

要識此回神異處 柩中全體土無侵

予紹聖丁丑託化張浚立一世之英表平江  
復辟至聖天子垂統四十餘載至富平之敗  
非浚之失乃天也隆興甲申浚死葬于衡陽  
其子杓欲更葬于蜀既啓棺視之威容儼然  
如存合郡士夫觀者如堵以手加額者衆因  
從而掩之倘非予神化安有此也予生領天  
子之權于蜀掌職文昌之命于天其功績不  
忝矣



玉策褒稱賜寵光

尊隆師傳總元綱

積功唯喜修天壽

被命寧辭抗帝章

蒞事惟勤居太極

貢賢是任主文昌

錫民五福期康乂

非特區區一雨暘

予隆興之歲奉玉音加秩若曰文昌者教化

騰十

十九

之本原實傳列聖之業儒士者道德之淵藪  
宜據一德之忠播告諸天亶孚有衆惟文昌  
司祿主者職貢舉真君衛民少傅靈應帝君  
張某德被萬物威形四方粵自有生顯從浩  
劫順考古道鑒觀人文照臨並日月之明發

生佐乾坤之化是以教耕稼而民人育每裁  
制而自優修禮樂而政事康果猷爲之不謬  
干戈載戢陰陽常和水土既平休祥時格託  
之庶務試以諸難皆濟濟以可觀每多多而  
益辦昔自水漕今蒞台衡尚持救苦之心誓  
拯倒懸之念厥有成績巍乎難名察乎九十  
餘化之行藏命編羣冊著以萬二千端之行  
節豈曰空文顛則持而危則扶惡以懲而善  
以勸生民允賴惟乃之休況復恢龍漢之圖  
書闡鸞臺之典則欲分身而顯化率諸聖以



混融萬梵開張三界均利宜加峻位俯叶輿  
情名躋南極之尊禮絕星聯之上於戲躋三  
階而下太乙久彰應物之符歛五福而錫庶  
民式賴師言之佐誰其能者汝往欽哉可特  
加金闕昊天太師糾察三界禍福事予辭表

略曰滿盈之懼上瀆瑩聰溫厚之辭時紆訓  
誥意敢懷於不敏欲猶冀於必從中謝伏念  
臣德薄位尊言輕行寡徒以效誠之決未懷  
引退之私茲遇盛時重叨異數豈不侈高上  
之賜其亦畏至窮之災恭惟

天尊上帝道善貸以且成明容光而必照護  
以小疵之失察其由中之言方將曲致於施  
仁夫亦何嫌於遷令再三辭遜而受之兼司  
四方禍福所以分身應化焉

訓逆第八十七

騰十

二十

密承帝旨下蒼旻 昭示塵寰禍福均  
燮理權衡明察訪 幹旋綱紀運經綸  
外臺執法專生柄 蜀部觀風秉化鈞  
雷震中江王氏子 斲棺只爲逆亡親  
予被命遷師相之職專生殺之柄採訪善惡



悉便宜也乾道中蜀之中江王千者初其父  
母自買香木棺以備身後王易以杉木已而  
又貨之易以株板及亡母則又留株板欲自  
用但市松棺歛母而葬予於旬日將王以雷  
擊死倒植其屍或走報其子急往哭而扶屍  
仆地日正中忽雷震挈其子於五里外泊復  
回見父屍依前倒植凡兩瘞皆震出遂棺上  
斲一竅以竹而掩之姑免震焉

戒欺第八十八

爲人貪暴莫如廉

祿筭乘除理灼然

楊震四知名莫掩

子文三已節尤堅

存心勿謂陰無報

失職那堪又減年

試把徐謙形夢感

黃金特地障前緣

乾道中新都丞徐謙者被檄充勘官將道經宿徐氏家主人前一夕夢神人謂曰明日有

騰十

二十一

徐侍郎宿汝家宜善遇之神人乃吾所遣佐神也至晚果有徐從政踵門遂具盛禮及回復夢曰徐子此回受人五百金枉七人命天曹已減三十年壽官止此矣徐氏遂不復相接丞公深訝之抵暮遣蒼頭語以夢中之事



丞公愧形于色回任及替舉主改秩未及命而卒于邸中年三十四初傳其死鄉人未之信既聞其事莫不惜其用心之欺焉

誅悖第八十九

子職須知奉二親 養生送死禮宜遵

遺骸暴露如羈旅 逝魄浮游未掩真

餘子徒勞從孝行 春秋責備在賢人

羅生感夢還鄉舍 方悟陰愆速此身

梓潼縣羅鞏者入于上庠過予祠默禱於予

一夕予夢告之曰子已獲罪天曹宜急還鄉

前程勿須問也輩懇曰輩平生操守鮮有過  
失願聞罪由予曰子無他惟父母久不葬耳  
輩曰家有兄果何獨歸罪於某予曰以子習  
禮義爲儒者故任其咎餘子碌碌不足責也  
輩既悟悔恨治裝回鄉同舍驚問輩以夢告  
則未及家而卒焉

真元第九十

物有潛通信可知 幾回利濟惹閑非  
觀風隴蜀存真寂 掌籍南昌應化機  
曲意爲民除塚訟 忘形救物拯羣微



從茲願化昌黎後 別有精玄示福威  
紹興庚戌予遊神察訪附鸞抵涪之樂溫會  
龍門韓申之叩予符訣救其孫坤臣之危疾  
予今治病功曹應感更生以申之宿契所遇  
予遂付以符籙

騰十

三

拔苦第九十一

苦海滔滔浪接天 生來死去各前緣  
爭看妄想空花裏 不覺枯骸腐草邊  
孔聖殤童因立教 周文葬骨豈知年  
皇穹委任司民苦 惻隱之心亦罕焉

予以上帝篤好生之德而天下多遺骸暴露者付予誘收也且古史曰枯骸不知年數尚感文王之葬童子結伍以衛魯國猶存孔子之殤然今人不念葬其父母沉於他人而有惻隱乎予以救苦之功而陞證安樂不動地游戲三昧如來果焉

福瀘第九十二

煙橫瀘水碧漣漪 殺業誰知會遇時  
山寺劖身徒憤憤 岳靈未報且遲遲  
倘存忠厚佛三昧 不到仇連李萬兒



張信復歸王吉手 彼冤此報罔踰期

紹興中瀘帥張孝芳者爲卒伍張信等所謀而致叛信爲同伍張昌殺之瀘遂平定此乃紹聖中秭歸鄉一僧俗姓廖名慧覺居山院蓄資甚厚集衆作斷瘟水陸繼而茶寇李萬

勝十

二十三

兒者率衆欲劫之初不知其僧設穽於四垣遂盡陷之惟李萬兒數人僧與其徒創而食之後李萬兒圖報其冤岳靈曰汝報之未可此人有爲衆作福之緣未艾更一生可也惟汝尚有所殺王吉必報汝也自是僧慧覺生

清河家即芳也萬兒乃張信也吉即張昌也  
其報昭然予遂與英烈統理神衛瀘而平焉

昭明第九十三

自從太極肇羲皇 神性隨機雲水鄉  
九十四迴彰變化 三千餘行露微芒

雙峰爲建立初宅 七曲重遊參宿方

聊附飛鸞明此意 出書示訓藉揄揚

予以真元拔苦後天命荐隆位登金闕逍遙  
紫虛遊神訪察寓鸞顯化示以道德仁義之  
教變其偷薄鄙詐之風忽功曹奏涪陵郡之



樂昌運騰里人楊思作文昌星席予拉崇應  
爲降福民朱章感諸真共集因覽山川之秀  
有雙峰者真神仙窟宅氣宇予遂爲有君玄  
初大帝化建寓室而韓震巽亦樂施田焉予  
遂請于帝立昭明應化鸞臺以示四民休徵  
今祠已落成之久爲樂昌之美觀蓋於吾香  
火莫非夙昔契且世人亦知予父玄初大帝  
尊號宜益加敬焉故畢工書之以示後之士  
夫云

古來喪不過三年 暮死朝生宜吉消

祭葬克終營馬鬣 哀矜盡孝卜牛眠

風雷感激施甘澤 稼穡重蘇起大田

埋玉佳城寢苦畢 神龍輔佐產英賢

予昔在蜀栖真於摩維洞天旱蝗三載有四

騰十

二十四

境城隍同日申到蜀民無知停柩經年暴露  
考妣血尸衝穢上天見怒鎖諸龍潭旱損禾  
苗民失秋望欲望真君眷憫蘇救生民予化  
一居士隨門勸化急作宅窆遂與青源真君  
射洪真君議檄九江龍王克沛甘霖三日已



往復蘇多稼民大悅時玉帝大怒九江龍王  
擅行雨事追斬龍族予又化一秀士普勸龍  
王龍女及諸生民不斷音聲誦彌羅御詔不  
計萬數未經三日祥風瑞氣藹于金闕奉命  
特赦龍王之罪自後孝子順孫既喪考妣不  
敢停柩克終大事事親終矣陰陽和風雨時  
福貽後昆芝蘭挺秀壽富康寧

放生第九十五

濕化卵胎都是人 只緣貪戾著真情  
螟螟抱母懷春毓 蠢蠢凌波逐浪生

陽序放魚延紀壽

冲元活鱖慶前程

遞相勉諭放生命

福蔭循環世代榮

予念一切衆生皆有佛性凡食牛肉者上天  
有太牢星地下有太牢山專治食牛之人受  
苦萬劫殺牛之人萬劫無赦多遭疫癘而死

騰十

二十五

至若豬羊犬豕羽毛鱗介濕化卵胎皆受父  
母生成因差一念見出萬形仲春禁覆巢此  
月令之戒也弋不射宿孔子之戒也凡好道  
修真之士肥甘不足於口三寸舌根而已何  
如不自殺不教他殺不見聞殺隨喜殺享此



五般淨肉可以無大過矣何必貪諸口腹昔  
李冲元好食鱔予知其情感夢化一皂姬告  
冲元曰我腹中有五千子我死子亦死矣儻  
能更生獲福無量冲元信而捨其鱔後不復  
再殺又陽序一巨商耳予知其詳化夢形之  
曰子明年當死若救得十萬生命可延一紀  
之壽序曰大限既至何可活十萬生命予曰  
可放魚子則有報驗序覺之大書市肆遞相  
勉諭及不惜己財贖魚卵投放水中月餘予  
再形夢曰子救十萬生靈已足矣可延壽一

紀後子孫世代榮昌信不誣矣

中興第九十六

駭聞仙樂奏宮商 大道中興踵後芳  
道德五千消劫運 乾坤億載福金湯  
黍宮景運重宣化 藥笈靈文再闡揚

正一玄科振寰海 永延皇祚壽無疆

予遊宴玉京怡真靜默每念龍虎嗣漢三十  
六代天師乖於紹聖遂托形宗演果受玄恩  
蓋以劫運未消教風怯振所幸道德五千文  
一脉存焉茲又夢符仙種立爲三十七代與



棣受命于先朝皇帝親沾灑翰頂受師號中  
興玄化衛國衛民榮祝帝堯萬壽子禹孫湯  
股肱惟良保劫度齡民安鴻鴈正一科教由  
是而興焉

珥蝗第九十七

騰十

二十六

隨方分化楚城邊 興利除殘本自然  
螟螣害苗農告病 鸞機應念表箋天  
肅將雷電彰誠意 無復蟲蝗滿大田  
神化昭昭難自泯 因人感事續餘篇  
予自君山主宰兼洞庭水治以至蜀門旺化

神遊附鸞于世有日矣開慶已來予嘗以荆楚間禱祭魔法枉所傷害諂求餘福鬼毒流盛而真道未行有意化之遂面奏

天庭分命月鸞開化月峽予乃隨機應化以祿嗣應人以符藥濟世以吉凶避就之理示

人進退存亡之機廣正大公平之心潛消鄙詐漏慢之習福善禍淫惠吉逆凶陰驅潛感之間泛應曲當之際亦有聞風而化者但以月鸞主司杜南強常以吾化體出自然真常應物不尚表裏以驚世疑俗又以隨寓應酬



多失紀載越六七年矣咸淳乙丑峽境妖蝗  
農民告病糾察具報以郡守陳順武翼赴聚  
英集真壇請表箋天願弭蝗災消殄予遂呼  
里社詢之乃云郡民多於溪澗或於山澤撿  
取蚌蠃漁獵魚鼈甚至斷剥蛙鰲供應主需

枉殺螺蟹以給口累百千之命不供一飽億  
萬之靈始克一殮是致積累物命冥漠無歸  
氣化生蝗復害田穉以絕民命此蓋物命相  
償之報而人未知之也予因戒敕里社俾以  
方隅護度物命外具錄郡守爲民之誠深致

民食之請具奏于

天欲得行下田祖秉畀炎火以去螟螣之患  
又請肅將

天威以彰郡侯旼叩鸞化之誠

帝以予奏懇切特賜俞允於是陰雲晝合電

雷以風蝗即盡弭一郡有秋農夫胥慶官吏  
立予專祠以彰神貺咸淳丁卯春旱不雨農  
業失時萬民咨嗟戶口渙散峽之郡丞程生  
叔光以太守赴京攝行郡事深致其憂於是  
重立玄功自破已俸一再禱祈峽之神祇皆



爲感格以告于予予以開化分野有所不辭  
又以程生誠交念乎幽顯貫徹爲宣九天之  
命敕五龍之水曲施雨澤數日而足自是農  
耕不失而民業始安及至夏秋蟲蝗復作間  
爲苗害蓋以向者戒敕里社俾護物命後緣

以峽民未知神化殺傷之俗循習猶舊餘殃  
未除而乖氣感召故也而程生於不覩不聞  
之間悟有感有應之理密奏投誠假托歸叩  
予遂達其詞旨示以未悟錄其真懇飛章奏  
聞夜雨天一之水兩洗冥漠之靈晝赫秋陽

之威一去蠱賊之害於是因人感事呼鸞載  
筆書弭蝗之化警殺生之人附于化籍播本  
宣傳于以彰郡丞至誠贊化之功于以挽回  
氣化以成歲熟之效庶聞之者足以戒焉是  
歲秋七月既望再書于侍生安節野人杜南

勝十

二十八

強所事之鸞壇

梓潼帝君化書卷之四









清微仙譜

致一





御製

天地定位 陰陽協和 星辰順度 日月昭明  
寒暑應候 雨暘以時 山嶽靖謐 河海澄清  
草木蕃廡 魚鼈咸若 家戶寧寧 衣食充足  
禮讓興行 教化修明 風俗敦序 刑罰不用  
華夏歸仁 四夷賓服 邦國鞏固 宗社尊安  
景運隆長 本支萬世 正統十年十月十一日



清微仙譜序

致一

道在太極之先何謂也未有天地已有太極  
其容有先乎吾聞之經曰无名天地之始始  
也者豈非先天地而有者乎今夫天日月之  
往來風雨之散潤雷霆之鼓動人知其爲天  
之造化而不知其爲是道之功用也嗟夫使  
是道之功用一息而不運乎其間則天之造  
化息矣易不云乎大哉乾元萬物資始乃統  
天又曰先天而天弗違天且弗違而況於人  
乎況於鬼神乎而是道之秘始不容於不洩

矣故其傳始於元始二之爲王晨與老君又  
再一傳衍而爲真元太華關令正一之四派  
十傳至昭凝祖元君又復合于一繼是八傳  
至混隱真人南公公學極天人仕宋爲顯官  
遇保一真人授以至道遂役鬼神致雷雨動

教一

天使陟仙曹晚見雷困黃先生奇之悉以其  
書傳焉先生覃思著述闡揚宗旨而其書始  
大備凡有祈禱若持左券而能不動聲色以  
取償責報於渺茫冲漠之中弗爽晷刻何其  
神也一時王公大人爭欲羅致四方來受學



者以千數或窺一斑或剽半甲驟加試用靡  
不策效然先生實其書不屑以授人故學者  
浩浩鮮覩大全之秘近膺詔命入覲得旨還  
山予始獲登先生之門每燕暇從容與論道  
妙必極反復雖予際遇於先生爲最後而受  
教於先生爲最深間一日語予曰某老矣閱  
人多矣未有默識心通篤信力行能如子者  
此殆天授非人力也因悉出所受南公書以  
授之采拜受之日私竊自誓曰采雖晚出先  
生之門能淑先生之教今又獲先生之書敢

不廣其傳俾千劫之下有目者咸獲爭先快  
覩不更復有望蓬萊隔弱水之歎敬鋟諸堅  
梓嘉與四海有志之士共之因爲之說曰是  
道也原之於其始固已先天地而有要之於  
其終又將後天地而存嗚呼其行與之俱傳  
致一  
於無窮矣至元癸巳純陽月純陰日建安後  
學陳采焚香拜手謹書



清微仙譜

清微道宗

元始上帝至真大道无形无名虚无自然萬  
化之祖孰得而言昔浩劫之先凝炁成象  
露至玄至妙之蘊錫

玉宸道君後名妙玄經應化玉冊秘於清玄  
玉英之館道君即太易元炁之應運高拱  
上清敷弘至道體至極至靈爲玉式符而  
授於

清微真元妙化天帝名迹慈應運開圖敷天

佐極高居太漠洞妙自然恢張萬範與道  
長存秦時降邾國都洞妙保化宮清微妙  
化府一名元始萬化宮妙化府帝狀青衮  
服

九天妙道真運元君楊徹元君乃元始一炁

致一

三

之化身青首被髮龍體乘流火出入三界  
號雷霆樞轄之神秦時降河中府都九天  
長原宮後敷弘大道運玄妙經授

九天洞明元君許齡卿元君秦時降劔州鳳

日月眉鬢髻如二三十歲人衣綠衣常執



玉冊與道混融神變莫測居九天洞清育  
玄宮以玄都玉梵發而爲章授

玉堂天山真人朱軒真人秦東京人美鬚面  
白虎眉因周室將微世道混亂入閬州拜  
許元君證道登真居金華山太清宮鳳凰  
閣玄靈宮後以雷元振光之章授

太玄青惠招化扶桑真君卜冀真君頂綠玉  
之冠面色瑩白如玉隨州人也因秦亂避  
患入閬州拜朱真人潛虛道妙位證太玄  
真人居角亢二星之中昭靈府以大道无

量元光玉符授

昭凝神耀保天道化元君廣溶元君降秦時  
鄧州人於歲亂離入西京城得玉符之妙  
會道凝玄漢高皇平定後於河南府昇真  
居海上神州神耀府以玉英寶章授

明清道華元君丘沐元君漢初壽州人得寶  
章之旨總萬炁而會天昌居太上左宮都  
曠平府後以道樞授

泰明清惠真人師復真人漢代人也乃東華  
大帝化身神毅特達體天運道都龍丘山



通明洞

清微洞光寶衡紫華元和明道太一神景元

君王宏

一名正宏

元君滿月相一字眉鳳目披

髮仗劍朱履太一月字化身統理玄樞都  
玄都太冲樓右紫輝宮後以清微隱訣元

致一

四

始萬神香流於人間

通妙元化太一冲和元君謝晉剛元君太極

凝真元始別體隱化神變未究始終常幻

質爲微眇人莫能識默運樞軸策役萬靈

不假符圖紙朱有形之物隨寓成形發揮

道妙有內訣口口相傳於世都陽谷壇左  
瓊瑤玉臺冲和府

清微茂晨保運金明元君彭涵原元君雙髻  
面色如玉月眉鳳目笑容素衣絳裙仗劍  
乘火龍居井鬼二星之間丹昭府領丹昭  
風火雷霆三萬衆自爲帥以清微妙要流  
傳人世

西華通惠元君龐俏道元君掌元始禁書瓊  
章鳳紀保制劫運安鎮乾坤雲冠青服顯  
漢神爵年間後寓庚除治在漢州縣竹



縣去邑二十五里有二處居西華廣真宮  
出三道三經統御三界後化身爲

太和伊玄元君宋益誠領三天演教之任居

茂儀府

靈妙和澄元君需東元君東漢彭州人仙姿

改一

五

端肅會道自然應世爲師名號不一掌清  
微之妙道居瓊和府

高明大使至道玄應神功妙濟真君許遜事  
迹見本傳真君得先天之妙扶世濟民不  
可紀述故戒文有云金書玉篆傳于世不

可輕泄不可秘後示淨明法於後代蓋內  
訣幽遠其可擬諸形容居玉都清慶宮領  
天機省主持清微之妙

南陵浮光天官朗明天官南陵尊帝掌握雷  
樞唐降西京出書度人帝狀袞服居南極

### 浮光宮

護明元妃玄光聖母王說字決一名玄光聖  
母護明玉隆丹剛清華元妃紫光元君清  
華元妙宮元君素華金母之玄精天一玄  
斗之靈神統攝河源制御水闕四溟大神



悉隸主領出書降于唐時主張教法領清  
微之奧居東海景清宮後化身爲

清微元機元靈元君龍汲雙鬟玉女相面微  
赤紫衣綠裙仗劍乘白龍居洞元府有清  
微演運流轉又化身爲

清微靈和元君管靜卿鳳冠玉相自然眉鳳  
目紫服碧裙大帶朱履執圭以清微秘旨  
出書度人都清微天中靈光宮闕下居璋  
元府又化身爲

靈光聖母朱燧龍冠綠服唐昭宗時在桂陽

軍江渚石上以清微先天之奧授

金闕昭凝祖元君

上清啓圖

上清高聖玉宸大道君陰陽混合迴風凝帝  
一之尊紫白交馳運道會希夷之表出書

致一

六

應劫開教度人授于

紫宸太華大天帝體道凝玄開明萬有帝狀  
絳服都太微華明宮以道授于

金闕帝宸太平後聖玄元上道君道君運玄

濟物三界尊崇帝相袞服都金闕紫虛宮



依俯仰之格授之

太華西真萬炁祖母元君元君一炁孕真群  
仙教主生生化化莫不由之口口相傳不  
記文字都白玉龜臺西金太素宮以道授  
之

金闕上相方諸東華司命木公青童道君道  
君符九陽而育物總萬化以朝元帝相青  
服都方諸宮

金闕上傳白山宮玉仙清淵太素元君李  
元君咸陽人神通變化仙傳具述位三天

爲上傳領中嶽事承上清之宗旨后服有  
元始一炁玉策及文素經流傳玉仙山在  
中嶽東北九十里

金闕上宰西城總真人王遠字方平見仙  
傳綠服真人相三牙鬚鳳目居金闕成昌

致一

七

宮闕下左府也

小有天王清虛真人王褒字子登一名太素  
抱一真人事見仙傳眉微黑鳳目赤色紫  
服真人相居小有博燿宮闕下中府也

諸真以道樞授之



金闕上保高元紫虛元君魏華存字賢安元  
君事見本傳握符應運主治雷霆玉字金  
書網維道法上清冠絳服居高元紫虛宮  
左府治高元宸照宮即上保太丹宮南極  
元君後化身爲

清微炁樞元皇元君李謙出書應世

照靈光惠冲應元君宇文汲內諱清淵元君  
主梵清景機緘治天地人橐籥有玉策以  
詔後來居海上離農山冲華府

東華上佐司命真人楊羲和真人事見茅山

仙傳大洞譜系居紫章丹會宮

東華上相上清仙翁許翺小字玉斧仙翁事  
見茅山仙傳及大洞譜系真人相綠服居  
紫陽晨雲宮右府闕下

上清元君西華聖母一名靈寶淨明黃素天

尊乃黃堂靖謚母也母名嬰事見仙傳得  
上清高仙上明玉書三章潛修至道感斗  
中孝道明王付之隱文華冠紫服居西華  
諒光宮掌元始圖書之府以道授之  
九州都仙太史高明大使許遜授之



大清泰玄元君文傭元君唐人得上清神變  
之道飛遊乾坤至西京神化溪以其道妙  
授之

祖元君相如美女寓形不一居景輝泰和宮

靈寶宗旨

致一

玉晨道君靈寶天尊三炁會真元炁化生萬  
有天尊垂慈利物普度無窮故靈寶爲萬  
神之宗玉簡瓊文廣受開化敷弘至道詔  
于

太玄玄一真人玉清妙道青陽天君鬱羅翹

青服治玄都應明府龍梵宮居青陽玄上  
宮

太玄玄二真人上清妙化丹陽天君光妙音  
紫服治玄都宗蒼府溥昭宮居丹陽玄中  
宮

太玄玄三真人太清妙感紫陽天君真定光  
白服治玄都正昌府廣清宮居紫陽玄成  
宮

右三真人並天尊相位高太極號應三  
清道君授之應化真符主執黃籙院靈



寶大法司靈寶三十六君二十四符悉  
隸焉

太極真人徐來勒事見仙傳真人得太極函  
三之妙契中盟五法之規居太極皇耀宮  
闕下後授之

教一

九

太極內相上清冲應孚佑真君左宮仙公葛  
玄字孝先事見仙傳東吳時人得徐君之  
妙道遍歷名山感太極三真人下授三洞  
寶經惟務濟度名列帝庭居太極靈曹宮

出葛仙治太極省授  
起居註

太極慶融北靈內輔真人鄭思遠真人得師  
靈寶之宗位隆上品餘記仙傳居太極元  
冲府闕下後授之

抱朴小仙翁葛洪仙翁得太極之心傳遍禮  
福庭超登金闕有文籍傳于世後授

太清泰玄元君文傭而  
祖元君繼之

道德正宗

金闕玄元老君道德天尊玄元應化中古出  
書上自三皇下迄炎漢隨時紀號代爲帝



師無爲自然慈儉復性過關之日授  
文始先生關令真人尹喜真人周康王之大  
夫仰觀俯察紫炁西邁至昭王時出爲關  
令戒吏俟問知而迎之得道德之旨昇入  
無形

太玄真人趙隆大目真人相絳服  
天山真人洪賓美鬚真人相絳服  
玄上真人魯惠白相青服

自周迄唐已逾千年三真人師資接踵得  
久視之理隱顯應號道不遠人故

太清泰玄元君文牖承流于後  
祖元君出而繼繩焉

正一淵源

太上玄元老君正一之旨出書時號之異名  
一道貫之奚有分別當漢之末人心澆薄

致一

十

莫此爲最太上憐憫群生初非得已人能  
知不傾不二之理又何待

天尊之設教也至於遷善遠罪之誨授經  
傳錄之式不過誨人爲善授以至人一新

厥德



三天聖師泰玄上相正一真君張道陵事見  
仙傳漢子房之後沛人生而神靈博究文  
學感太上親授以盟威之道漢帝徵之不  
起永壽二年白日上昇治泰玄省領元輝  
府居玉素元都宮

嗣師太清真人侍中張衡乃真君長子事見  
仙傳

系師太清真人闕中侯張魯乃真君次子事  
見仙傳

女師君長文姬陵王妃次文光三賢燕王妃

四芝四師俱飛昇隱化後代出有入無以  
道授之

太清泰玄元君文慵而  
祖元君得以襲慶焉

會道

致一

十二

清微侍元上宸玄都總真九炁元靈夫人太  
皇景明洞陽金闕昭凝妙道保仙元君祖  
舒一名遂道字昉仲月孛化身降唐昭宗  
時廣西零陵郡人面棗黑色大目身長七  
尺幼存節操生而神靈父母莫能禁遂入



道遍歷名山至桂陽軍江渚石上遇護明  
元妃化身靈光聖母授以清微自然先天  
之奧或竹釵袒臂仗劍坐石嘯命風霆飛  
行人世繼至西京近地山中清虛洞神化  
溪感太清泰玄文元君化形美女濯于溪  
濱師執巾侍之奉迎至岸凡數夕變現男  
女猛獸異相歷試諸難殊無怠意知其誠  
確乃召使乘木筏泝流次復故所悉以上  
清靈寶道德正一之旨付之隱而不見師  
總五派之奧統轄雷霆變相不一或乘龍

仗劍策役萬靈或金冠素服尊居洞府性  
烈令肅雖雷神亦加嚴勵今治清微洞照  
府主持教法嗣教之士宜竭忠誠稍或有  
違嗔責立至又號通化一輝元君後化身  
爲

清微察令昭化元君休端大髻面白相柳眉  
杏目青衣金甲執斧乘黑龍居陽華府有  
清微演道流傳

瓊室內應洞清元君郭玉隆又號上景元君  
祖元君門弟子也京師人仙姿嚴肅紹襲



師源位清微太霞侍宸居紫虛府

紫光曜真福和元君傳炁炁字子方郭元君  
門弟也鄆州人秉純一之節義繼前代之  
樞機位至三天上輔居西海太華山昌耀  
府

致一

十二

龍光道明元君姚莊字淑奇又號廣昌元君  
傳元君門弟也西京人統御雷霆克符道  
要位三天侍經居隆慧府又曰廣顙冲和  
府

祥源紫英玉惠元君高爽一號紫清妙化玉

英靈惠元君姚元君門弟也生於燕地胃  
山碧澗之間神光滿室長襲師源位三天  
侍御又號高運紫英元君居洞耀景豐府  
次授

西華清虛真人華英真人鳳翔人也圓目美  
鬚掛冠學道登品三天位清微明元左卿  
洞陽上宰後授

青城通惠真人朱洞元真人成都人也圓目  
美鬚隱居青城敷宣雷奧位清微洞衛上  
卿神霄玉樞使次授



雲山保一真人李少微房州保峯一水人也  
所居故址猶存人稱爲李雷公宅真人先  
以宦族世家房陵棄俗悟真感師授道位  
清微都元右卿後見天吏下降傳宣玉勅  
令任五雷院使後昇飛遊三界隱顯莫測

致一

十三

眉山混隱真人南畢道真人本覆姓東南名  
珪丙辰十一月初三日寅時生於眉山幼  
擢儒科登仕版嘗倅湖右夜夢神人語以  
師至達旦郊迎果肖夢中之相詢其姓名  
即保一真人也迎歸待以師禮數以難事

試之堅心如金石遂悉付以隱奧傳授既  
畢歛化金光而去後領廣漕臨午見朱衣  
天吏自天下降云奉

上帝命子可授斗中六通掌水使者仍清  
微保和仙卿後佐宋理宗數諫不從歸隱  
不知所在人以爲仙去

碧水雷困真人黃舜申先生閩中世家名應  
炎丹山人也即今建寧府甲申閏八月初  
五日未時生以祖父蔭生而奇異貌古清  
絕性質穎悟經史百家靡不通貫年十六



侍父爲廣漕幕師病南真人以符療之雷  
震于庭其疾頓痊觀其骨相合仙悉以所  
傳付之寶祐中出爲檢閱宋皇兄趙孟端  
節使皆師事之理皇召見御書雷因真人  
四字以賜之至元丙戌詔赴闕庭奏對明

敏上禮敬之未幾乞請歸山得旨俞允仍  
賜輕車以還先生門弟幾百餘人今清微  
道法大行於世然得其樞奧闡揚靈驗亦  
多其人抑師嘗序雷霆綱目云五陵之驗  
至人出矣將必有拔茅連茹者在豈其然



乎

清微仙譜

卷一

十四





三茅真君加封事典卷上

致二



三茅真君加封事典序

致三

道有原有統原先天地而莫窮其始統後  
天地而莫窮其終世乃謂吾道有絕續吁  
有是哉日用常行飢食渴飲之天何莫非  
道一脉之傳至今綿綿延延一日初未嘗  
泯惟患世無傳道之人耳故曰人能弘道  
非道弘人也

茅君之仙蹤顯迹著於先秦古史續傳已  
書其詳其仙班之尊崇固非世人之所能  
測料至如功濟九垓恩流萬世社稷攸資

宗祧有托昔在思陵以至固陵嘗增  
三君之休稱美號時則有劉靜一泝其源  
而推其波矣迨

理宗朝我虛白高士司徒道錄以爲  
國爲民禱祈響應特俾以左街洞微之命

敬二

先生曰嘻是皆

三君之靈也何敢私有其所有願以是寵  
光歸之三君以崇報本之義

理宗允之芝泥炳煥照耀林泉維時大淳  
實執弟子列目擊斯事司徒君屢期以加



封事典載之金石未及爲而君已仙去大  
淳承乏下館久思繼志冗未遑也丁卯春  
內傳續傳幸甫就緒同班諸友復以事典  
未刊爲疑謂事典不刊則不惟不足以彰  
三君之靈異

聖朝之尊崇且不足以見我空山之能弘  
斯道之脉而闡斯道之傳也余於是乎奉  
承惟謹謹書此以識歲月丁卯三月望日  
特賜冲靖明真微妙大師特差充茅山山  
門道正權知御前崇禧觀兼管領本山諸

宮觀事賜紫張大淳謹書

三茅真君加封事典卷上

致二

二

特賜洞微先生右街崇義主善教門公事佑聖觀虛白齋高官司徒師坦恭承

特賜冲靖明真微妙大師特差充茅山闕道正權知解壇觀管轄本山道觀賜紫張大淳編

尚書省劄

淳祐九年正月

日到

正月初一日恭奉



聖旨頒降勅黃一道虛白齋高士洞微先生  
司徒師坦特轉左街道錄主管教門公事右  
剗司徒師坦準此淳祐九年正月 日

勅黃

尚書省牒 特賜洞微先生右街鑒義主管

教門公事佑聖觀虛白齋高士司徒師坦

牒奉 勅宜特轉左街道錄主管教門公事

牒至準 勅故牒 淳祐九年二月 日

簽書樞密院事兼權叅知政事謝 押

同知樞密院事兼權叅知政事應 押

樞密使兼叅知政事趙督視  
太傅右丞相越國公押

辭免道錄表

臣師坦言恭奉

聖旨以臣三年祈禱特轉左街道錄主管教

致二

門公事者臣聞命自天措躬無地切以知足

三

不辱炳太上之至言得寵若驚尤道家之明

戒榮逾涯分懼凜淵冰臣中謝伏念臣才非

已千學慚道百敢謂山樊之賤誤膺明聖

之知兩趨上國以觀光久汚虛齋之生白邯



鄆有夢偶聽於釣天蓬島回舟奉祠於福地  
豆邊奔走竭其智以祈祥晨夕熏崇願以身  
而報上愧毫分之無補荷賞賚之屢加福過  
灾生人嗟命薄形劬骨立木類同枯志喪神  
疲灰母復炤丐閑之請實出由衷曰允之俞  
且蒙錫賜方指天地設報君之誓已盟泉石  
爲終世之遊逍遙乎廣漠之鄉彷徨乎塵垢  
之外詎意九重之眷復憐三載之勞不次推  
恩驟進左街之錄非常冒寵真爲末路之輝  
然衣繡被狙必齕齧而挽裂彼咸韶樂鷄徒

眩視以悲憂退惟僥倖之多恐速顛躋之咎  
伏望

皇帝陛下乾坤容覆日月昭回迹臣前後非  
僞之心全臣始終知止之節收還成命毋拘  
反汗之嫌俾遂餘生庶竭捐軀之効所有

恩命未敢祇受冒犯

天威臣無任瞻天望聖激切之至謹具  
表上奏以聞謹奏

淳祐九年二月日特賜洞微先生壽義壽散散事書西堂同德堂表

奉



旨不許再有辭免

內省公文

閏二月初七日得

旨高士特轉左街道錄付去 勅黃省劄各

一道請具謝 奏回不許再有辭免

初七日齋降到 勅黃省劄各一道寄留

致二

四

句容縣是月十五日再辭乞回降

恩命加封 三茅司命真君聖號

乞加封表

臣不避 嚴誅輒瀝忱悃上干

天鑒臣正月初一恭奉

聖恩畀<sub>臣</sub>左街道錄主管教門公事<sub>臣</sub>嘗具  
表控辭弗獲今來復蒙給降勅黃一道令  
<sub>臣</sub>祇受前件職事不得再有辭免者<sub>臣</sub>承命  
慚惶采增感惕<sub>臣</sub>痛自修勵早慕清真詎意  
頽齡荐蒙恩遇退省其私盍知所本蓋以生  
人本乎天萬物本乎祖人不本乎天無以知  
受命之始物不本乎祖無以究歸根之宗<sub>臣</sub>  
翳迹茅山乃三茅真君成道之所係第一地  
肺福地第八華陽洞天宮觀庵院晨鐘夕磬  
奉三君香火爲國焚修祝延



聖壽天下名山於斯爲盛爰自漢朝迄于我  
宋或發三君之潛耀或隆三君之美名香火  
綿綿不絕如綫此蓋真仙於是爲治職之地  
國家於是植無疆之休臣不揣狂愚欲乞以  
前後所賜臣高士鑒義并今來所賜道錄

致二

五

勅命回降 聖恩照正一天師佑聖真君近  
例加封本山祖師三茅真君徽號特頒一札  
各資三峯此人本乎天物本乎祖之義也臣  
謹按三君事蹟上煩 聖聽惟

陛下垂覽焉竊以茅氏之宗仙源甚遠大茅

君盈次目次表兄弟三人巖棲谷隱精練道  
真累功積行得道之後領括羣仙受事太極  
司命嶽府考校乎吳越之境留治乎赤城之  
山其德紀於紫書其功茂於玉冊鶴帳龍池  
屢顯神異天燈丹光至今隱見水旱雨雪隨  
禱輒應禍福吉凶其驗如響狼燧以之而息  
警魚夢以之而考祥臣自入山以來每奉州  
縣禱祈其詳如此而況歷代崇敬寵渥便蕃  
祥符景德間既嚴之以山禁復申之以賜田  
又繼之以蠲租祠奉甚嚴高禱有禱於是



仁祖皇帝開虹電之祥嗣是誕彌必降

御香修建 金籙

高宗皇帝屢遣中使傳宣嚴勅監司保護乾  
渾而下崇奉充虔臣比膺 上旨俾事祈禳  
無當歲事必密牒 宸命躬叩洞天上祈天

貺下告山川凡係祠典悉與關遣常荷真仙  
孚佑諸福荐臻此蓋

皇帝陛下抱神以靜與道合真德修於螭護  
螭蛸之中化行於昆侖磅礴之外以至鳥獸  
魚鱉罔不若山川鬼神莫不寧故凡有顯應

所在見之申請咸被褒封獨本山三真未蒙  
表異臣照得三茅君初受

上帝封號職任洞天先朝嘗即其靈迹進加  
封爵臣謹具于後伏願

陛下俯從愚請收所賜臣恩命特加祖師徽

致二

六

稱式彰三君護國之靈休昭示

皇朝報功之盛典亦臣反本報祖之職分也

臣痛念山林之士非無遭際

聖明者多自榮身未知報本仙真靈耀迄今

埋光重念臣年運俱往槁木灰心曾幾寸功



叨踰恩分更冒誤恩實負陰譴伏望聖慈憫

臣以衰暮之蹤察臣無貪榮之累回降特恩

增重名山以顯祖宗崇敬祈禱之地以永國

家億萬斯年之休不勝幸甚臣謹錄白三茅

真君元封勅命三道隨表進呈所有賜臣勅

黃恩命未敢望闕祇受已具公狀寄留句容

縣庫拱俟指揮容臣併將前後蒙

賜勅黃三道具表繳進臣干冒

天威伏取進止

二月日特賜洞微先生若街鑒義壽教門公事虞州高台司徒師坦上表

元封告勅

尚書省牒

準今月二十七日

詔勅門下勾曲洞

天有真人焉變化無方靈妙不測秦漢而降歷千餘年隕趾發祥澤于生民而隆名

致二

七

微稱猶或未備非所以極崇奉之誠也茅山大茅君今號太元真人東嶽上卿司命神君可進號太元妙道真君東嶽上卿司命神君庶幾導和氣獲嘉應以相助國家太平無疆之福故茲詔示想宜知悉



牒奉 詔書如前牒至準 詔書故牒

崇寧元年四月 日牒

中大夫守右丞溫

押

中大夫守左丞陸

押

右銀青光祿大夫守右僕射

押

左光祿大夫左僕射

押

中茅君

今號定錄真人可進號定錄冲靜真人

小茅君

今號三官保命真人可進號三官保命冲

慧真人 三月初一日再準 內省公文

得

旨宣諭高士仰先次祇領 勅黃省劄不許  
再有辭免即具 謝奏回所有加封 真君  
已降 指揮施行 閏二月日延慶 奉準

繳進 勅黃辭免第三表

臣師坦言今月初一日恭奉

聖旨今臣先次祇領 勅黃省劄所有加封  
真君已降 指揮施行者臣伏以避寵辭榮  
尚闕俞音之賜師仙請號特蒙 溫綍之頒



敢殫再瀆之忱期動九重之聽臣中謝切  
惟三峯森秀三真分治職之區九德茂隆九  
錫顯神靈之異澤既加於百邑潤旁浹於羣  
生況壇壝之歲祠接江淮之重望風清榆塞  
豈無助順之機雨灌稻田攸賴濟時之力宣

致二

於史筆見之詠歌受命登霄固何心於世爵  
褒功著冊爰盡敬於

聖朝申萬世無疆之休實千載難逢之會茲  
蓋伏遇

皇帝陛下全能三極臨統八紘隱然道德之

威推此乾坤之造怡神至教法黃帝之齋心  
重意名山體

仁皇之應運乃睠太元之遺跡願增隆號以  
妥靈伏念臣戒守沽名心懷報本瀝忠肝而  
有請非僞計以求榮既蒙從欲之仁將施典

禮儻復進街之錄恐速天誅臣敢不祇俟綸  
音昭聞琳館謹宣明於

聖意祈申祐於丕基物得以成當驗五禾之  
熟勇攝其武用圖四海之安所有臣前蒙賜

高士鑒義道錄 勅黃共三道具狀繳



進臣干冒

天威伏取 進止

三月日特賜涇先生右街鑒義書院教門事虛蕭高書徒師纂承

奉 旨不允不許再有辭免

申內省繳進狀

致二

具位司徒師坦

今月初一日伏準 勅命傳奉

聖旨仰先次祇領 勅黃省劄所有加封  
真君已降 指揮施行者

右師坦前已具劄奏乞

聖恩收回寵命加封真君恭候

聖旨繳進 勅牒仰被綸音俯從愚請師坦

切念茅君靈蹟願力深重歷漢晉而至于今  
千百餘載蒼生蒙潤而兵病不登雨暘愆時  
則郡邑有請祈求感格如響應桴鼎峙祠庭

實爲治所邇日以來觀瞻習玩香火寂寥千  
古名山堪爲太息況近者烈風霖雨邊烽未  
清師坦雖居畎畝之微晨夕惶懼蓋憂君憂  
國之心無以自効惟能精持一念密叩三真  
食息之間未嘗或怠所藉仙真道力助順獻



祥克佑丕圖爲宗社靈長之福師坦自揆衰  
殘忝居福地疊被寵渥報蔑消埃異數游加  
豈容冒處幸荷 聖慈已回 恩命褒寵仙  
真若不游玃循墻之請則恐難逃罔上之譏  
義合終辭萬死無悔謹將前後蒙賜師坦高

士鑒義道錄

勅黃共三道隨狀繳納欲乞

台慈曲爲敷奏察師坦忠忱非矯妄求榮之  
意收還 勅命特頒 明詔錫封三真行下

所屬布告中外于以彰

聖君爲民宗道之意于以顯三茅應世衛國

之靈予以保

皇家億萬年無疆之休不勝至願謹具狀申  
都知提舉太尉伏乞 聞奏恭候 指揮施  
行謹狀

省劄二道一付建康府一付本山

數二

十

閏二月二十八日奉

聖旨已降指揮三茅真君加封

太元妙道冲虛真君東嶽上卿司命神君

可加封聖祐二字

定錄右禁至道冲靜真君



可加封德祐二字

三官保命微妙冲慧真君

可加封仁祐二字

右劄付建康府照應準此 一付崇禧觀

淳祐九年三月日

繳省劄申建康府狀

茅山崇禧觀

今月十五日準樞密院

省劄二道一付本觀一付使府照應係聞

二月二十八日恭奉

聖旨特降指揮加封本山三茅司命真君  
聖號事須至申繳者

右具省劄一道隨狀繳申建康使府伏乞照  
應行下管內道正司告示在處宮觀庵院各  
令通知未敢專輒伏候鈞旨

致二

十一

淳祐九年三月

日靈寶大師勅差茅山都道正經樞觀管轄本山該管觀葉師彭狀

再準內省宣諭公文 得

旨宣諭高士降賜加封三茅真君省劄二道  
請先次交管仍具已交領 奏回

三月日延慶恭準



交領加封省劄表

臣師坦上言今月二十日準都提舉都知太尉恭傳

聖旨宣諭已蒙

聖恩加封三茅司命真君聖祐德祐仁祐六

字聖號頒到省劄二道令臣先次交管臣已

即祇領內一道付崇禧觀布告本山諸宮觀

咸使聞知外一道一面申納使府臣上感

聖恩上感

聖恩恭俟 勅命到山即當捧香齋告躬率

闔山道衆登峰醮告仰祝

聖壽同贊皇圖臣無任感天荷

聖激切屏營之至臣惶懼惶懼頓首頓首謹

先具表以聞謹奏

淳祐九年三月日

謝轉道錄表

臣師坦言恭蒙

聖恩頒降勅黃一道特轉臣左街道錄三

管教門公事臣屢具表控辭再奉

聖旨不許辭免臣已遙望闕庭祇受謝恩



訖臣伏以大道無名敢慕山中之相小善必  
錄特陞街左之班實士論之至榮豈平生之  
所望固辭不獲聞命若驚中謝伏念臣識匪  
該明才非宏遠分獨甘巖穴之素學不通古  
今之宜志切輔時忠懷報國晚際聖明之運

致二

十一

仰依日月之光曾蔑功能叨塵器使洪恩過  
寵方憂福羽之輕黃紙除書又換頭銜之重  
接清芬於虛靜踵前美於葆真林野驚傳疑  
有華陽之故事冠裾竦歎謂聯仙號之新輝  
義合終辭懼膺顯戮勉瞻庭而肅受殆據蒞

以難安茲蓋伏遇

皇帝陛下德被中和化行清淨永奉三無之  
妙克盡夤恭允釐庶績之熙不遺纖芥致令  
衰朽亦沐恩光臣敢不益勵前修自全末節  
既投簪未棄盍加熏

萬歲之香雖駕馬已疲寧敢負九重之眷臣  
無任感天荷

聖激切屏營之至臣惶懼惶懼頓首頓首謹  
具表奏謝以聞謹奏

淳祐九年三月

日新特轉左街道錄司錄事官高主嘉敬等奉旨同德師坦表



內省傳到加封真君告勅三道及宣賜儀  
物公文 得

旨宣諭司徒高士降去告命并設醮香茶等  
列具賜目請具收領奏回

三月日延慶恭準

致二

十三

### 告勅三道

勅朕聞真人馭風騎炁神游八極之表而一  
念在生靈則猶數數然也太元妙道冲虛真  
君東嶽上卿司命神君成道於茅山登籍於  
仙府三君之首者也奇驗見于歷代遠近以

爲司命朕爲黎元慕尚不已特命有司亟衍  
嘉號以彰欽崇可特封太元妙道冲虛聖祐  
真君東嶽上卿司命神君勅朕聞句容三峯  
神君顯甚遂有金壇洞天之名歷代所慕尚  
豈獨於今乎定錄右禁至道冲靜真君修真  
得道是謂中茅雨暘應禱遠近德之亟命衍  
號以答洪休其體朕意益陰隲于下民可特  
封定錄右禁至道冲靜德祐真君勅朕聞漢  
武帝祀神君於禁中其祝甚秘蓋以徼福朕  
不爲也三官保命微妙冲慧真君真風道炁



號小茅君祈眚敬事祭典褒崇蓋非一日矣  
茲命衍號以昭朕拳拳慕尚之意益閎况施  
以慧生靈可特封三官保命微妙冲慧仁祐  
真君奉勅如右牒到奉行

淳祐九年三月日

太傅左丞相魏國公清之

右丞相葵

參知政事方叔

參知政事猷

兼權給事中杜父

兼權中書舍人

三月十五日午時都事趙煥受

兵部郎中兼左司饒

付吏部

太傅左丞相魏國公清之 右丞相葵

參知政事方叔 參知政事傑

吏部尚書闕 權兵部尚書清叟

吏部侍郎闕 起居兼權阮

主事趙穎叔 令史金必遇 令史傅汝霖

致二

十四

郎中 主管院

淳祐九年三月十五日下午

賜儀物

沉香描金如意一事係降真香柄黃羅袋黑漆匣盛鎖鑰全錫獻 大茅君像秉執玉圭



二面紅銷金袋各小朱紅匣盛外大朱紅匣  
護鎖鑰全錫獻 中茅君 小茅君秉執織  
天尊綠錦幡二首各長二丈

威儀一十四事

節一對五層係五色線條鋪造每層有銅管

銅蓋子各一箇上有六角寶蓋龍頭銜銷金  
彩幡六首幡脚有銅鈴兒每一節八十四箇  
龍頭朱紅榦子下有銅箍

幢一對係珠子結絡幢身間綵銷金羅帶三  
條上有六角寶蓋龍頭銜銷金綵幡六首幡

帶各有銅鈴子每一幢九十三箇龍頭朱紅  
榦子下有銅箍

旌一對四層每層係五綵銷金帶各十五條  
間綵銷金結帶各六箇銅鈴子各三百四十  
三箇係寶珠頭朱紅榦下銅箍

卷二

十五

旛一對係紅錦造旛身上各有玉佩一副各  
六事件珠子五串下各有墜子二顆上有六  
角寶蓋龍頭各銜銷金雜色小旛子六首各  
有銅鈴子九十八箇係鳳頭朱紅榦下銅箍  
五明扇一對係素粉描金書



羅帛壽帶兩條各有銅鈴子六箇朱紅榦下  
銅箍

羽扇一對係素粉描金各有銷金羅綵壽帶  
二條朱紅木榦下銅箍  
如意一對係描金彩色裝畫

罩護威儀黃綃袋一十二箇

盛威儀朱紅木匣一隻二隔鎖鑰全

威儀黑漆立架二座

沉香五十兩 腦子五兩 新茶五十片

銀一百兩

四月二十三日甲子集諸山市民恭迎告  
勅昭告三峰時值連日風雨二十二日高  
士登壇上急奏章借晴次早五更鳴鼓集  
衆宿雨即止霽色開明躬率本山諸宮觀  
主首道衆庵寮道人同鎮市士庶父老出

山祇迎亭卓香花幡幢旌旗鐸鼓鏡鉞清  
樂仙仗儀從及本山常寧鎮官領兵率旗  
隊金鼓衛護約千餘人遠近山居來觀者  
如堵是日天氣清和祥煙如畫仙鶴鳴於  
晴空白兔現於峰頂先迎告勅至崇禧觀



門高士率諸山主首道俗望闕謝恩歡呼  
萬歲次登大茅峰奉行典禮宣揚告命敷  
獻寶器次登中茅峰小茅峰儀獻如前

### 大峰祝文

維大宋淳祐九年歲次己酉四月壬寅朔二

致二

上六

十三日甲子新特轉左街道錄洞微先生虛  
白齋高士主管教門公事臣司徒師坦謹稽  
首頓首再拜言臣聞妙道隱乎無名強而曰  
大真仙貴在翳跡豈俟表光欲羣心注向於  
空同故一時動耀於視聽宜膺明詔特進徽

稱舉希闕之盛儀實緝熙之鉅典恭惟

太元妙道冲虛聖祐真君東嶽上卿司命神

君職專吳越師綜山川按句曲之上峰爲校

錄之治所澤加庶物德及兆民鏤紫玉刻黃

金輝華九錫搖綠旌簇繡羽招驅萬靈雖仙

號之已崇恐朝封之未稱今陛下儲思道妙

邁德帝先仰承列聖之心爰陞名山之祀既

爲民而請福乃即事以表功煥爛褒書發揚

丕貺謂聖者彰九德之既備曰祐者顯萬生

以蒙慈彩鸞銜勅以來儀白鶴翔空而下覽



人天欣懌山嶽輝榮恭陟靈峰敷陳君命所  
祈福利仰奉明朝伏願陛下寶曆延洪蘿圖  
纂慶干戈永戢時臻於變之風稼穡屢豐民  
被華胥之樂而後修真至士奉道高賢咸躋  
上善之因共享長生之福臣無任激切之至

致二

十七

謹稽首再拜謹言

二峰祝文

同前至  
恭惟

定錄右禁至道冲靜德祐真君挺資冲漠備  
德神靈受命紫素之文留治清虛之府管絃

流響身逸宴於洞臺風雨以時澤既霑於民  
物中監上仙之任右禁有爲之功雖天號之  
已崇恐朝封之未稱今皇帝儲思道妙邁德  
帝先仰承列聖之心爰陞名山之祀既爲民  
而請福乃即事以表功煥爛褒書發揚丕貺

彰明德之旁溢顯靈祐之外聞彩鸞銜勅以  
來儀白鶴翔空而下鑒天人欣懌山嶽輝榮  
恭陟靈峰敷陳君命

云云  
同前

### 三峰祝文

同前至恭惟



三官保命微妙冲慧仁祐真君標才明穎挺  
業該清典藏錄於玉漿爰受封於金闕道著  
萬物仁者懷文馘斷六天位尊保命書共膺  
於紫素治兼莅於良常雖仙號之已崇恐朝  
封之未稱今皇帝儲思道妙邁德帝先仰承

列聖之心爰陞名山之祀既爲民而請福乃  
卽事以表功煥爛褒書發揚丕貺具舉崇真  
之禮克彰隕祉之靈內法既融外教以平皆  
仁之至暴害不行蒼生蒙潤非祐而何迺白  
鶴之翔空受彩鸞之獻勅天人欣懌同云前

18

三茅真君加封事典卷上

三茅真君加封事典卷上





三茅真君加封事典卷下





三茅真君加封事典卷下

致三

進封三茅真君聖號慶禮醮科儀

儀式如常至啓聖

臣聞天祐皇家保萬邦之黎獻國崇典禮徧羣望之山川靡神不宗諸福畢至瞻真仙之

治所聳句曲之名峯藥館芝庭素嚴於祀事  
飈輪歛駕時格於靈旂茲逢明聖之朝具舉  
緝熙之典肆頒綸詔式進徽稱勅太卜以消  
辰命有司而具禮玉蘭清潤佇笙鶴之凌空  
洞草晶輝迓蕭鸞之簇仗臣等欽承宸命祇

告真靈齋意青詞謹當宣奏

宣詞

諦陳詞旨備見至懷淵聽至聰必蒙鑒省

臣

聞陰德萬生溫密靜神於玉室躬備九德輝  
華刻簡於丹瓊繡羽斑輿浮空躡景綠旌紫

致三

一

節封山召雲因下戲於赤城時按臨於玉洞

聖主仰天心之愛宴私披地肺之圖爰舉徽

章式褒顯蹟備成熙事嘉薦芬芳明德惟馨

至誠不息以今某朝行道請法衆等運茲初

捻上香願此香煙騰空供養



太元妙道冲虛聖祐真應真君東嶽上卿司  
命神君太元府得道高真願以是道力上祝  
皇帝聖壽無疆伏願真存臨格昭鑒居歆端  
應流光允副九天之眷厯洪隕祉永言萬壽  
之期致嘉靖於四方俾交欣於百樂

上聞金光藏景同游浩洞之天紫素敷文以  
表神明之德載揚顯冊益薦崇稱被靈宇以  
伸虔集仙僚而交慶以今某朝行道請法衆  
等運茲二捻上香願此香煙騰空供養  
定錄右禁至道冲靜德祐妙應真君定錄府

得道高仙願以是道力上祝皇后伏願功銘  
鍾鼎德邁河沙益隆不技之丕基永保無疆  
之大曆神祇祖考來燕以來寧社稷宗祧以  
安而以永椒房福慶儀形萬邦玉葉蕃昌本  
支百世

致三

二

臣聞總括岱宗任上府神宮之邃掌封金籙  
植龍芝洞草之珍仁懷其文勇攝其武九陛  
飭褒崇之典羣心懷慶懺之誠敬肅蘭場恭  
陳藻供以今某朝行道請法衆等運茲三捻  
上香願此香煙騰空供養



三官保命微妙冲慧仁祐神應真君保命府  
得道真仙願以是道力導迎景貺敷錫庶民  
兵病不登雨暘時若三光全而寒暑節五穀  
熟而草木蕃育萬物以皆昌無一夫之失所  
吉無不利動則皆成

### 大謝

臣等棲身福地被教真仙窺琅笈之祕文典  
玉郎之上道忝恭祈禱仰賴感通誤膺世爵  
之頒敢負師恩之重恭承明詔馳進褒書輒  
膺慶贊之誠丕闡靈承之義庶伸忱悃上答

嘉休今皇帝俯眷名山仰崇真祐綸溫六字  
煥美號以增隆勅賁三峯霽御爐之清馥式  
嚴縟禮祇薦鴻名情見乎辭儀多在物臣等  
奉宣密旨延欸高真必冀鑒歆式符願望壽  
齊箕翼澤被華夷六宮交夢於熊羆四鄙蕩  
平於蛇豕匈奴欸塞無煩漢使之通多士在  
庭重見周官之盛社稷衍靈長之慶春秋書  
大有之年旁及飛潛俱全性命上以表三真  
之慈憫下以副皇帝之虔誠謹啓以聞

致三

三

十二願 復爐如常儀



慶禮設醮儀

衛靈呪

發爐如常式出官

謹出

臣身中

如常式至

同心上啓

三君聖位臣以宿命因緣叨行教法告盟之日約以行持誓當敷贊真風振揚大化永扶

國祚普爲生靈凡有所祈理宜關奏臣今謹

爲皇帝宣揚密旨昭告嘉封祇陳慶懺之儀

用集庀洪之福以今拜上青詞一通伏乞功

曹使者特爲開啓速得上達云云以聞

各稱法位

具位

臣

某等上啓

三君洞天列聖

臣

聞九德功高太帝冊加於

九錫三官任重真皇經受於三元道始師於

總真籙畢傳於西母由無心於人爵乃證位

於仙都瑤室瓊房治統於赤城玉洞鳳腴丹

藥宴集於句曲金壇佩鬱儀結璘之章得服

日餐華之術化行江左福被吳邦天市風清

時奏空中之仙曲洞庭浪闊路連地內之陰

宮青童遺颺馭之蹤白鵠現軒翔之相以符

法驅千妖之氣以神化順百姓之心嘗聞應



跡於人間未始離神於天上有情斯感無願  
不從今皇帝冥運一心遙瞻三秀式際休明  
之運緬懷道德之仙聲舉鴻儀丕陳顯冊蹟  
冲虛靜慧之美進聖德仁祐之稱宸命自天  
勅書照隴增群峯之煥耀新萬目之觀瞻載  
致三  
潔靈場對揚君命輒伸慶懺恭薦芬馨香裊  
名峯合鸞笙而共奏章吟空洞延鶴馭以來  
臨臣無任激切之至再拜奏請

請聖 初獻

臣聞天人異世由兩儀四象之分兄弟齊仙

實千載一時之契友愛備書於藥笈靈蹤未  
泯於華陽奕世欽崇皇朝禮敬恭惟

祖師三茅司命聖德仁祐真君挺資冲漠抗  
志清虛古昔訶謠早驗嘉平之臘後先飛舉  
率由句曲之山仙賓師友定約以按行吳越

人民悉歸於考校歲以艷陽之月飈乘汗漫  
之游左玉佩右金鐙擁八鸞於霄漢西峨眉  
東林屋現三鶴於峯頭不惟專禍福之權亦  
乃運吉凶之柄安人利物保國寧家道化潛  
行功成不宰今皇帝儲精道妙邁德帝先每



思綏靖之艱虞奉真靈之造既密切於護佑  
宜克盡於欽崇九陛頒恩三峯稱慶用報輔  
時之德載祈保國之祥爰肅清壇昭陳縉禮  
臣均霑王化幸處名山仰邀洞府之真旂對  
揚天子之休命願垂鑒眄俯納虔祈設醮青  
詞謹當宣奏

致三

五

### 宣詞

具如詞旨備列丹忱諒徹淵冲必垂鑒映臣  
聞聖人無跡或降跡於塵寰大道難名豈沾  
名於聖世今皇帝躬行慈儉遠達聰明追還

清淨之風崇厚澆漓之俗欽仙真之佳躅舉  
希闢之盛儀乃眷三君闡靈千古瑞應皇朝  
之四帝潤霑江左之羣元爰錫徽章崇加顯  
號更願不忘本始俯察宸懷申命崑臺降神  
仙嶽庶資衆妙用格多男衍玉葉之蕃昌保  
璠圖之綿久永依大道克著洪猷臣等無任  
激切之至

亞獻

臣聞神仙可學宿名定著於玄圖兄弟同昇  
篤志多成於善行乃眷天人之美並登帝所



之真載籍以來標題尤顯切仰三君之德森  
然萬世之芳道在邦家惠流民物夜炳丹光  
而亘燭春聯鶴馭以來歸奉師而相與遨遊  
好道者當與料理山川如故天地無窮今皇  
帝密感真休聿修報典雙鸞飛彩傳芝檢於

瑤階羣鶴翔空逋綸音於玉洞道俗歡呼而  
載路典儀祇薦於褒名庶期冲鑒之臨永侈  
蕃禧之錫臣等奉宣睿命仰贊仙猷洞磬琅  
璫飭靈音而清徹溪毛澗藻進徽欵於芬馨  
琳腴敢冀於刀圭繡羽仰旋於霄馭獻奇祥

於有地錫聖壽以齊天洪澤萬生皇圖億載  
五風十雨不破塊以鳴條四海九州悉包茅  
而貢篚椒掖報得男之喜掄防奏卻虜之勲  
年穀豐登黔黎怡泰然冀名山肅靜真教流  
傳化魔俗以革心俾學徒之進道飛潛遂性  
動植昭蘇一切有情俱乘妙蔭臣等無任激  
切懇禱之至

致三

六

終獻

臣等祗迓宸綸丕揚徽號敷陳典禮延欸仙  
真荷列聖之居歆副羣情之舒慶今則燈銷



蘭結香散芳雲遡仙仗之言旋望靈光而順  
拜欽承鴻貺仰戀鸞輿臣等無任攀戀望恩  
之至謹稽首再拜奉送

送聖

內官復爐如常儀

慶禮設醮儀終

皇帝設醮青詞

伏以聖人無迹馳遊八極之虛大道難名虔  
切羣心之慕允賴神靈之祐宜殫昭報之文  
肆舉徽章載加縟禮用恪伸於慶懺祈永介  
於休祥善利所加既錫黎元之福純禧來被

更延景曆之昌

內省張都知醮詞

伏以己峰

山記云山形似己字故以句曲爲名焉

列峙儼仙聖

之真風三號雖殊煥熙辰之盛典初屬禮成之慶敢伸妙供之修仰奉明朝敬宣封冊伏

致三

七

願高仙昭格洞鑒冥扶萬壽無疆祐帝國之廣大三時不害永民物之阜安

宗禧觀醮詞

伏以玉音垂誥錫三號以褒真金籙崇禧領諸峯而祝聖恭承恩命仰贊仙旂微臣幸際



明朝忝司教鑰觀一時之縉典煥千古之靈  
蹤乃聖乃神兼被德仁之祐卜年卜世永綿  
統緒之祥謹傾慶頌之誠聊效精修之供洞  
天香遠加稱萬歲之聲道境風清敷作羣生  
之福

奏謝加封 祖師真君恩禮表

臣師坦言恭蒙聖恩加封三茅真君聖號頒  
降告勅三道宣賜如意圭圭威儀錦幡沉香  
腦子新茶銀兩令臣設醮慶贊臣已仰遵聖  
訓率勵法流徧告三峯昭陳醮禮發揚君命

祈佑嘉生者臣伏以福地凝巖會四海華封  
之祝宸綸渙寵衍三君徽號之崇道俗歡迎  
神人感懌臣中謝切惟山留玉洞之治府內  
有金壇之虛臺鶴馭來遊歲校華陽之籍天  
皇授命董司吳越之疆道葉仙枝流芳千載

靈源真系被眷累朝祇荷殊恩載揚縉典即  
冲虛靜慧之美進聖德仁祐之稱彩詒臨峯  
夜雨澄清於巖谷迎輿戒道朝晴映曜於旌  
幢瑞靄祥煙徊翔鶴袂元圭如意敷露鴻儀  
熙事告功飄御爐之清馥羽流交賀沐上賜





具位

四月二十一日恭準 公文備奉

聖旨宣諭降賜到加封真君誥命三道宣  
賜如意玉圭錦旂威儀沉香腦子新茶銀  
兩令師坦擇日設醮昭告者

右師坦謹已恭遵聖訓逐一交領前件告命  
宣賜寶器物件關集闔山道俗出山恭迎望  
闕謝恩徧詣三峯敷揚君命以次擇日設醮  
昭告天地仙真事竟謹置典冊具載儀禮節  
次及將告命分賁三峯宣揚寶器交付山門



道正司崇禧觀永鎮名山仰延睿算今取到  
崇禧觀開具交管版冊一本三峯交領誥命  
寶播狀三本具表繳進伏乞台慈特爲聞奏  
伏候台旨

淳祐九年六月 日具位司徒師坦狀

致三

九

進加封告碑表

臣師坦言伏以三封加勅輝華句曲之山萬  
古不磨琢刻崑崗之玉踞文龜而擁護聚羽  
鶴以觀瞻遙闕歸恩溥天知敬臣中謝切謂  
仙真之異固母俟於表光功德於人有不容

於泯晦空現五雲而漢詔具在帝賚九錫而  
晉碑尚存自歷代以來蒙被眷渥今千載而  
下幸逢聖時聿闡褒章載崇顯號用侈靈祇  
之報倍爲至教之榮謹鑱諸石以惟深期與  
此山而不朽茲蓋伏遇陛下德充濬哲心照  
危微飲函三於太和撫萬宇而無外日行其  
道坐凝百志之熙民莫能名躬致九功之叙  
不矜已治思答神休時加雨露之私頻覺煙  
霞之重臣去天易久承命惟新爰鏤堅珉永  
作羣峰之鎮摹成徹御敢祈乙覽之垂臣謹



奉表繳進以聞冒瀆宸嚴下情無任激切之  
至謹稽首頓首謹言

淳祐九年十二月 日具位 臣司徒鹽上

三茅真君加封事與卷下終





金蓮正統記卷之一



金蓮正宗記序

致四

道無終始教有後先或曰道與教不同或曰白  
不同湛寂真常道也傳法度人教也道之爲  
體雖經無數劫未嘗少變教之爲用有時而  
廢有時而興或曰教之興也自何而始曰軒  
轅黃帝鑄鼎之後乘火龍而飛升太虛然後  
知有長生久視之說雖有其說知而行之者  
七十二人而已下逮殷王武丁之世老子示  
現於瀨陽東臨魏闕西度流沙演化者九百  
九十六歲乃跨白鹿昇蒼檜超碧落遊玉京



雖有如此顯異而人猶顛預而未知信向也  
及漢天師張靜應之出世也親受正一法籙  
戰鬼獄而爲福庭度道士而爲祭酒其教甚  
盛化行四海繼之以寇吳杜葉祛妖馘也集  
福禳灾佐國救民代天行化歷數十世官觀  
如林帝王崇奉及正和之後林天師屢出神  
變天子信向法教方興而性命之說猶爲沉  
滯而未之究也及炎宋之訖錄挺生重陽再  
弘法教專爲性命之說普化三州同歸玉會  
以金蓮居其首東遊海上度者七人以柔弱

謙下爲表以清靜虛无爲內以九還七返爲  
實以千變萬化爲權更其名曰全真易其衣  
而衲甲逮我長春子丘神仙受皇帝之官應  
陰山之聘勸之以減酒色戒之以少殺戮一  
言愷切萬國生春救億兆於鼎鑊刀鋸之間  
人心歸向者如百川赴海而莫之能禦也牧  
豎羗童咸知稽首東夷西戎皆詠步虛家家  
談道德之風處處講希夷之說懶衣髻髻雲  
連乎道路之間琳宇瑤壇星布乎山澤之下  
自軒轅以來教門弘盛未有如今日者是教



也源於東華流於重陽派於長春而今而後  
滔滔溢溢未可得而知其極也故作金蓮正  
宗記時太歲辛丑平水長春壺天述

金蓮正宗記卷之一

林間羽客樗櫟道人編

東華帝君

帝君姓王氏字玄甫道號東華子生有奇表  
幼慕真風白雲上真見而愛之曰天上謫仙

人也乃引之入山授之以青符玉篆金科靈  
文大丹秘訣周天火候青龍劍法先生得之  
拳拳服膺三年精心盡得其妙遂退居於崑  
崙山煙霞洞順神養浩久之結草庵以自居  
篆其額曰東華觀韜光晦迹百有餘年而人

未之知也後徙居代州五臺之陽山中今有  
紫府洞天山下有道人縣在人間數百歲殊  
無衰老之容開闡玄宗發揮妙蘊陰功濟物  
玄德動天故天真賜號曰東華帝君又曰紫  
府少陽君授度門人正陽真人鍾離雲房嗣



弘法教所有聖遠不能其述全真之道由此  
溫觴故立之以爲全真第一祖也

賢曰帝君之仙名如此其赫煥道價如此  
其高大何故不見犯於漢史鄉里世族年  
代行藏如此其黥暗也僕應之曰仙道多

致四

三

隱非垂世立教之急務故史官滅裂逸漏  
而不書兼儒家之所惡言者也年歲深遠  
碑刻泯滅由是不得而詳焉且兩漢四百  
年間幽人隱士不可勝計豈數千帙故紙  
能盡錄之乎且全真之道醞釀久矣自太

上傳之於金母金母傳之於白雲白雲傳  
之於帝君天其意者將以此一枝大教付  
於若人豈草草學者之所能負荷哉必自  
紅霞丹景中精選其可以爲群仙領袖者  
然後挺於下方其初降也豈無奇蹤異跡

輝天晃地者哉蓋隱而不錄史官之忌也  
故於傳尾諄諄而明言之庶幾學者讀之  
有所歸過焉詩云隱隱龍樓靄瑞霞風流  
紫府少陽家崑崙高聳光千丈初放金真

第一花



正陽鍾離真人

謹按廬山金泉觀記云曾祖諱朴祖諱守道父諱源當後漢末年皆據要津有功於國世濟其美先生諱權字雲房號正陽子京兆咸陽人也少工文學尤喜草聖身長八尺七寸

髯過臍下目有神先仕至左諫議大夫因表李堅邊事不當謫爲南康知軍漢滅之後復仕於晉及武帝時與偏將周處同領兵事屢出征討已而失利逃於亂山不知所往偶見老氏者流問而不語但舉手而指東南公遽

往馬行六七里峯巒峭拔松栢參差中有樓閣金碧炫燿二青衣應門而立揖而問曰此何方也對曰紫府少陽君之所居東華帝君之別業也吾師候君久矣遂延入館中拜見帝君方談笑間童子報云客仙至矣帝君出門迎三仙客鍾離自牖窺之見一仙人身長八尺青衣練帶草履雲冠神目如電堂堂乎哉次一人素袍大袖結於頸後橫握鐵笛次一人容貌魁梧掛絳紅袍頂華陽巾跨蒼毛虎橫按筇杖遂邀三仙入於別館進酒果肴



僊語笑誼譁聞於館外青衣曰多少紅塵客  
何由到此來洞門無鎖鑰今日爲誰開衆仙  
皆笑曰昔爲鐵衣子今逢達道人又云奈何  
壯士侵莊上耶鐵笛仙曰紫府少陽家龍樓  
靄瑞霞滿斟千日酒常翫四時花跨虎仙曰  
親指蓬萊路何須更問津神仙知有分幸矣  
拜高真帝君答曰偉矣青雲器相逢一解顏  
丹臺元有籍聊謫在人間衆仙皆醉命駕言  
歸帝君送之各跨鸞鳳冉冉而入於雲中帝  
君遂回復與鍾離談玄終日情愛深密甚於

素交遂授之以赤符玉篆金科靈文大丹秘  
訣周天火候青龍劍法公服膺受教一聞千  
悟既盡其妙辭而下山椎髻布衣積行救人  
調神鍊氣變化無常至唐文宗開成年間因  
遊廬山遇呂公洞賓授以天遁劍法自稱天  
下都散漢後隱居於晉之羊角山天真賜號  
曰太極左宮保生真人曾於邢州開元寺觀  
音殿後題詩二絕筆勢飄逸有龍飛之狀其  
詩曰得道真仙不易逢幾時歸去願相從自  
言居處連滄海別是蓬萊第一峯又云莫厭



追歡語笑頻尋思離亂可傷神閒來屈指從  
頭數得到清平有幾人宋朝劉從廣於皇祐  
四年九月九日立石刊勒又有頌云見錢如  
患真仙子過色如讎大丈夫養氣氣如龜喘  
息煉形形似鶴肌膚生我之門死我戶幾箇  
惺惺幾箇悟夜來鐵漢細尋思長生不死由  
人做又撰真仙傳道集洎靈寶畢法授於呂  
公言天地造化陰陽交泰內丹養命之道秘  
於玄都寶藏以爲萬世龜鏡此後復歷廬山  
登三級紅樓冉冉而昇空矣乃五月二十日

贊曰道不可以虛妄得仙不可以詐僞成  
惟貴夫真功實行也觀正陽子之未遇但  
鐵衣武夫耳及其拜東華帝君之後分玉  
篆以通天按金科而動地鑄劍而青龍入  
匣燒丹而紫鳳朝元養氣而喘息如龜煉

形而肌膚似鶴自漢歷唐五百餘歲止度  
一純陽老仙而已甚矣哉人之難化也乃  
遊廬山登三級紅樓冉冉然飛上太虛自  
爾以來全真教法漸有綸緒故可以爲金  
蓮正宗第二祖也詩云鐵笛曾聞跨虎仙



金丹親向帝君傳臨行付與純陽子三級  
紅樓上碧天

純陽呂真人

謹按岳州青羊觀石壁記云曾祖諱景仕至  
翰林學士金紫光祿大夫祖諱獻位至河南

致四

六

府尹父諱渭禮部尚書先生諱崑字洞賓蒲  
州蒲坂永樂人也唐德宗興元十四年丙子  
四月十四日生於林禽樹下至唐文宗開成  
元年丁酉歲擢進士第年二十有二歲也龍  
姿鳳目鬚眉踈秀美鬚髯金水之相頂華陽

巾服逍遙衣狀貌類張子房太史公之爲人  
後任五峯廬山縣令因暇日遊廬山之勝跡  
偶與正陽先生相遇一話一言之間心與心  
契密受大道天遁劍法龍虎金丹秘文賜號  
純陽子由是之後休官棄爵專心向道師資  
膠漆未嘗暫離俄而之間仙人數輩特邀先  
生東赴蓬萊之會呂公泣下拜啓師真雲車  
東邁何日言歸遂以詩禱之曰功滿來來際  
會難又聞東去幸仙壇杖頭春色一壺酒頂  
上雲攢五嶽冠飲海龜兒人不識燒丹符子



鬼難看先生去後身須老乞與貧儒換骨丹  
正陽答云金丹一粒定長生須向真鉛鍊甲  
庚火取南方赤鳳髓水求北海黑龜精鼎攢  
四季中央合藥運三元八卦行齋戒與君成  
九轉一丸入腹鬼神驚詩畢遂去自是之後

呂公隱於市鄺或貨丹而救疾苦或賣墨以  
惠貧窮積功累行以至成真神化無方或隱  
或顯多遊蒼梧南越之間嘗有詩云朝遊南  
越暮蒼梧袖有青蛇膽氣麤三入岳陽人不  
識高吟飛過洞庭湖又宋政和間洛陽上清

宮題詩二絕曰吾來兩次謁三清四大蒼生  
眼不明今日却歸塵外去五雲深處指神京  
又云五雲深處是吾鄉四大皆非不可常今  
日不知身是客來朝只在這邊傍又於戊子  
歲中秋西京察判宅有道者來謁闍人阻難

之間已在堂上巍然而坐曰願乞斗酒察判  
賜之一飲而竭仍索素絹三尺以酒嚙之搏  
入瓶中不辭而去急令追之已失所在探瓶  
中展絹而視之上有畫像與先生狀貌無別  
神清骨秀耳出三毫後有二絕云飲酒須當



百十杯養壽河清千萬迴至道日新通事塞  
玄關早放地中雷又云千古閻浮自在身唯  
然上善可開陳幾多念念承予教隔在閻浮  
寄下真後題曰純陽子宋宣和間泰山岱嶽  
觀石壁間題一聯云昔年留字識曾來事滿

華夷徧九垓後因雷雨大作蛟龍戰鬪山勢  
崩摧唯先生墨跡儼然無損後九十年再遊  
於此復題一聯云無奈蛟龍知我意故留蹤  
跡不沉埋又題一絕云昔日曾遊此經今九  
十春紅塵多少客誰是識予人後書云回公

作隨方顯跡不能備錄平生述作數百篇目  
之曰傳劍集飛騰變化接引者不知其數後  
遊歷鄂州昇黃鶴樓冉冉飛昇日當卓午五  
月二十日也市鄧中人瞻仰企慕但見隱隱  
入于雲中矣

致四

八

贊曰自古得道神仙數甚多矣然而鍾呂  
之名獨顯於世雖樵童牧豎婦人女子皆  
知之者何也蓋慈悲之心接物利生無所  
不至感人之最深耳老松之精無情之物  
也猶且區區訓誨使成無上神仙況於人



爲萬物之最靈者乎三入岳陽佩丹篆千  
年之術重遊岱觀誦黃庭兩卷之經採南  
方赤鳳之精奪北海黑龜之髓一粒定超  
於物外九還普散於人間點石餅而作黃  
金折柳枝而成白骨餌之者回顏換質遇  
之者起死回骸百怪形潛袖有青蛇之劍  
九天詔下身飛黃鶴之樓故曰名者天下  
之公器不可以多得其信然乎詩云三尺  
青蛇照膽寒乾坤移向掌中看一從黃鶴  
樓頭去留與人間換骨丹

海蟾劉真人

先生姓劉諱操字宗成號海蟾公燕山人也  
年一十六歲以明經擢甲科累遷至上相平  
昔好談性命之說然終不得其妙一旦有道  
者來謁邀坐堂上以賓禮待之問其姓名默

致四

九

而不答但自稱正陽子願乞鷄卵十枚金錢  
一文安金錢於桮上而高累十卵危而不墜  
海蟾歎曰危哉先生曰相公身命俱危更甚  
於此海蟾頓悟先生乃收卵而藏之擘金錢  
而棄之遂辭而去海蟾於是催設夜宴佯托



沉醉以杯盤寶器俱擲於地而碎之夫人泊  
兒女輩莫不怒責比及朝退猶未解顏輒解  
印而辭官佯狂歌舞自述歌曰余緣太咸生  
燕地憶昔三光分秀氣卅角圓明霜雪心十  
六早登科甲第紆朱懷紫金章貴各各綺羅  
輕掛體而今位極掌絲綸倏忽從前春一寐  
昨宵家宴至三更兒女夫人并侍婢被子佯  
醉撥杯盤擊碎珊瑚珍玉器兒女嫌夫人惡  
忘却從前衣食樂來朝朝退怒猶存些兒小  
過無推托因此事方省悟前有輪迴誰救度

退官納印棄榮華慷慨身心求出路遂易衣  
而道處於卑賤以辱其形又述一聯云拋離  
火宅三千口屏去門兵百萬家厥後遠泛秦  
川陶真於太華之前遁跡於終南之下願精  
煉氣以至成真忽一旦於代州壽寧觀以墨  
水潑成龜鶴齊壽四字納一丈餘并自寫真  
於壁間繼有西蜀成都府青羊宮以墨水潑  
成清安福壽四字代州鳳凰山來儀觀潑成  
壽山福海四字三處相隔不啻數千里皆同  
日而書之以表其神變無方耳後題長篇詩



云醉騎白驢來倒提銅尾  
著獨胡癭自忘塵世事家住葛洪井不讀黃  
庭經豈燒龍虎鼎獨立都市中不受俗人請  
欲攜霹靂琴去上崑崙頂吳牛買十角溪田  
耕半頃種黍釀白醪便是仙家景醉卧古松  
陰間立白雲嶺要去即便去直入秋毫影隨  
代所顯靈跡甚多不能具述聊記其大槩云  
贊曰甚矣富貴之難捨也眷屬之難離也  
苟有能捨而離之者未有不登大羅而遊  
玉京者也自古迄今吾於海蟾先生知之

矣由進士科登燕國相懷金章而恩霑九  
族曳紫綬而名滿四方一旦遇正陽子悟  
金錢之決破歎累卵之終危碎七寶而爲  
塵埃抵萬金而如糞壤拋火宅者三千口  
屏門兵者百萬家辭官而狂舞市鄽納印

而棲遲山野煉氣於終南之下陶真於太  
華之前故能蹈水火以無傷貫金石而罔  
礙間騎紫鳳手携霹靂之琴醉走白驢脚  
踏崑崙之頂潑墨而書成四字化形而地  
隔千山有以見道不負人也信矣詩云擊



碎珊瑚不相燕歸來高卧白雲邊携琴直  
上崑崙頂冷笑浮生盡小年

金蓮正宗記卷之一





金蓮正宗記卷之二

致五

金蓮正宗記卷之二

致五

林間羽客樗櫟道人編

重陽王真人

先生諱中孚字久卿家世咸陽最爲右族當  
劉蔣水竹煙霞爽塏之地營起別墅作終焉  
計其爲人也骨木雄壯氣象渾厚眼大於口  
髯過於腹聲如鐘面如玉清風飄飄紫氣鬱  
鬱有湖海之相焉膂力倍人才名拔俗蚤通  
經史晚習弓刀當廢齊昇昌間獻賦春官廷  
意而黜復試武舉遂中甲科逮乎四十有七



歲也喟然歎曰孔子四十而不惑孟子四十而不動心吾今已過之矣尚且吞腥啄腐紆紫懷金不亦太愚之甚乎遂辭官解印黜妻屏子拂衣塵外類楚狂之放蕩焉時正隆己卯四十有八歲也甘河橋上過屠門嗜氈根

致五

而大嚼焉有二道者各披白氈忽從南方脩然而來煙霞態度霄漢精神觀厥眉宇大抵相類先生不覺驚起趨進俛首前揖相與語言皆出世語滌塵澣垢蠲膏剔盲如醉而醒如瘖而鳴密授真訣更名曰嘉字曰知明號

曰重陽子既畢指東方曰汝何不觀之先生  
回首而望道者曰何見曰見七朵金蓮結子  
道者笑曰豈止如是而已將有萬朵玉蓮芳  
矣言訖忽失所在由是之後落魄不羈乞食  
於市短簑破瓢眠冰卧雪有詩曰四十八上  
始遭逢口訣傳來便有功一粒金丹色愈好  
玉京山上顯殷紅明年庚辰有一道者同宿  
月中乃言曰吾居西北大山之中彼間有人  
善於談演陰符道德尤所精通聞君平昔好  
此二經胡不相從試往觀聽先生躊躇未之



能決道者忽起拋拄杖乘風而去左右求之  
杳無音耗茫然如有所失比及中秋過醴泉  
縣再遇道者趨而拜之忻然相邀入於酒館  
共飲之次問其鄉里答曰蒲坂永樂是所居  
也又問年甲幾何答曰春秋二十有二復問

致五

二

其族默而不言遂索毫楮書秘語五篇使之  
詳讀先生讀之數過方悟妙理戒之曰天機  
不可輕泄即令投之火中道者曰速往東海  
丘劉譚中有一俊馬可以擒之言畢不知所  
在其一篇曰騫臨秦地泛遊長安或貨丹於

市邑或隱跡於山林因循數載觀見滿目蒼  
生盡是兇頑下鬼今逢吾弟子何不頓拋俗  
海猛悟浮囂好餐霞於碧嶠之前堪煉氣於  
松峯之下幹旋造化反覆陰陽燦列宿於九  
鼎之中聚萬化於一壺之內千朝功滿名掛  
仙都三載殷勤永鎮萬劫恐爾來遲身沉泉  
下其二曰莫將樽酒戀浮囂每向鄜中作繫  
腰龍虎動時拋雪浪水聲澄處碧塵消自從  
有悟途中色迷意蹉跎不計聊一朝九轉神  
丹就同伴蓬萊去一遭其三曰蛟龍煉在火



峰亭猛虎擒來囚水精強意莫言胡論道亂  
說縱橫與事情其四曰鉛是汞藥汞是鉛精  
識鉛識汞性住命停其五曰九轉成入南京  
得知友赴蓬瀛先生遂歸劉蔣自構一庵題  
其榜曰活死人墓又以紙牌立於墓上曰王

致五

三

害風靈位自作詩曰活死人兮王嘉乖水雲  
別是一般諧道名喚作重陽子謔號稱為沒  
地埋來者路不忘懷行殯須是挂靈牌他日  
又携酒一壺立於路次有道人呼曰害風害  
風將汝酒來先生應聲與之一飲而竭却遣

先生以空壺就甘河中取水令自飲之其味  
極佳真仙酎也道人告曰吾海蟾公也言訖  
忽失所在自是以來不復飲酒但飲水而已  
常有醉容因述虞美人也害風飲水知多少  
因此通玄妙白麻衲襖布青巾好模好樣真  
箇好精神不須鏡子前來照事事心頭了夢  
中識破夢中身便是逍遙達彼岸頭人忽一  
日自焚其庵鄰家爭來救火先生但婆婆而  
舞人問其故答曰三年之後別有人修乃題  
詩曰茅庵燒了事休休決有人人却要修便



做惺惺成猛烈怎生學得我風流大定七年  
四月二十六日迤邐東邁經過咸陽自畫一  
幅作三髻道者青松鬱樓白雲繚繞仙鶴婆  
娑有出塵之格見史風仙欣然贈之曰待我  
他日擒得馬來以爲勸同又過洛陽謁上清

宮題詩於壁間曰丘譚王風捉馬劉崑崙頂  
上打玉毬你還搬在寰海內贏得三千八百  
籌東海衛州見蕭真人頗有仙風道骨深欲  
提挈盤桓數日話不相投贈之驀山溪曰真  
人已悟四海名先到只爲有聲聞却隔了玄

元妙道可憐仙骨落入鬼形骸一般衰一般  
老空恁一般了豈知玄妙剛把身心傲度日  
若聾盲誚不識丹砂爐竈好將二物鼎內結  
成丹服餌了得長生攜手歸蓬島真人讀之  
終不能悟其妙旨但點頭而已祖師遂東歸

致五

四

海邊徜徉數載接誘訓化既得丘劉譚馬郝  
孫王以足滿七朶金蓮之數普化三州同歸  
五會一曰平等二曰金蓮三曰玉華四曰三  
光五曰七寶其榜曰竊以平等者爲道德之  
祖清淨之源乃金蓮玉華之本三光七寶之



宗普濟群生遍超庶俗銀焰充盈於八極彩  
霞蒸滿於十方人人願吐於黃芽比比不遊  
於黑路玉華者氣之宗金蓮者神之祖氣神  
相結謂之神仙一旦將引丘劉譚馬南赴汴  
京堯王逆旅中依泊歲餘多所指明因書竹  
杖歌以示之曰一條拄杖名無著節節輝輝  
光灼灼偉矣虛心直又端裏頭都是靈丹藥  
不搖不動自清閒應物隨機能做作海上專  
尋知友來兀誰堪可爲依託昨宵夢裏見諸  
虬內有四虬能跳躍杖一引移一脚頂中送

斷銀絲索攢眉露目震精神吐出靈珠光閃  
爍明焰挑來共樂然白雲不負紅霞約書畢  
語之曰昔日披氈師真秘語云九轉成入南  
京得知友赴蓬瀛吾今將赴其約門人惶恐  
乞遺世語祖師曰我三年前已題於壁矣曰

致五

五

地肺重陽子強呼王害風來時隨日月去後  
任西東作伴雲和水爲鄰虛與空一靈真性  
在不與衆人同又云害風害風舊病發壽命  
不過五十八兩箇先生決定來一靈真性誠  
搜刷謂衆人曰吾歸之後慎勿舉哀言訖而



委蛇焉丹陽不覺泣下甚慟衆皆勸之曰不  
可違仙師之語丹陽曰入道區區尚無所得  
吾師棄我遑遑何歸訴之未終忽開目曰汝  
輩憾恨奚爲若此昔日甘河所得秘語五篇  
今付于汝丹陽再拜跪而授之復謂譚公曰  
汝等性命皆在丹陽手中矣遂言物外親眷  
曰一姪二子一山侗連予五箇一心雄六明  
齊伴天邊月七爽俱邀海上風真妙裏頭拈  
密妙晴空上面躡虛空東西南北皆圓轉到  
此方知處處通又曰一弟一姪兩箇兒連予

五逸做修持結爲物外真親眷擺脫人間假  
合屍周匝種成清淨境迺相傳授紫靈枝山  
頭迸出靈華會我趁蓬萊先禮師詩畢奄然  
返真異香馥郁瑞氣瀰漫白鶴翔空青鸞拂  
地仙儀冉冉高出雲端士庶官寮號呼瞻拜

如喪考妣靡不讚歎真千古異事也於是備  
棺擲衣衾禮而葬之時大定庚寅正月初四  
日也升遐之後濬儀橋下談玄誘臧老之心  
劉蔣溪邊賜藥愈張公之病或舞蹈於昆明  
池右或吟詠於終南境中有以表其不死者



也丘劉譚馬四子相携西入長安見史風先生獻以松鶴圖史風笑曰當時留下勘同正與此圖相合兩相比較毫髮無差於是歷終南訪劉蔣住持祖庵修葺稍完却返梁園共移仙骨發棺視之形神尚有生意四人交代

致五

六

負以西行程途所到將酬館穀之資逆旅主人必曰先有道者償價已訖竭力追之終不能見問其狀貌乃祖師之化身也既至終南遂卜地而葬焉初遊登州望仙門外見畫橋太險遂言曰此橋異日逢何必壞衆皆莫曉

其意後經一紀太守何公惡其險極遂毀其  
嶮而平甃之今改遇仙橋者是也繼有文登  
縣作醮於五色雲中見白龜甚大背有蓮花  
祖師端坐於蓮葉之上須臾側卧而歸縣宰  
尼庵窻親見其事拈香恭禮命畫師對寫真  
容三州之人皆仰觀焉丹陽聞之作滿庭芳  
以讚之曰古郡登州望仙門外畫橋車馬難  
通重陽聖跡對衆顯家風預說逢何必壞經  
一紀太守何公嫌巖嶮令人拆毀命匠別興  
工文登重出現白龜蓮上端坐空中宰公緣



底事得遇真容忽覩回身側卧祥雲動復返  
仙宮分明見丹青邈出何處不欽崇可謂死  
而不亡者矣宜乎其爲七真之祖也所有神  
變無窮不能備錄東海西秦勸化道俗長歌  
短詠殆千餘首目之曰全真前後集并雲中  
錄明鉛汞坎離之說盛行于世又答登州道  
衆書詩及十九枝圖

致五

七

書

嘉稽首四時運轉能般年少之容三教分明  
解救平生之苦諸公存想一悟齊修九轉成

指日登仙八門開長春作伴敢希搜妙更乞  
投玄便作鄙章錄于圖後

靈明

一輪明月吐光輝

桂樹香傳十九枝 藥

正到中更分子午 潘

放開靈彩射瑤池

水

張



詩曰

盡知常與道爲鄰搜得玄玄便結親悟理莫  
忘三教語全真搜取四時春養成元氣當充  
滿結作靈神沒漏津十九光明如我願敢邀  
相伴樂天真

贊曰祖師出世四遇真仙飲甘河之一味  
授秘辭之五篇十九葉相承於桂樹一萬  
枝不絕於金蓮寶鏡高提照譚馬壺中之  
景神珠獨耀見丘劉劫外之緣誰知太古  
家風憑衲衣而暗度却羨玉陽名字仗傘

竹以偷傳錯上鈎竿大士出默然之海晚  
歸船舫散人遊清靜之淵作大教權輿之  
主開全真戶牖之先逮功成而名遂然後  
跨鸞鶴而飛上青天也張神童詩曰占斷  
終南一洞天曾來東海領諸仙只憑入聖

致五

超凡手種出黃金七朶蓮

玉蟾和真人

先生諱德瑾秦州甘泉人也才能超拔器識  
高遠玄資霞映妙質雲停及其壯也尤攻翰  
墨初隱身於刀筆吏然清懷淡泊以道爲心



未嘗取非義之財幽人逸客靡不叅訪偶因  
暇日遇一道者酌酒談玄終夕不倦定爲莫  
逆之交他日道者臂擎一梟自外而入謂和  
公曰此禽怪哉眼目許大不能識人公亦不  
悟但唯唯應對而已後經月不意道者身染  
惡疾百醫無効數日告殂於是備棺槨而葬  
之比及數旬忽有老嫗叩門相謁曰昔有道  
者於此告亡乃吾之嫡子也奈何老矣隻身  
飄然無所依倚衣餐不給將何告也和公憫  
之贈以金帛老嫗曰我欲發墓啓棺一面吾

子終身無憾矣懇求再四義莫能已遽令發  
棺不見骸骨但有所贈金帛而已復求老嫗  
亦失所在和公歎曰神通變化如此奇異若  
非仙聖能如是乎由茲感激屏棄俗緣退居  
林下精心修煉與道合真聞終南重陽祖師

致五

九

深得九還鍛煉之術乃往叅同遂居祖庭日  
益玄妙氣漸冲和心地開通有先見之明預  
知丘劉譚馬將至乃與李公靈陽子同往餅  
店留錢四分告貨羹主人曰今日當有四客  
仙至曰丘劉譚馬以此待之既言而歸良久



果有四道者至貨羹主人曰汝非丘劉譚馬  
乎四人相視而笑曰汝何以知之對曰和李  
二老已留羹錢在此矣四人歎息曰真異人  
也食畢而往相見欣然甚於舊契比及升遐  
三年已前預命畫師寫出真相前凭虎頭昏  
然而睡衆莫能曉至大定庚寅歲二月十有  
九日乃召功德主馬公曰我蒙子厚恩無以  
爲報汝若將來有大患難但請焚香密誦吾  
名即當救汝是日天氣清爽霞彩輝映東鄰  
西舍皆聞異香就草堂中枕肱而卧寂然遺

物而返真矣乃預表歸期在庚寅年也升遐  
之後臨潼張叟久患痼疾衆醫無功殆將屬  
纊一夕夢中偶遇先生詳說藥餌治療之法  
問其姓氏乃和公也覺而用其所說疾果頓  
瘳足見先生之神迹有不死者存焉

贊曰甚矣哉人之難化也道之難明也以  
玉蟾子之慕希夷耽玄妙也道者造門定  
交而不悟千方萬便誘之而不悟又以梟  
目警之而不悟又以惡疾感之而不悟又  
以尸解入棺而不悟又以老嫗來謁而不



悟及乎啓棺不見骸骨并失老嫗然後知其聖賢之感應也乃洒然而醒矣棄妻子而歸隱林泉受簪冠而精研性命拜重陽而分明指訣得九轉而鍛煉成功先知四客之來明留餅直預畫三年之像剋定歸期卒能乘空步虛出神入夢可謂道不棄人也信矣重陽點破還丹訣老嫗通開宿世緣笑凭虎頭歸去也風流同會紫金蓮

靈陽李真人

先生之名悞忘之矣道號曰靈陽子京兆終

南人也沉默寡言聰敏超世學問該博識量  
弘深道德留心利名絕念諒由宿契得遇重  
陽密泄真風頓消俗念坎倒離顛朝磨夕煉  
常與玉蟾子和公共結因緣愛人濟物損己  
利他多積陰功密符大造重陽有詩云傳與  
和公與李公首先一志三人同逮乎大定戊  
申歲春二月世宗皇帝遣使召長春子丘公  
赴闕臨別謂先生曰劉蔣因緣祖師所建不  
可輕視善自住持先生曰來歲春光早回鶴  
馭山野及期專待主喪衆人莫曉其理比及



不年己酉二月先生無恙輒自清齋門人勉  
之曰我師肌體素羸加以不穀將如之何先  
生曰汝等無疑吾專俟喪主而已當是時也  
長春子得中旨還故山過秦渡鎮盤桓不進  
先生遣門人往迎之長春遽往纔抵庵中先  
生怡然化爲周蝶栩栩而歸矣祥雲拂地瑞  
氣凝空青鸞容與白鶴翱翔士庶官寮靡不  
欽歎於是長春子率門人具棺槨而瘞之時  
己酉之三月初一日也

贊曰天下不二道聖人無兩心故王公和

公李公共傳秘訣同鍊還砂終南之丹桂  
齊芳海上之金蓮並秀遂使全真門下列  
以爲三祖而尊祀之又何慊乎哉詩云兩  
手雙攜日月輪輝輝照破萬華新臨行未  
肯輕分付直待長春作主人

金蓮正宗記卷之二







金蓮正宗記卷之三

致六



金蓮正宗記卷之三

致六

林間羽客樗櫟道人編

丹陽馬真人

先生寧海人也號曰丹陽子祖諱覺字華叟  
通五經爲人信義言無宿諾嘗販繒於鄰境  
暮憩邸中見一貧婦擗踊哭泣聞人說云此  
貞婦也良人少亡誓不復嫁孝養舅姑不幸  
併亡無資以葬方欲質身以爲棺槨之費公  
正色言曰鄉鄰疾病尚且扶持里有死亡不  
爲助給非孝義之坊也解縑二束而贈之不

通姓氏趨走前邸是夕公之財物爲暴客所劫遂不告人怡然而歸其妻問之託言賒貸後經半載盜者分贓不均經公首露公曰賊物紛紜展轉相關連坐非一枉遭推勘賊滿百疋犯至極刑非好善之所爲也可持銀二

致六

兩補爾不平之怒其人遂感謝而去時方歲饑曝米於庭鄰婦竊之公出潛見復隱身而避之任彼將去父諱師揚字希賢姿貌魁秀沉靜有度量生子五人取仁義禮智信爲名號曰五常馬氏之坊甚富於貲故號曰馬半



州弟姪三人皆擢進士故有餘慶堂今改爲  
降仙坊者是也至辛亥歲饑饉荐臻八月清  
旦有客倉皇擲紬復於案上輒過門而不知  
所往公欲收入巾箱間舉之甚重解而觀之  
金色射目以權衡稱之其重兩鎰旬日客來

即奉與之客謝曰吾呂仙也家在幽谷村陶  
採爲業得金兩鎰欲貨於市稅監逼逐幾陷  
於刑賴公以免願兩分之聊以酬恩公曰橫  
來之金慮招其禍辭而不受呂仙曰公有黃  
向之風異日子孫當出神仙自後公屢訪幽

谷人問呂仙安否僉云素無呂氏之家疑其  
神人也先生之母所有寶翠爲家婢竊而去  
之衆人皆言急逐可得公一無所問由是資  
財益廣享年六十有四先生第二子也諱從  
義字宜甫癸卯歲五月二十日子時生母唐

致六

二

氏夢謁麻姑賜丹一粒吞而分瑞體如火色  
七日方消手握雙拳百日乃舒爲兒時常誦  
乘雲駕鶴之語夢中屢從道士登天良賤四  
十餘口每歛退食器舌舐殘粒身服舊裳昔  
道士李無夢鍊大丹於崑崙三載弗成曰神



仙降臨則丹成矣一旦先生與豪傑相從遊  
戲至於爐下丹乃轉成無夢見而奇之謂先  
生曰額有三山手垂過膝真大仙之材矣因  
爲頌曰身體堂堂面圓耳長眉脩目俊準直  
口方相好具足頂有神光宜甫受記同步蓬  
莊厥丹乃成先生之德因此見稱孫忠顯美  
無夢之言以女妻之生子三人曰廷珍廷瑞  
廷珪先生以孝悌見稱夙賦聰明長通經史  
好與童稚戲狎輕財重義出舉收質無可入  
還者皆焚其券大定二年秋蝗大饑佃客劉

進盜殺耕牛將盡遽往視之曰年穀不登困  
乏糧食吾將賑濟汝不念牛爲耕稼之本使  
無罪而就死地吾不忍也使劉進自負皮角  
而行於是老幼號慟告之曰方今法令嚴明  
此去必犯刑憲使父子不相見矣先生不言

致六

三

乃往經閣院施皮五張令劉進面對三寶具  
陳殺牛之愆庶解冤結時人歌曰古揚陳寔  
今談宜甫有無知少年持錢三百來贖綾襖  
故相欺詐先生賜錢半千少年惡其小惠輒  
嘆唾之值郭奉信叱而退之或曰面上有唾



拭之使乾曰拭之是違其怒正使自乾耳先生謂同志曰昨夢二人皆衣皂褐內一人素補兩肩泣告予曰我輩十萬人性命在公所主言訖奔入南巷我逐之見入屠舍劉清顧壁上有頌云我輩已亥十萬人大半已經辛已殺此門若是不慈悲世世軸頭常廝抹夢覺聞屠豕之聲披衣視之見縛二猪其一兩肩斑白方悟夢中之人已亥猪也辛巳乃劉公所生之歲也乃書頌於壁間屠者心大剛切未能誘化是夕又夢二鶴飛落於蔬圃之

間遂建道館招陸道士住持至丁亥年秋先生與遼陽高巨才遊賞於范明叔之遇仙亭酒酣題詩其末句云醉中却有那人扶皆莫曉其意中元後一日重陽真人自終南抵東牟徑入遇仙亭先生問曰從何方而來曰路遠數千特來扶醉人耳衆皆異其言又問何名爲道曰五行不到處父母未生時相與談玄不覺席上生風遂禮請真人還居家庭其妻富春氏開簾視之謂先生曰我觀王公面如芙蓉紅目勝瑠璃碧聲若巨鐘語如湧泉



堂堂然有正陽之風來當可傾心禮敬由是  
待以師禮真人謂先生曰我欲鎖庵百日不  
食先生從之闢爲環堵風雪四入硯水不冰  
窓外求詩者往來如織揮毫拂紙立賦立成  
屢出陽神來坐閣中先生遣人瞻之則庵中

致六

四

儼然默坐自孟冬初吉示詩詞各一首令先  
生繼和仍賜梨一枚與先生啖之每五日芋  
栗各六枚十一日爲梨爲二令夫婦共食之  
自後凡經旬日加一分三旬分三四旬分四  
至於十旬分爲五十五塊合天地奇耦之數

先生漸悟真理遂捨妻子受簪冠乞食降心  
真人乃喜一日真人言曰馬公破道人曰師  
何以知之曰昨宵夢飲酒使人詢之先生曰  
得藥用酒因而飲多真人先期而知之矣乃  
登崑崙煙霞洞先生忽患頭痛急如擘裂人  
言曰馬公將不保朝夕矣真人曰吾三千里  
外特化其人令死可乎遂呪水與之飲訖而  
愈大定九年秋真人引先生輩四人西邁登  
州太守紇石烈待以師禮問曰後會何期曰  
當在梁園後真人羽化於夷門訖石烈改除



南京副留守遂爲喪主真人羽飛之後先生  
引徒入京兆乞自然錢得數十千復相約東  
行取真人金骨改葬於終南頭梳三髻心喪  
六年默坐環堵夫三髻者有三吉字乃真人  
之諱也故尊而戴之先生志如鐵石行若冰

致六

五

霜縱橫闡化十有三年服不衣絹手不拈錢  
夜則露宿人憐其寒答曰莫訝三冬不蓋被  
曾留一點在丹田一日謂門人來靈玉曰關  
中人謂衣裳破碎重修理者云何對曰謂之  
拆洗先生曰東方教門年深殘破吾當拆洗

未及半月上司降到符文遣發道人各還本鄉先生遂出關長春丘先生方在隴山一旦謂李大乘曰吾道東矣余雖在牒發中不能出關余若出關則秦中教風掃地無餘矣且隨緣下山州中官民同狀保申復上山而居之先生自出關所到鄉邑垂髻戴白歌舞於道路出境迎迓如鳳凰景星爭先覩之爲快也既還鄉里復見屠者劉清教之曰曩日壁間之頌不覺流年二十換矣以日計之日宰三猪十萬之數亦已足矣況公壽八十有三



族廣家豪理當上殺公方省悟遂擇日設齋  
持砧器於郭門外焚之是日往金蓮堂見其  
六味鹹苦不堪供給先生臨井呪之甘若醴  
泉郡人號曰靈液構亭立碑傳於四方壬寅  
年五月東牟大旱嘉苗槁矣徧禱山川一無

所應州縣官長禮請先生庶獲霑足名香一  
藝膏雨沛然逮秋七月郡人設大醮於朝元  
觀連日陰雨道俗惶恐疑將敗其壇墀先生  
曰無憂今日必晴果如其言至中元焚詞之  
際五雲繚繞鸞鶴徘徊其感應之速也如此

仲冬行過登州信士韓公焚香致禱曰家有  
苦井願少垂法力庶回其味先生即往咒之  
其味頓變甘如飴蜜日晚雨作遂留宿於韓  
宅戲書云門外雨颼颼天留人不留主公猶  
自可打破道人頭衆皆莫曉其意須臾有康

致六

六

禪問道於先生忽見簷瓦墮空正中其首衆  
方駭然悟末後一句也重陽日醮畢天門啓  
於東南祥雲集於月際郡人莫不瞻拜二月  
八日先生勸東牟瑯琊村人悉焚船網風回  
雪霽忽見重樓翠鼻異事駭人乃海市現於



南陽也癸卯年四月十三日主行芝陽醮事  
而風雨大作衆人哀禱庶獲晴霽先生叩齒  
冥目似有所祝須臾雲歛日出十五日申未  
間龍尾現於東南移時不滅至夜彩雲貫月  
四月二十八日行詣芝陽海市乃見自旦至  
午先生至回光庵馬從仕喜自願焚貸糧券  
千有餘斛繼有鞠斌聚魚網而焚之海市復  
現依稀若龍車鶴馭之狀又有郭亨欒周者  
聚魚網而焚之忽見桑島之間雲陣橫斜煙  
光縹緲若甲馬神兵之勢先生居華亭之環

堵林檎一株枝枯心槁將伐爲薪四月初九  
日沃之以水俄有門人姚鉉持純陽真人家  
譜至方知四月十四日生於林檎下先生怡  
然曰予五月二十日生比及此時決生芽葉  
乃作頌云天上三十六地下三十六天地入

教六

七

寶瓶七十二候足李公稽首請釋其頌先生  
笑曰此隱語也他日自當知之五月十七日  
李公夜夢林檎南北各生二葉旦而視之芽  
果生矣至先生慶誕之辰綠葉成陰方解其  
頌云四九三十六日天地相合爲七十二日



氣候充足變枯爲榮何有難乎全真庵移竹  
兩叢松一株時四月間也枝葉萎黃道友崔  
公告先生曰此松竹還得再榮乎先生欣然  
作詩二篇云道家門戶號長生意要乾枯改  
舊形常使數竿常綠綠不教一葉不青青又  
曰我通生法斡旋生布氣形骸轉換形窓外  
不惟君子綠庵前又喜大夫青遂以滌面水  
沃之不旬日抽心展葉金玉庵六月初三日  
植小松六株衆人稽首曰全真庵之松竹得  
復榮旺金玉庵之小松獨何憔悴先生乃以

真氣三時布之作詩三絕云六月庵前種六  
松故然返到馬風風三番布氣無多力六願  
還生有大功又云當時數伏故栽松道友間  
間試馬風我說六株無自活人傳三髻有真  
功六月初三種小松六株變色遇扶風析榮

我借重陽氣應効人傳三髻功其松更不改  
柯易葉青翠可愛邑人遂刊詩於石昔呂純  
陽以藥一丸詩一絕活萊州龍興寺枯槐於  
今尚在其詩曰長拖布袖出河東夜宿祇堂  
古廟中不夜城中留聖跡且教槐老度千冬



今先生以詩三絕活芝陽六松前聖後聖其  
歸一揆芝陽貧士兩足俱廢哀聲甚切先生  
呪水與之飲訖其行如飛藥武功者久患風  
痺百藥無功先生呪果服之一日頓愈先生  
忽一旦歌舞自娛有非常之喜門人忽報曰

致六

壬寅年十二月晦日孫仙姑枕肱棄世於河  
南矣享年六十四歲先生曰昨晚乘綵雲奏  
仙樂東歸海上吾親見之吾之歌舞者蓋為  
此也已預知之矣是歲九月在崑崙契遇庵  
主持孤魂醮事瑞霞晃耀鸞鶴往來不可勝

數東遊文山建七寶庵掘井九尺而不及泉  
大石阻之先生題云穿鑿須當二九深甘泉  
自可應清吟遂命匠者再鑿至一丈八尺而  
寒泉涌出七寶庵牛車載巨棟路經險峻駕  
車人僵躓於轍間輪轉曾臆其人念丹陽名  
號並無所損壬寅年三月憇於濟南府舜廟  
老幼竟欲瞻禮爭門而入者幾千人矣門脫  
其扇卓然而立一無所傷仲冬移栢二株高  
可數尋植於七寶庵中漸成枯槁先生以真  
氣吁之以水沃之旬日之間翠色如初下元



日文山加持醮事連日陰雨衆人憂之先生  
聞空中語云重陽真人至姚來二公在傍亦  
聞之十六日晡時縣令尼厖古武節仰視天  
表乃見一仙人青巾白袍坐白龜碧蓮葉上  
龜則動搖其尾家人百壽曰乃圖畫中王公

致六

九

也急備香火莫不禮敬忽見真人回身側卧  
東南去矣先生作滿庭芳以記之邑人模於  
石上萊陽請先生赴遊仙觀議行醮事十二  
月中旬先生報云後三相見至二十二日重  
陽降世之辰先生令于知一舞歸朝歡仰首

而視乃見重陽師真與和公師叔立於空中  
冉冉然先生曰堂堂歸去也作箇快活仙又  
云正到崢嶸處爭如拂袖歸呼弟子劉真一  
告之曰汝等要作神仙豈爲容易若遇魔難  
慎勿退怠謹而愈謹然後可得領吾此言不  
可忘也遂東首而卧謂衆曰我開眼也見合  
眼也見元來見不在眼心中了然則無所不  
見與門人談笑夜將二鼓風雨大作雷震一  
聲先生枕肱而羽飛矣酒稅監郭復中聞扣  
門甚急出而視之即先生也引入共話索紙



書頌曰長年六十一在世無人識平地一聲  
雷浩浩隨風起良久告別趨而去之鄉人有  
劉錫者是夜見屋隙間明如然炬遲明視之  
見紙一幅用竹竿取下乃四句詩云三陽會  
裏行功圓風馬乘風已作仙勸汝伏降龍共

虎自然有分亦昇天後題先生諱字急投火  
中焚之滿家如旃檀之馨少頃人報云昨夜  
先生羽化矣方知郭復中與劉錫所見者陽  
神也凡經七日神色儼然葬於遊仙觀初東  
華庵有松數十株枝葉皆變白色先生曰此

松之白殆爲我歟甲辰年正月十八日巳午  
間進士劉紹祖等見空中鸞鶴徘徊雲霞變  
化重陽真人雲冠絳服丹陽先生三髻素衣  
現于雲表移時方去五月十二日巳亥之晚  
先生忽現於應仙橋之西北仙童侍側少頃

致六

+

爲寒雲所掩當時于信等二十一人皆見其  
事先生葬後邑人常疑陝西徒衆盜去仙骨  
至乙巳年正月二十四日縣宰劉公出棺視  
之容貌若生肢體柔軟乃櫛髮更衣四方聞  
之爭爲瞻禮輪蹄絡繹至九月復以石槨葬



之所有分梨十化漸悟精微摘微三寶行化  
金玉等集刊行於世味其文義皆貫通三教  
囊括五行酬今和古託物喻人玄談妙理視  
蓬島如目前智劍慧刀逐三尸於身外遵之  
則遷善遠罪悟之則入聖超凡豈小補哉

贊曰首遇重陽先明九轉十度分梨暗傳  
消息六回賜芋別有機關通一氣未生之  
前指五行不到之處幹開玉戶透入金門  
燦日月於壺中聚雲霞于鼎內屢脫半州  
之產頂分三髻之髻數十年卧雪眠霜幾

萬里遊山涉水七朶金蓮最先放徹五篇  
秘語獨自傳來霹靂一聲不負紅霞之約  
因緣萬劫還歸碧落之遊啓迪全真發揮  
玄教者也張神童詩云海上文章第一儒  
重陽曾向醉中扶古今多少修真者應比

致六

十一

先生一箇無

金蓮正宗記卷之三







金蓮正宗記卷之四

致七



金蓮正宗記卷之四

致七

林間羽客樗櫟道人編

長真譚真人

先生諱玉字伯玉譚其姓也世居寧海爲人  
慷慨識度不凡孝義傳家甚爲鄉里所重適  
大定丁亥冬風眩癱瘓纏綿不解鍼藥甚多  
皆莫能效聞重陽先生來自終南方在宜甫  
馬君宅中間居扶杖往謁將求治療之法先  
生扃戶不納公乃堅守終夕剥啄不已門忽  
自開重陽大悅以爲仙緣所契乃召之同食

而寢談話親密過於故交比曉下床舊疾頓  
愈四體輕健奔走如飛方知重陽之爲異人  
也輒拋棄產金如視糞壤乞侍左右終身不  
退乃賜之法名曰處端字曰通正號曰長真  
子焉贈詩云超出陰陽造化關一心向道莫

致七

回還清虛本是真仙路只要安居養內顏先  
生既受師訣滅人我絕思慮戴青巾穿紙布  
大定戊子歲辭親戚別鄉黨從祖師左右南  
遊汴梁朝叅夕請多得玄旨比及三年祖師  
乘雲而朝元矣乃以仙骨西歸劉蔣葬之以



禮厥後遁跡於伊洛之間調神鍊氣雖託宿  
紅衢紫陌花林酒陣之間心如土木未嘗動  
念雖萬兩黃金未嘗爲之折腰因循漂泊至  
水南朝元宮以爲朗然子鍊丹之地故愛而  
不捨自後門衆大集尚駸駸然乞食不已曾

過招提就禪師處乞殘食禪師大怒以拳毆  
之擊折兩齒先生和血咽入腹中傍人欲爲  
之爭先生笑而稽首殊不動心由是名滿京  
洛平昔好書龜蛇二字習而不已妙將入神  
有飛騰變化之狀奉道信士多收藏之以爲

珍寶後府中火災延燒數百家

二字者

皆免一旦戒門人曰重陽師真

蓬萊

之約今將往矣言訖五色祥雲繚繞庭際青

鸞白鶴翱翔往來於是首東面南枕肱而蛻

骨焉時四月初一日也所有應世歌詠近數

致七

二

百首目之曰水雲深明鉛汞沂流之道大行  
於世

贊曰長真老仙寧海豪士與三髻以同學  
拜重陽而受盟一夕之清談未終數年之  
痼疾頓愈抵千金而不顧挂百衲以甘貧



鍊氣調神幾載長遊於洛下歸根復命半  
生不返於山東鎮百怪以潛形龜蛇兩字  
握二儀而在手龍虎九還正逢丹桂之芬  
芳又值金蓮之爛熳鉛汞注水雲之集煙  
霞爲蓬閣之遊若非骨肉同飛形神共妙  
者其孰能與於此乎張神童詩云風火曾  
心鐵石腸正豪強裏便回光洛陽春暖神  
遊處猶有龜蛇鎮北方

長生劉真人

東萊長生真人卯金右族炎漢遺英矯矯雲

翮堂堂嶽精湖海不足以盡其舍容且斗不足  
以極其高明乃祖乃父世居武官好陰德  
樂推恩恤寒餒惠孤惻捨良田八十餘頃與  
龍興巨利以爲常住種福之根當前宋太平  
興國間朝廷嘉厥孝義旌表門閭蠲免租征

致七

三

光照連郡天不負仁自紅霞丹景中選擇其  
仙材之精明者降瑞於掖城既挺世也謹事  
孀母特以孝聞誓不婚官憎華醜榮清靜自  
守希夷若昏顧世間物無足以撼其曾中之  
誠屢辭故山欲訪異人而慈親眈眈然未之



許也大定己丑之春忽於鄰居壁間人所不  
能及處見揮灑二頌而墨跡尚新不留姓名  
其末句云武官養性真仙地須有長生不死  
人先生歡賞其筆力遒勁疑神物之所化成  
而未能決其信情是歲九月霜寒露清重陽  
祖師杖屨西行携丘譚馬三仙之英度海島  
歷山城先生聞之竭蹶而趨香火而迎祖師  
顧而笑曰壁間墨痕汝知之乎三子者亦相  
視而冰哂方悟其頌乃神通變現之所以相  
驚也於是鏤肝薦誠刻骨效盟負几杖執巾

瓶左右惟命死生自程祖師愛其殷勤美其  
專精顧其神采之不群乃歎曰松之月竹之  
雪故不受於黃塵贈之詩曰釣罷歸來又見  
黿已知有分列仙曹鳴榔相喚知予意濯出  
洪波萬丈高仍取壁間語意以長生爲之號

處玄爲之諱通妙爲之字時方弱冠之明年  
也丘劉譚馬之名充塞乎九野與八紘遊汴  
梁寓夷門乞食鍊形隱姓埋名朝叩暮請行  
薰坐蒸委曲而挑幹玄機丁寧而啓迪丹經  
掃惑雲泮迷冰祖師既盡付其四象五行乃



遺物離人而退藏于天所謂得知友而赴蓬  
瀛也四子乃負仙骸報洪恩叩咸陽歷華陰  
寧神於劉蔣舊廬之垌四子之志各異先生  
獨遁跡於洛京鍊性於塵埃混合之中養素  
於市鄽雜沓之藂管絃不足以滑其和花柳  
不足以撓其精心灰爲之益寒形木爲之不  
春人饋則食不饋則殊無愠容人問則對之  
以手不問則終日純純定力圓滿天光發明  
乃遷居於雲溪之濱門人爲之穿洞室於巖  
垠忽遇古井寒泉泠泠衆駭其異先生笑曰

不遠數尺更有二井乃我宿生修鍊之所經  
營也鑿之果然迄今洞宮號爲三泉逮丙申  
歲復還武官往拜母氏相見甚歡卜太基之  
陰麓建靈虛之祖堂手植檜栢蒼翠成行居  
無何鄉里誣告先生殺人輒不辭而就縛坐  
狴犴者近將十旬純陽祖師聽玉漏駕蒼麟  
下碧霄入幽圖就枷尾付管城教之習文後  
殺人者自首先生得以免縲紲之刑比其出  
也翰墨絕妙有龍蛇飛舉之形大定戊申主  
醮于昌陽綵雲覆壇白鶴舞庭是歲也秋旱



如焚復披禱雨之誠既登厥壇四望無雲曰  
來朝已午之交當有甘澍如傾言出有徵如  
影響之應形聲自後東州醮壇獨師主盟必  
有祥風泠泠捲楮幣而上騰其感應也如神  
迄今諸郡石刻猶存至承安之三年也章宗

致七

五

聞其道價鏗錡乃遣使者徵之以鶴板蒲輪  
接於紫宸待如上賓賜以琳宇名曰修真宮  
寮士庶絡繹相仍戶外之屨無時不盈明年  
三月乞還故山天子不敢臣額賜靈虛寵光  
祖庭迨癸亥歲二月中春初六吉辰鳴鼓集

衆告之以閬苑之行曲眠左肱脩然返真样  
光氤氲瑞氣紛綸所有遺文仙樂太虛盤陽  
同塵安閑修真仍注道德演陰符述黃庭奧  
涉理窟條達聖真足以爲萬世之規繩

贊曰長生老仙主張化權吞虛無吐自然

乘紫雲而下游碧海之邊遇甲子天元之  
會契重陽多劫之緣撞百關通九泉驅四  
獸耕三田坐洛陽之市井鑿雲溪之洞天  
融白雪以成粉熟玄霜而不煙聲名簞鼓  
於鳳州光華照耀於金蓮構靈虛之紺宇



拜朝廷之紫宣還斷東萊之宿債然後骨肉都融遊宴八騫也張神童詩曰蓬萊深處了天真一點靈明迥出塵高卧東風歸去後靈虛閑鎖碧堂春

長春丘真人

真人諱處機字通密號曰長春子家世棲霞最爲名族敏而強記博而高才眉宇閑曠舉措詳雅善相者言足下有龜文必爲帝王師年未弱冠酷慕玄風非長生久視之說不道也非騷鸞跨鳳之語不詠也大定丁亥春聞

重陽在崑崙山煙霞洞竭蹶而往摳衣請教  
重陽見而愛之與語終夕玄機契合故贈之  
詩云細密金鱗戲碧流能尋香餌會吞鈎被  
予緩緩收綸線拽入蓬萊永自由先生拜而  
受之旦夕親侍左右甘洒掃之役迤邐從師

致七

六

東別海山南遊汴梁歲月既久志氣彌堅師  
資之道過於膠漆玄關妙捷多所啓明一旦  
祖師赴蓬壺之約遺物離人而入於天矣大  
葬禮畢西遊鳳翔乞食於磻溪太公垂釣之  
所戰睡魔除雜念前後七載脇不占席一簑



一笠雖寒暑不變也人呼爲蓑衣先生妙合  
虛無理通玄奧復歸劉蔣以爲先師舊隱之  
地戀戀不能捨去大定戊申春二月世宗聞  
其名遣使召赴闕所賜甚厚待詔於天長觀  
久之奉勅主行萬春醮事逮四月朔以中旨  
住持全真堂仍御書篆額五月初一日召見  
於長松島秋七月十日再召見剖析天人之  
理演明道德之宗甚愜上意應制獻瑤臺第  
一層曰寶運龍飛當四海群仙降跡時萬機  
多暇三靈協贊不動槍旗玉樓金殿廣間月

臺風榭臨池靜無爲泛綵舟鳴棹涼簟枰碁  
深惟前王創業太平難遇道難期會逢天祐  
遐荒入貢玄教開迷坐朝垂聽暇伴赤松談  
論希夷勝驅馳向人間一度天外空歸上覽  
之大悅薄暮言歸翌日遣中使賜桃一盤先

致七

七

生不食茶果已十有餘年以其聖恩過厚強  
餐一枚至中秋得旨還山仍賜錢十萬表而  
辭之逮己酉歲二月鶴駕出燕臺抵關陝間  
忽聞哀詔下先生歎曰嗚呼生死之大貴爲  
萬乘富有四海不能終於百年若之何哉遂



浩然有西歸之志度函谷歷終南隨方闡化  
玄風爲之或然明昌之改元也東還海上歸  
隱棲霞修建壇宇比及戊辰歲道價鴻起名  
滿四方天子嘉之勅賜爲太虛觀仍加賜玄  
都寶藏六千餘卷以爲常住居無何兵革滿  
河朔間宋使洎金使各持詔來宣同日北方  
大蒙古亦使便宜劉仲祿來宣人皆以爲師  
當南行蓋南方奉道之意甚厚而北方則殺  
戮大過況復言語不通而我師不言但選門  
人之可與共行者得一十八人同宣差劉仲

祿西行過薊至德興府寓於龍陽觀以詩寄  
燕京諸友云十年兵火萬民愁千萬中無一  
二留去歲幸逢慈詔下今春須索冒寒遊不  
辭嶺北三千里仍念山東二百州窮急漏誅  
殘喘在早教身命得消憂過白骨旬陰風積

雪寒入骨髓險阻艱難備嘗之矣乃作長篇  
古調以記行色云金山東畔陰山西千巖萬  
壑攢深溪溪邊亂石當道卧古今不許通輪  
蹄前年軍興二太子修道架橋徹溪水今年  
吾道欲西行車馬喧闐復經此銀山鐵壁千



萬重爭頭競角誇清雄日出下觀滄海近月  
明上與天河通叅天松如筆管直森森動有  
百餘尺萬株相倚鬱蒼蒼一鳥不鳴空寂寂  
羊腸孟門壓太行比斯大略猶尋常雙車上  
下苦敦擷百騎前後多驚惶天池海在山頭

致七

上百里鏡空含萬象懸車束馬西下山四十  
八橋低萬丈河南海北山無窮千變萬化規  
模同未若茲山太奇絕磊落峭拔如神功我  
來時當八九月半山已上皆爲雪山前草木  
暖如春山後衣衾冷如鐵西行數萬里凡所

見山形水勢奇人怪物不與中國同者甚多  
是時成吉思皇帝方守算端國未下宣差劉  
仲祿乃以師見帝勞之曰他國徵聘皆不應  
命遠逾萬里而來此間朕甚嘉之對曰山野  
奉詔而起者天也非人力之所爲也上賜之  
食食畢問曰真人遠來有何長生之藥以資  
朕乎師曰但有衛生之道而無長生之藥上  
愛其誠實由是每日召見即勸之少殺戮減  
嗜慾前後數千言耶律晉卿方爲侍郎錄其  
言以爲玄風慶會錄皇帝皆信而用之問鎮



海曰真人當以何爲號鎮海奏曰有人尊之  
曰父師者有曰真人者有曰神仙者上曰從  
今已往可以神仙號之至癸未春首奉旨以  
甲騎數千送還燕京勅改天長觀爲長春宮  
更修白雲觀合而爲一以北宮萬歲山太液

致七

九

池并賜之改爲萬安宮詔天下出家善人皆  
隸焉仍賜之以金虎符便宜行事前後所受  
詔勅甚多師既住持長春宮而教化大行全  
真之道翕然而興主持醮壇祈風禱雨刻期  
不差如影響焉千門萬戶莫不歸向師方道

遙自得凡午齋之餘必以數騎往遊萬安宮  
翫山溪之富盛樂禽魚之蕃息日凡一往將  
暮則歸歲在丁亥六月二十有三日因疾不  
出人報已午間雷雨大作太液池之南岸崩  
裂水入東湖聲聞數十里黿鼉魚鼈盡去池  
遂枯竭北口山壁自摧師聞之笑曰山摧池  
枯吾將與之俱乎七月初四日師謂門人曰  
昔丹陽嘗授記於予云吾沒之後教門大興  
四方往往化爲道鄉公正當其時也住持大  
宮觀皆勅賜名額仍有使者佩符乘傳此時



乃功成名遂歸休之時也丹陽之言一一皆  
驗吾歸無遺恨矣既示疾九日午後一刻昇  
寶玄堂留頌云生死朝昏事一般幻泡出沒  
水長閑微光現處跳烏兔玄量開時納海山  
揮斤八紘如咫尺吹噓萬有似機關狂辭落

筆成塵垢寄在時人妄聽間遂歸葆光堂相  
相然蝶化矣是時有青鸞白鶴徘徊上下瑞  
氣瀰漫仙音繚繞乘空而去官寮士庶靡不  
瞻拜殯於白雲觀之處順堂焉三年之後啓  
棺更衣手足如綿顏采如生所有歌詩雜說

書簡論議直言語錄曰磻溪集鳴道集西遊  
記近數千首見行於世

雪峯贊曰乾坤作堂屋日月爲燈燭棲霞  
一老仙俯仰於中宿對衆口談天語句噴  
冰玉開啓玄微機潛享高穹祿煨煉神何

致七

+

清神光炫二目起立身何輕清風生健足  
大道興不興到處人心服金丹成未成白  
雲滿巖谷

贊曰僕嘗遊燕臺見三人相與論丘仙翁  
之功德其一人曰我以為磻水溪邊七年



苦志寶玄堂上數載流光鍊金丹太藥之  
基種火棗交梨之樹出神入夢斡地回天  
此功德之最大者也其一人曰非也我以  
爲修宮立觀傳教度人開全真七朵之蓮  
種無影三花之樹受簪冠者半天下談道  
德者匝世間無人不飲於重玄有物盡濡  
於至化此功德之最大者也其一人曰乃  
二公之所說見其小不見其大得其麤不  
得其精取太山之半拳拾鄧林之一葉也  
我則以爲當蒙古之銳兵南來也飲馬則

黃河欲竭鳴鏑而華嶽將崩玉石俱焚賢  
愚並戮尸山積而依稀犯斗血海漲而髣  
髴彌天赫威若雷無赦如虎幸我長春丘  
仙翁應詔而起一見而龍顏稍霽再奏而  
天意漸回詔順命者不誅許降城而免死

致七

十二

宥驅丁而得贖放虜口以從良四百州半  
獲安生數萬里率皆受賜所謂展臂拒推  
峯之嶽橫身遮潰岸之河救生靈於鼎鑊  
之中奪性命於刀鋸之下不啻乎百千萬  
億將逾於秭穰京垓如此陰功上通天意



固可以碧霄往返白日飛昇又何用於九  
轉丹砂七還玉液者也張神童詩云磻溪  
鍊就九還砂道德文章第一家三島有期  
應去也至今鸞鶴唳棲霞

金蓮正宗記卷之四







金蓮正宗記卷之五

致八

金蓮正宗記卷之五

致八

林間羽客樗櫟道人編

玉陽王真人

先生諱處一號曰玉陽子王其姓也家居寧海之東年幼喪其父事母至孝體貌魁梧爲

兒童時不雜嬉戲好誦雲霞方外之語七歲遇東華教主授以長生久視之訣年一十有四歲也偶步山間見一老翁坐於盤石之上呼之使來摩其頂而謂之曰汝他日必揚名於帝闕當與玄門作大宗師言畢乃起曳杖



而行先生從而不捨啓曰公何人也答曰我  
乃玄庭宮主也回首不知所在自茲之後語  
言放曠不與世合行止顛狂適大定春二月  
中因暇日遊宴至范明叔之遇仙亭乃見終  
南山重陽祖師在焉祖師觀其骨格非凡乃

致八

曰汝肯從吾否乎先生曰僕所願也敢不唯  
命遂侍左右與丘劉譚馬定爲莫逆之交修  
真秘訣靡不窮討祖師呼而告之曰文登縣  
鐵查山雲光洞是汝登真之所可以往居幸  
無怠懈汝之名號他日吾與汝送去先生於

是拜辭而歸隱於洞中至四月間祖師將遊  
龍泉借范明叔傘以蔽日丘劉譚馬先行祖  
師在後可半里許忽擲傘於空中飄飄然起  
西北而飛不知所往丘劉輩驚反走而問其  
所由曰傳扶搖而上不知所以然也自辰至  
晡傘乃墮於雲光洞前擊破其柄中有道號  
曰僉陽子名處一僉音竹篇韻中本無此字  
蓋祖師之所撰也字作七人表金蓮七朶之  
數大約擲傘處與雲光洞相去二百餘里先  
生得之他日來謝祖師贈之詩云修行事理



記丁寧只要心中靜裏明眼界不生龍自住  
鼻門無閉虎常停舌根退味心神爽耳內除  
聲腎水清南北混融歸一處東西交媾滅三  
彭木金廝叔盤桓住嬰姤相隨自在行結作  
金丹出頂上五光射透彩雲棚先生拜而受  
致八  
之從此之後往來於登寧之間夜則歸於雲  
光洞口偏翹一足獨立者九年東臨大海未  
嘗昏睡人呼爲鐵脚先生丘真人贊之曰九  
夏迎陽立三冬抱雪眠如此鍊形九年而入  
於大妙順行逆行或歌或舞出神入夢接物

利生適大定戊申歲世宗聞其道價甚高仍遣使以幣聘之遂赴闕僧徒懷嫉妬心多輸金於中使以爲先生非真仙也醵酒可以驗之上以爲然乃賜之三杯先生飲訖殊不煩躁終莫能害上乃驚謝賜之金冠法服駟馬安車勅建全真堂以居之仍御書額己酉歲清明後五日得中旨還故山復賜之金帛鉅萬表而辭之逮承安三年秋八月章宗詔求隱逸召至闕下朝於便殿應對如流天子大悅勅賜體玄大師躬修真觀以居之泰和壬



戊歲勅赴亳州太清宮主行普天醮事萬鶴  
翱翔太上現於雲中面赭於日先生有詩云  
聖感傳宣出洞天金門演教慶無邊東方雲  
海玉陽子特受皇恩第四宣自此之後還歸  
雲光洞度道士者千餘衆東牟有遲金者豪

致八

三

家也待師甚厚一旦忽冒風邪百醫不能療  
遂不起先生憫之即令煮青魚五十尾以餅  
捲而餐之既飽而起行步如飛一方駭然望  
風從化師乞食至登州福山縣見潘山人身  
歿將葬以手拋兩耳喝言地府不得收須臾

即起飲啖自若其子多以財貨謝之先生微笑拂袖而去方在寧海時二兇徒欲加害於先生各持杖邀師同飲俟醉而共加捶焉未及其酣二人自相毆擊其中痛而死觀者驚惶以爲必多相累無所逃竄先生即大呼曰東嶽不得收須臾即甦衆憂遂解行至濟陽縣告法名者甚多將及三鼓先生濡毫落紙書作賊人二字復厲聲言有賊衆皆出門見執兵器者數人驚惶逃竄不知所往聖水洞前有巨石斜出可數丈許遊歷者頗以爲



懼衆議去之鎚鑿俱興數日擊毀百分未及  
其一師笑而往運鎚三擊聲若雷霆石已墜  
矣仍有紫煙罩滿巖谷三日方散大定丙午  
歲重陽降跡之日丹陽飛骨之期先生赴琅  
琊村誘化船戶盡焚魚網遂感海市現於東

南重樓翠阜貝闕珠宮驚駭數郡因借東坡  
韻書一篇文多不載以至禱龍即雨烹雞復  
還漏瓶注酒枯槲生枝不可備錄逮貞祐丁  
丑歲四月二十三日有五色雲自東南來二  
青衣捧詔而下旌幢蔽天衆皆瞻禮先生告

門人曰三日已前衆聖皆至言訖焚香朝禮  
十方索筆書頌云躍出乾坤造化權神光晃  
朗遍諸天飄飄鶴馭超三界喜受金書玉帝  
宣落筆而卧奄然返真祥光溢於山谷瑞氣  
覆於川原數日不散平生所集歌詩近千餘

致八

四

首目之曰清真集雲光集盛行於世

贊曰鍊精玉陽韜光聖水竹傘柄中暗傳  
名號鐵查山下多做工夫三冬抱雪以安  
眠九夏迎陽而竚立故能混南北而歸一  
處媾東西而滅三彭累遭仙聖之傳言四



感帝王之降詔飲鵠酒而容光不改焚魚  
網而海市橫空潘公已死聽三喝以重甦  
遲老久癰賜一餐而再起童子出從於鑪  
內老君高顯於雲端手舉鐵錘巨石已聞  
於落澗口傳玉訣羣山竟見於搖峯無根  
檪上枝葉重生沒底壺中酒醪不漏鶴降  
而壇前屢舞雞烹而架上重鳴盜者執兵  
而反逋兇徒舉杖而自毆躍出乾坤之造  
化斡回日月之機關席下門徒親度者數  
千百衆平生手段共傳者三十六端故能

受玉帝之宣赴金蓮之會也張神童詩云  
名高曾受帝王宣感得金書賜體玄道德  
已成神已化鐵查山水依然

廣寧郝真人

先生諱璘號恬然子自稱太古道人家世寧

致八

五

海歷代遊宦先生朝列之從弟也事母至孝  
資質豐美不慕榮仕深窮卜筮之數黃老莊  
列未嘗釋手凡遇林泉幽寂之地則徘徊而  
終日忘返大定丁亥秋貨卜於市士大夫環  
列而坐重陽最後至背面而坐先生曰何不



回頭重陽曰只恐先生不肯回頭先生頗驚  
遽起作禮邀赴他所閒話往來問答如石投  
水先生獻詩云同席諸君樂太古未明黑白  
希夷路今朝得遇達人吟伏望先生垂玉句  
重陽答曰口愛郝公通上古口談心甲神仙  
路足間翠霧接來時日要先生清靜句先生  
覽之得意而歸至來年戊子歲三月中專往  
崑崙山煙霞洞焚香敬謁甘洒掃之役重陽  
乃賜之法名曰大通號曰廣寧子與丘劉譚  
馬同侍左右逮七月間重陽令諸弟子皆歸

寧海惟丘公侍側不數日復命丘公往呼太古既至乃告之曰我有布衲剪去兩袖我要替背與汝過冬自綴袖去先生拜而受之蓋象古人傳衣之法也自是之後重陽南歸汴梁先生往來河北乙未歲乞食於沃州方悟

重陽密語渙然開發遂往橋上默然靜坐饑渴不求寒暑不變人饋則食不饋則否雖有人侮狎戲笑者不怒也志在忘形如此三年人呼爲不語先生一夕天色昏冥偶醉者過以是蹴先生於橋下默而不出者七日人不



知者以爲先生何往忽值客官乘馬將過而馬驚躍捶之不進客遂墮馬問左右曰橋下必有怪事不然何吾馬之驚也命左右往視之則一道者奄然正坐問之則不語以手畫地曰不食七日矣州民間之爭往饋食焚香

致八

六

請出但揺手不應只於橋下復坐三年水火顛倒陰陽和合九轉之功成矣乃忻然而起杖屨北遊盤桓於真定間往來請益者不知其數大興宮觀昇堂誘化玄風爲之熾盛以悟南柯示衆云地肺重陽子崑崙太古仙二

人結約未生前托居凡世飛下大羅天共闡  
玄元教行藏度有緣奈何不悟似流泉別後  
相逢再約一千年自明昌後復歸東州別建  
琳宇多度門衆預於三年以前命匠者鑿爲  
地宮甃之以甃日凡一徃偃息其中告之曰  
臘月三十日打算如是三年法體康健語門  
人曰師真有蓬萊之約吾將歸矣言訖卧而  
返真正當臘月三十日也享春秋者八十有  
四平生歌頌深明龍虎顛倒之說牽引卦爻  
升降之數目之曰太古集大行於世



贊曰廣寧道人窮探易象憎俗態而頓拋  
妻子慕玄風而喜受簪冠歸隱於煙霞洞  
中恭禮於重陽席下工夫展轉手段施呈  
茂揚太古之精華吸盡全真之骨髓按龜  
蛇而交結運龍虎以盤旋寧海市中暗得

致八

七

傳衣之妙沃州橋下堅持鍊氣之功身外  
觀身口中安口三彭滅而水火顛倒四氣  
流而鉛汞調和自然九轉丹成三華果結  
卒赴蓬壺之舊約預占臘月之盡期若非  
跡寄人間心通象外者其孰能與於此乎

張神童詩云處市居山任自然靜中叅透  
易中玄而今醉卧蓬萊上萬古人傳太古  
仙

清靜散人

仙姑者孫忠翊之幼女也家世寧海初母夢  
七鶴毳毼舞於庭中良久六鶴飛去獨一鶴  
入于懷中覺而有娠乃生是女性甚聰慧在  
閨房中禮法嚴謹素善翰墨尤工吟詠既笄  
適馬氏生三子皆教之以義方適大定丁亥  
冬重陽先生來自終南馬宜甫待之甚厚仙



姑未之純信乃鎖先生於庵中百有餘日不  
與飲食開闔視之顏采勝常方始信奉仍出  
神入夢種種變現懼之以地獄誘之以天堂  
十度分梨六番賜芋宜甫遂從師入道仙姑  
尚且愛心未盡猶豫不決更待一年始拋三

子竹冠布袍詣本州金蓮堂禮重陽而求度  
先生贈之詩曰分梨十化是前年天與佳期  
本自然爲甚當時不出離元來只待結金蓮  
仍賜之法名曰不二道號曰清靜散人授以  
天符雲篆秘訣而已重陽乃南歸汴梁而委

蛻馬丘劉譚馬負其仙骨歸葬終南仙姑聞  
之迤邐西邁穿雲度月卧雪眠霜毀敗容色  
而不以爲苦逮壬辰之春首亦抵京兆趙蓬  
萊宅中與丹陽相見叅同妙旨轉涉理窟丹  
陽乃贈之以鍊丹砂曰奉報富春姑休要隨

致八

八

予而今非婦亦非夫各自修完真面目脫免  
三塗鍊氣莫教麤上下寬舒綿綿似有却如  
無箇裏靈童調引動得赴仙都仙姑謝而受  
之相別東西各處一方鍊心環堵七年之後  
三田返復百竅周流遂起而東行遊歷洛陽



勸化接引度人甚多一旦書卜算子云握固  
披衣候水火頻交媾萬道霞光海底生一撞  
三關透仙樂頻頻奏常飲醍醐酒妙藥都無  
頃刻間九轉丹砂就書畢告門人曰師真有  
約各赴瑤池仙期至矣沐浴更衣問左右曰  
天氣早晚皆對曰卓午矣遂結跏趺奄然端  
坐而處順焉顏色如生香風滿室瑞氣繚繞  
低覆原野終日不散時壬寅年十二月二十  
九日也當此之際丹陽方居寧海環堵之中  
仰而視之見山姑乘五色祥雲飄飄然在空

懸之中笑而言曰吾先歸蓬閬矣丹陽聞之  
拂衣而起舞因作醉仙令以自慶云

贊曰不二名高守一功大降自富春之族  
生從忠翊之家配丹陽超世之才殖寧海  
半州之產割愛頓拋於三子投玄徃拜於

致八

九

重陽毀光容而西度終南冒風霜而東離  
海上七年環堵鍊成九轉丹砂一句真詮  
撞透三關正路六回賜芋十化分梨栽培  
劫外之因緣反復壺中之造化養胎仙而  
心遊汗漫委蛻殼而身到蓬萊大矣哉懋



矣哉獨分一朵之金蓮得預七真之仙列  
者也張神童詩云洗盡胭脂兩臉霞十年  
辛苦種黃芽功成穩跨青鸞背開到金蓮

第七華

金蓮正宗記卷之五

終







金蓮正宗仙源像傳



金蓮正宗仙源像傳序

致九

李全正携至劉天素與謝西蟾所作金真正  
宗仙源像傳一帙余讀而善之稽首爲之贊  
天啓玄風青牛西度微言五千無極道祖傳  
之東華爰及鍾呂既投一錢復遇二士竒哉  
七蓮景星甘露禮重雪山化被中土世遠言  
存道無今古像而傳之若聞若覩黃鶴悠悠  
白雲何許素書一編沈煙一縷天上人間桃  
花流水時泰定丁卯春嗣天師太玄子書于  
玄德堂



大道之妙有非文字可傳者有非文字不傳者此仙源像傳所以作也惟我全真自玄元而下五祖七真道高德厚化被九有長春丘祖師萬里雪山玄風大闡此固不待文字而後傳然其事蹟之詳未易推究余每欲緝一

致九

全書紀之一日以此意爲西蟾先生言之西蟾欣然稱善乃相與博搜傳記旁及碑碣編錄數年始得詳悉乃圖像於前附傳於後名曰全真正宗仙源像傳同志之士覽之者因其所可傳求其所不可傳則是書不爲無補

若其猶有未備幸有以教之時泰定丙寅陽  
至日廬山清溪道士劉志玄謹序

金蓮正宗仙源像傳

元太祖成吉思皇帝召丘神仙手詔

制曰天眷中原驕華太極之性朕居北野嗜  
慾莫生之情反朴還淳去奢從儉每一衣一  
食與牛豎馬圉共弊同饗視民如赤子養士



若弟兄謀素和恩素畜練萬衆以身人之先  
臨百陣無念我之後七載之中成大業六合  
之內爲一統非朕之行有德蓋今之政無恒  
是以受天之祐獲承至尊南連炎宋北接回  
紇東夏西夷悉稱臣佐念我單于國千載百

致九

二

世以來未之有也然而任大守重治平猶懼  
有闕且夫剡舟剡楫將欲濟江河也聘賢選  
佐將以安天下也朕踐祚以來勤心庶政而  
三九之位未見其人訪問丘師先生體真履  
規博物洽聞探賾窮理道冲德著懷古君子

之肅風抱真上人之雅操久棲巖谷藏身隱  
形闡祖師之遺化坐致有道之士雲集仙經  
莫可稱數自干戈而後伏知先生猶隱山東  
舊境朕心仰懷無已豈不聞渭水同車茅廬  
三顧之事奈何山川懸闊有失躬迎之禮朕  
但避位側身齋戒沐浴選差近侍官劉仲祿  
備輕騎素車不遠千里謹邀先生暫屈仙步  
不以沙漠悠遠爲念或以憂民當世之務或  
以恤朕保身之術朕親侍仙座叙惟先生將  
咳嗽之餘但授一言斯可矣今者聊發朕之



微意萬一明於詔章誠望先生既著大道之  
端要善無不應亦豈違衆生小願哉故茲詔  
示惟宜知悉 五月初一日

元世祖皇帝褒封制詞

皇帝若曰大道開明可致無爲之化至真在

致九

三

宥迄成不宰之功朕以祖宗獲承基構若稽  
昭代雅慕玄風自東華垂教之餘至重陽開  
化之始真真不昧代代相承有感遂通無遠  
弗届雖前代累承於褒贈在朕心猶慊於追  
崇乃命儒臣進加徽號惟東華已稱帝君但

贈紫府少陽之字其正陽純陽海蟾重陽宜  
錫真君之名丹陽已下七真俱號真人載在  
方冊傳之萬世噫漢世之張道陵唐朝之葉  
法善俱錫天師之號永爲道紀之榮當代不  
聞異辭後來立爲定制朕之所慕或庶幾焉

東華教主可贈東華紫府少陽帝君

正陽鍾離真人可贈正陽開悟傳道真君

純陽呂真人可贈純陽演正警化真君

海蟾劉真人可贈海蟾明悟弘道真君

重陽王真人可贈重陽全真開化真君



丹陽先生馬鈺可贈丹陽抱一無爲真人  
長真先生譚處端可贈長真雲水蘊德真人  
長生先生劉處玄可贈長生輔化明德真人  
長春先生丘處機可贈長春演道主教真人  
玉陽先生王處一可贈玉陽體玄廣度真人

廣寧先生郝大通可贈廣寧通玄太古真人  
清靜散人孫不二可贈清靜淵貞順德真人  
宜令掌教光先體道誠明真人張志敬執行  
准此 至元六年正月日

武宗皇帝加封制詞

上天眷命皇帝聖旨三玄教由天所畀茲統  
攝乎群靈五百年名世者生始恢揚于正紀  
昔東華帝君太晨宮祚綿綿而莫知其始終  
氣混混而莫窮其涯涘離形離兆有自而然  
為福為祥不言而喻傳之太上是曰全真守

致九

其一處其和應不求為不恃絳格琅虬之上  
下龜圖麟策之周旋法之著号可存於浩劫  
後之承者迭出于高真惟古之賓師有今之  
明素能仁能勇至孝至貞所守彌堅不待歲  
寒而後見所言必應其於事會則周知及身



之渥已申報本之誠愈切溫綸特降顯號循  
加於戲神人和而王道平遐不謂矣教化行  
而治功立永言保之可加贈東華紫府輔元  
立極大帝君主者施行 至大三年二月日  
上天眷命皇帝聖旨昔聞太上教闡全真法  
天地之常經因陰陽之大順始自東華之變  
現訖于開元之垂緣由漢及唐必曠世而至  
人出以金繼宋際熙朝而玄統彰恢其衆妙  
之門鎮以無名之卦或得意忘象涵泳於靈  
樞或騁星馭龍飛遊於紫極不可聞不可見

雖與造物者爲徒脩然往脩然來亦曰隨時  
而示應故載傳於後裔猗叶贊于元功盍殊  
級之循加俾宗風之永紹除始祖東華帝君  
別議旌崇餘仰主者一例施行

正陽開悟傳道鍾離真君可加贈正陽開悟

致九

五

傳道垂教帝君

純陽演正警化呂真君可加贈純陽演正警  
化孚佑帝君

海蟾明悟弘道劉真君可加贈海蟾明悟弘

道純佑帝君



重陽全真開化王真君可加贈重陽全真開  
化輔極帝君

右付玄門演道大宗師掌教凝和持正明  
素真人苗道一收執准此

至大三年二月日

上天眷命皇帝聖旨天造草昧惟君子以經  
綸聖運隆昌亦至人之扶衛昔皇祖肇基於  
朔土有真仙應現於東隅行無畦畛而天下  
之事靡不知學有淵源而天下之書靡不究  
所急者拯民于溝阱所先者鋤道之榛荆律

身之戒雖嚴及物之功則溥逮芝綸之疊降  
躡雲舄以來從率英賢凡十八人言宗社非  
一二事心冥神契猶軒轅之師廣成辭簡義  
深若漢文之禮河上既成功於諸夏俾主教  
於長春其以肖以續者得其真故曰帝曰夷

而永其壽翊我延洪之祚爲今持正之師再  
振玄門彼此皆一時也爰頒鴻渥後先豈二  
理哉宜進號以追崇尚傳規于不朽其長春  
演道主教真人丘處機可加贈長春全德神  
化明應真君主者施行 至大三年二月日



上天眷命皇帝聖旨佑于一德天惟顯思作  
者七人道之行也如辰樞之運元造如璣衡  
之契靈儀誰之子象帝先盡老氏關尹之妙  
無不爲將自化行東萊西陝之間或遁跡于  
塵區或棲身于環堵迨際皇元之興運親承  
聖祖之眷知嘉猷敷陳允矣濟時之具玄機  
冲寂超乎與天爲徒莫不窮師友之淵源咸  
已詣霄晨之閭域闡乃宗規之舊繫予藩邸  
之賓弘才偉學以相承景貺靈祺之荐格其  
加顯級以賁真風除主教丘長春別示旌崇

餘仰主者一例施行

丹陽抱一無爲真人馬鈺可加贈丹陽抱一  
無爲普化真君

長真雲水蘊德真人譚處端可加贈長真凝  
神玄靜蘊德真君

長生輔化明德真人劉處玄可加贈長生輔  
化宗玄明德真君

玉陽體玄廣度真人王處一可加贈玉陽體  
玄廣慈普度真君

廣寧通玄太古真人郝大通可加贈廣寧通



玄妙極太古真君

清靜淵貞順德真人孫不二可加贈清靜淵  
貞玄虛順化元君

右付玄門演道大宗師掌教凝和持正明  
素真人苗道一收執準此 至大三年二

致九

七

月日

上天眷命皇帝聖旨昔賢有言盡忠于君致  
孝于親歸誠于天敷惠于下有才以濟其用  
有學以裕于人秩可列于仙階道可弘于當  
世清和妙道廣化真人尹志平襟神洞廓丰

格高嚴褐衣爲山澤癯非謂之悴衮服爲廟  
堂相非謂之通泛然應物以無方捷若循機  
而有永入長春之室教仍主于長春全靈極  
之真象宛符於靈極示真規于四遠膺禮眷  
于三朝粵有嗣師載恢玄躅其頒異數以進  
嘉稱於戲弱水蓬萊歸渡不煩於舟楫吉雲  
颯景方羊或駐于旌麾可加贈清和妙用廣  
化崇教大真人主者施行 至大三年二月日  
上天眷命皇帝聖旨道德正宗屢傳於賢裔  
儒玄最學間出于熙宸况教典長春冠冕登



瀛之列而躬膺睿眷網維寧極之規宜進秩  
以宗承示翰誠于景嚮真常上德宣教真人  
李志常清文映世高行絕人摘述作之華于  
檜襍之表廓神明之應于視聽之間璞不雕鏤  
行不厓異幹以淳粹含以虛無繩繩兮其可

名哉皜皜乎不可尚已號其顯畀制則特頒  
以爲全真奕葉之光以慰賢師累章之請於  
戲科盛揚於寶笈千劫而繼太晨君實燦結  
于春華再傳而得誠明子可加贈真常妙應  
顯文弘濟大真人主者施行 至大三年二月日

上天眷命皇帝聖旨無爲之宗是謂之道至  
公之器莫重于名蓋景範清彛爲人所慕而  
華軒驚冕匪樂之全跡已著于生平禮盍頒  
于眷渥通玄弘教披雲真人宋德方玄機蚤  
悟秘學窮探澡雪其心不以纖私自浼濛鴻

致九

其化不以小善自矜德全而才不形量廓而  
物無礙侶仙居而馭真伯咸稱席上之珍乘  
颿忽而歷崑崙動應環中之數勉從所請庸  
會其元於戲歲計而功有餘疇繼庚桑之偉  
躅神凝而物不癘尚微姑射之豐年可加贈



玄都至道崇文明化大真人主者施行

至大三年二月日

上天眷命皇帝聖旨唐虞至治有開奕世之  
規箕顓外臣允契登瀛之選蓋天之生材不  
虛其用而道之傳叙在得其人粵昔長春遭  
逢聖祖芝綍遠頒于東土颯輪旋扈于西征  
或後或先在左在右確然其志凌冰霜而游  
太清炳乎爲文挺圭璋而弘正紀玄功叶立  
師業益光崇茲綠字之章敦我朱藩之舊於  
戲祥麟儀鳳升乎能幾見之絳境叢霄殊渥

不一書止靈旂可駐顯號其承除尹清和宋  
披雲李真常別議旌崇餘仰主者一例施行  
趙道堅可贈中貞翊教主應真人  
宋道安可贈元明普照崇德真人  
夏志誠可贈無爲抱道素德真人  
王志明可贈熙神資道葆光真人  
孫志堅可贈明誠體妙虛寂真人  
于志可可贈誠純復朴冲寂真人  
張志素可贈應緣扶教崇道真人  
鄭志修可贈通微復靜冲應真人



鞠志圓可贈保真素朴靜應真人  
孟志穩可贈重玄廣德冲用真人  
張志遠可贈悟真凝化純素真人  
綦志遠可贈體元抱德冲悟真人  
何志清可贈虛明淵靜守一真人  
楊志靜可贈洞虛得一玄通真人  
潘德冲可贈通玄妙道冲和真人  
右付玄門演道大宗師掌教凝和持正明  
素真人苗道一收執准此

至大三年二月日

維昔祖師長春丘真君抱道懷德深隱東萊  
太祖皇帝聞風聘召遠至雪山禮遇優隆玄  
風大振迨世祖皇帝混一宇內尤加崇敬五  
祖七真咸錫徽號武宗皇帝褒以帝君真君  
之封十八大師普贈真人可謂千古盛事矣

雖崆峒問道河上談經豈能專美於往昔哉  
臣志玄生逢盛世濫忝冠裳頃年侍教主開  
玄大宗師孫真人於京師之大長春宮得覩  
列聖詔書謹錄鈐梓以示四方使見聞之有  
悉知聖朝重道之美意云



泰定元年正月望日賜紫教門高士澄虛  
湛寂洞照法師臣劉志玄稽首頓首拜書  
卷末  
混元老子

致九

十



老子姓李名耳字聃苦縣瀨鄉曲仁里人也  
母孕八十一年生於殷武丁之九年歲在庚  
辰二月十五日生而鬚髮皓白故世稱爲老  
子指李樹爲姓歷殷至周文王聘爲守藏史  
武王克殷遷爲柱下史昭王時西入流沙至  
幽王時復還中國孔子嘗問禮焉老子告孔  
子曰君子得其時則駕不得其時則蓬累而  
行吾聞良賈深藏若虛君子盛德容貌若愚  
吾所以告子若是而已孔子退謂弟子曰鳥  
吾知其能飛魚吾知其能遊獸吾知其能走



走者可以爲網游者可以爲綸飛者可以爲  
矰至於龍吾不能知其乘風雲而上天吾今  
日見老子其猶龍乎老子見周衰遂去之至  
函谷關關令尹喜善望氣見紫氣浮關知有  
聖人至乃守關候之遇老子駕青牛車將西

致九

十一

度關令尹請曰子將隱矣強爲我著書於是  
老子乃著書上下篇五千餘言授令尹而去  
世莫知所終今亳州太清宮即其故宅降生  
之地京兆鰲屋縣終南山宗聖宮即古樓觀  
授經處也老子者即太清太上老君之化也

唐高宗皇帝上尊號曰太上玄元皇帝

唐玄宗皇帝上尊號曰太聖祖高上大道玄

元皇帝

宋真宗皇帝上尊號曰太上老君混元上德  
皇帝

贊曰維昔洞神經傳十二白鹿東來青牛

西逝道法自然玄之又玄無象之象先地

先天

東華帝君





帝君姓王不知其名世代地理皆莫詳得太  
上之道隱崑崙山號東華帝君復居五臺山  
紫府洞天或稱紫府少陽君後示現於終南  
山凝陽洞以道授鍾離子又按仙傳拾遺云  
帝君蓋青陽之元氣萬神之先也居太晨之

宮紫雲爲蓋青雲爲城仙僚萬億校錄仙籍  
以稟命於老君所謂王姓者乃尊高貴上之  
稱非其氏族也斯言蓋得之歟

元世祖皇帝封號東華紫府少陽帝君

武宗皇帝加封東華紫府輔元立極大帝君

改九

十二

贊曰道繼玄元教行率土天近崑崙雲橫

紫府神中之神真中之真長生有道貽我

後人

正陽子





師姓鍾離名權字雲房號正陽子京兆咸陽人也容貌雄偉學通文武身長八尺七寸髯過於腹目有神光仕漢爲將軍兵失利遁入終南山遇東華帝君授以至道後隱晉州羊角山不與世俗接東髮爲雙髻採槲葉爲衣

自稱天下都散漢道成天真錫號太極左宮  
真人翺遊人間示現無常世人徃徃遇之嘗  
有頌云生我之門死我戶幾箇惺惺幾箇悟  
夜來鐵漢細尋思長生不死由人做有詩文  
行於世今終南山凝陽洞傳道觀即遇東華

致九

十三

帝君處咸陽周曲灣正陽宮即其故居也

元世祖皇帝封號正陽開悟傳道真君

武宗皇帝加封正陽開悟傳道垂教帝君


贊曰早遇東華以道相接日月雙鬢乾坤

榭葉花生玉蒂樹長鉛枝悠悠澧水只似



當時

純陽子



師姓呂名巖字洞賓號純陽子蒲州蒲坂縣  
永樂鎮招賢里人也生於唐德宗貞元丙子  
四月十四日年弱冠登進士第未調因暮春  
遊澧水之上遇正陽子授神仙之道後隱廬  
山修鍊成道周遊人間每稱回道士或隱或  
顯世莫能測有詩云捉得金精作命基日魂  
東畔月華西於中煉就長生藥服了還同天  
地齊嘗於邯鄲逆旅以枕授盧生又於東鄰  
沈氏家作詩以榴皮書壁其靈蹤聖跡載於  
書傳者不可勝紀世之言神仙者必宗鍾呂



其所至處後人皆建觀宇有詩詞名渾成集  
行於世今永樂鎮大純陽萬壽宮即其故居  
也

元世祖皇帝封號純陽演正警化真君

武宗皇帝加號純陽演正警化孚佑帝君

致九

十四

贊曰一劍橫秋清風兩袖道在函三丹成  
轉九蒼梧北海白雲帝鄉甘河一滴源遠  
流長

海蟾子



師姓劉名操字宗成號海蟾子燕山人也年  
十六登遼之甲科仕至上相嗜性命之學未  
究玄蘊忽有道人來謁師以賓禮延之問其  
姓名默而不答惟索雞卵十金錢一以金錢  
置按上累累疊十卵不墜師歎曰危哉道人



曰公身命俱危更甚於此師復問曰如何是不危底道人乃歛雞卵金錢擲之於地長笑而去師於是頓悟因夜宴盡碎寶器明日解相印易道衣佯狂歌舞遠遊秦川復遇前次道人授以丹訣方知是正陽子也師嘗有句

致九

十五

云拋離火宅三千口屏去門兵十萬家又有長歌云醉騎白驢來倒提銅尾揀引箇碧眼奴擔著獨胡癭自忘塵世事家住葛洪井不讀黃庭經豈燒龍虎鼎獨立都市中不受俗人請欲携霹靂琴去上崑崙頂吳牛買十角

溪田耕半頃種黍釀白醪便是神仙境醉卧  
古松陰間立白雲嶺要去即便去直入秋霞  
影師後以道妙授董凝陽張紫陽乃遁跡於  
終南太華之間不知所終有詩文行於世  
元世祖皇帝封號海蟾明悟弘道真君

武宗皇帝加封海蟾明悟弘道純佑帝君

贊曰勇脫金貂力辭相印秦川異遇終南  
高隱鳥飛兔走虎伏龍降一卮仙酎留待

重陽

重陽子





師姓王名嘉字知明號重陽子咸陽大魏村人也母孕二十四月而生生於宋徽宗政和二年壬辰十二月二十二日始名中孚字允卿易名世雄字德威後入道改今名字師美鬚髯目大於口身長六尺餘氣豪言辯膂力

過人通經史善騎射會中原多事秦隴紛擾  
師每有出塵之志乃遷終南縣劉蔣村別  
業棲隱置家事俱不問放曠自適常云昔日  
龐居士如今王害風金正隆四年己卯六月  
望日於終南縣甘河鎮酒肆中遇二人皆蓬

致九

十六

首披氈衣年貌如一師見而異之即時懇禮  
其人徐曰此子可教遂密授以道妙師有頌  
云四十八上始遭逢口訣傳來便有功一粒  
金丹色愈好玉華峯上顯殷紅其所遇者蓋  
呂純陽也明年庚辰中秋日於醴泉道中再



遇前次二仙師趨而拜之欣然共飲酒肆酒  
家叩問二仙鄉貫年姓答曰濮人也年二十  
二而不告其姓復以秘訣五篇授師俄失所  
在大定元年辛巳師於終南縣南時村作穴  
居名活死人墓四隅各植海棠一株人問其  
故答曰吾將來使四海教風爲一家耳癸未  
秋棄活死人墓與和玉蟾李靈陽結庵於劉  
蔣甲申秋復遇劉海蟾於甘河鎮飲以仙酎  
故師有詞云正陽的祖又純陽師父修持深  
奧更有真尊唯是叔海蟾同居三島師自是

不復飲酒但飲水而有醉客口中作酒香有  
詩云醒來不飲塵中酒達後惟傳世外杯從  
此白雲隨地有自然舉步到蓬萊乙酉春題  
詩於終南山太平宮壁云害風害風舊病發  
壽命不過五十八時有史處厚劉通微嚴處

教九

十七

常相繼受學爲弟子丁亥四月二十六日忽  
自焚其庵人驚救之師方舞躍而歌曰茅庵  
燒了事休休決有仁人却要修便做惺惺誠  
猛烈怎生學得我風流乃辭衆曰我東方丘  
劉譚中尋馬去也遂東出關至閏七月十八



日抵寧海州會馬宜甫問答契合乃築室於  
馬氏南園題曰全真書一長歌云堂名名號  
號全真寂靜逍遙子細陳豈用草茅遮雨露  
亦非瓦屋度秋春一間間舍應難得四假凡  
軀是此因常蓋常修安在地任眠任宿不離  
身有時覺後尤寬大每到醒來愈愛親氣血  
轉流渾不漏精神交結永無津慧燈內照通  
三耀福注長生出六塵自哂堂中心火滅何  
妨諸寇積柴薪全真之名蓋始於此九月丘  
長春自崑崙山來受學譚長真抱疾而至爲

弟子十月於庵鎖環百日日以分梨十化警  
悟宜甫夫婦分梨十化者師初鎖環之一日  
以梨一枚與宜甫啖之每六日賜芋栗各六  
枚至是月十一日分梨爲二塊令宜甫夫婦  
共食之後六日之芋栗旬日之梨爲常期也

其芋栗如初之數梨則每旬例增其一至於  
十旬而積數爲五十有五應天地生成之數  
每與必以詩頌警悟之次年戊子正月十一  
日啓環二月宜甫棄家入道王玉陽自牛仙  
山來禮師晦日師携馬譚丘王四師遊崑崙



山開煙霞洞居之三月郝廣寧受業於洞中  
八月師同弟子遷文登姜實庵立七寶會九  
年春師同馬譚丘郝四師回寧海周伯通築  
庵請師居名曰金蓮堂重午日宜甫妻孫氏  
詣金蓮堂出家八月就本堂立金蓮會州人

致九

十八

或欲寫師真師左目右轉右目左轉老少肥  
瘠形色無定竟不能狀九月至福山縣立三  
光會遂遊登州登蓬萊閣與衆觀海市忽颺  
風起人見師隨風吹入海中久之復出冠服  
皆如故觀者異之乃立玉華會遂同馬譚丘

三師至萊州劉長生棄家從道十月達掖縣  
立平等會是月携馬譚劉丘四師西遊汴梁  
寓王氏旅邸歲暮師忽書一詞辭世其末云  
這回去也一顆明珠無有價正見真修穩駕  
逍遙到岸舟明年庚寅正月初四日呼四師  
來前曰吾今赴師真之約矣復說頌云地肺  
重陽子呼爲王害風來時長日月去後任西  
東作伴雲和水爲鄰虛與空一靈真性在不  
與衆人同言畢枕肱而逝衆皆號慟師忽開  
目起坐曰何至於此汝等學道尚未悟此耶



乃以秘訣五篇付丹陽令逋相規益遂書偈  
云一姪二子一山洞連余五箇一心雄六明  
齊伴天邊月七爽俱邀海上風真妙裏頭拈  
密妙晴空面上躡虛空東西南北皆圓轉到  
此方知處處通書畢而化初師在登州時太

致九

十九

守紇石烈名邈待以師禮臨別謂師曰再會  
何時師曰南京及師僊化邈適除南京留守  
又嘗指登州望仙門外畫橋語人曰他年逢  
何必壞後一紀太守何邦彥惡橋高峻而毀  
之其未出關時嘗自畫一三髻道者與松鶴

共爲一圖付史風仙曰留此待我他日擒得  
馬來以爲勘同後丹陽入關風仙以畫像驗  
之毫髮無異其神妙若此者甚多有全真前  
後集韜光集雲中錄分梨十化說行於世今  
甘河遇仙宮即遇披氈仙處南時成道宮即  
活死人墓大重陽萬壽宮即劉蔣故庵汴梁  
大朝元萬壽宮即王氏旅邸師登真處也  
元世祖皇帝封號重陽全真開化真君  
武宗皇帝加封重陽全真開化輔極帝君  
贊曰天挺異人英邁蓋世二士既逢五篇



斯秘海棠四影金蓮七花水雲為伴稽首  
東華

丹陽子



師姓馬名鉦字玄寶號丹陽子初名從義字  
宜甫寧海州人也生於金太宗天會元年癸  
卯五月二十日昆弟五人師其次也家饒於  
財號馬半州娶州人孫忠顯女生三子大定  
七年閏七月宴於州人范明叔家怡老亭酒

致九

二

酣賦詩有醉中人扶之句忽重陽布袍竹笠  
冒暑而來徑造其席師問曰奚自重陽曰終  
南特來扶醉人師異之取瓜與重陽食重陽  
從蒂食起師怪詢其故重陽曰甜向苦中來  
又問姓名曰王害風師復叩云何名曰道重



陽曰五行不到處父母未生前師於言下有  
悟談論甚相契合請重陽還家而師之於前  
時夢南園鶴飛處築庵以居重陽重陽扁之  
曰全真十月朔重陽於庵鎖環百日日示師  
以分梨十化夜與師密談道妙次年戊子正  
月十一日重陽出環二月初八日師悉以家  
事付三子出家學道重陽爲易今名字元年  
己丑十月師從重陽遊汴梁寓王氏旅邸庚  
寅正月初四日重陽以五篇秘訣授師而逝  
師遂頂分三髻以象師名師與譚劉丘三師

舉重陽仙蛻葬之於劉蔣時壬辰歲也乃一新故庵題曰祖庭十四年甲午中秋師與譚劉丘三師宿秦渡鎮真武廟月夜各言其志師曰闔貧譚曰闔是劉曰闔志丘曰闔閒翌旦乃別長真長生遊洛陽長春隱磻溪師返

致九

二十一

祖庭鎖環而居至十八年戊戌八月朔出環明年正月遊華亭縣李大乘延師事之二月望於其家同居環百日出師活環外枯林擒樹一株二十年春至京兆趙蓬萊施宅爲庵師復居環百日出復歸祖庭二十二年四月



東回寧海道經濟南有韓洵字清甫者禮師  
請益師曰夫道以見性爲體養命爲用柔弱  
爲本清淨爲基自然滅情於虛寧神於極不  
出戶庭而妙道得矣至州居金蓮堂堂有醜  
苦井不可食師呪之變爲甘泉嘗有聯句云  
水中焰迸三丹結火裏蓮生一性圓學道男  
兒無我相修真烈士没人情如此語甚多二  
十四年癸卯下元文登人請師主醮衆覩重  
陽現於空際白龜之上晦日遊城北之三教  
堂時門弟子咸集忽鄆州王道師抱琴至師

乃援筆作歸山操示衆云能無爲兮無不爲  
能無知兮無不知此道兮誰不爲爲此道  
兮誰復知風蕭蕭兮木葉飛聲嗷嗷兮鴈南  
歸嗟人世兮日月催老欲死兮猶貪癡傷人  
世兮魂欲飛嗟人世兮心欲摧難可了兮人  
間非指青山兮當早歸青山夜兮明月飛青  
山曉兮明月歸飢餐霞兮渴飲溪與世隔兮  
人不知無乎知兮無乎爲此心滅兮那復爲  
天庭忽有雙華飛登三宮兮遊紫微蓋示其  
歸真之意也遂至萊陽居遊仙宮十二月二



十二日重陽仙誕師致醮畢與諸弟子夜話  
至二鼓忽風雨大作迅雷一聲謂弟子曰吾  
今赴仙會堂歸去也作箇快活仙汝等欲作  
神仙須要勵修功行縱遇千魔百難慎勿退  
惰言訖端坐而逝是夜神游郭復中劉錫家

致九

二十二

各留一頌次日方知師仙化矣有金玉漸悟  
行化成道圓成精微文集六語錄一行於世  
今萊陽縣遊仙宮即師登真之所也

元世祖皇帝封號丹陽抱一無爲真人

武宗皇帝加封丹陽抱一無爲普化真君

贊曰夢鶴投機食瓜有省十化入心三髻  
在頂春回枯木并化甘泉雷轟風動白雲  
青天

長真子





師姓譚名處端字通正號長真子寧海人也  
初名玉字伯玉生於金太宗天會元年癸卯  
三月朔幼墮井坐水上無驚復遇火不怖人  
皆異之年十五有志於學作蒲萄篇已膾炙  
人口嘗因醉卧途中遇雪感風痺之疾太延

致九

二十三

七年秋聞馬宜甫師事重陽師遂棄妻詣全  
真庵禮重陽願為弟子時夜寒甚爐竈清冷  
殆不可忍重陽遂展足令師抱之少頃汗流  
被體如卧甌中旦起重陽以盥洗餘水令師  
盥面於是宿疾頓除鬚眉儼然師乃拜禱重

陽求道之日用重陽遂授以四字秘訣又贈  
以詞有達真譚玉之語爲改今名字九年冬  
重陽遊汴師同馬劉丘三師侍行寓王氏旅  
邸明年庚寅正月初四日重陽仙去師與三  
師舉仙蛻西葬劉蔣廬於墓側三年十四年  
秋師東出關居洛陽朝元宮後遊河朔獲嘉  
縣居府君廟之新庵一日師鎖庵往衛州至  
夕廟官溫六見庵中火光窺見師擁火而坐  
廟官驚遣人趨州求師師在州之北關旅邸  
中卧猶未起及還庵火燼尚未滅十五年師



遊磁州二祖鎮遇一醉徒問師爾從何來未  
及應遽以拳擊師口齒折血流而容色愈和  
吐齒握手中歌舞而去市人見者皆怒使訟  
於官師但云彼醉耳時丹陽在關中聞而讚之  
之曰一拳消盡平生業十六年上洛州白家

灘一農夫病累月治療無方夢一道者與之  
紅藥服之覺而疾愈次日見師愕然曰此即  
夢中賜藥之師也欲謝之師不顧二十一年  
復西遊寓華陰純陽洞示衆六年滅盡無明  
火十載修成換骨丹湛湛虛堂無罣礙已知

跳出死生關復遊洛陽於朝元宮之東得隙  
地數畝築庵居之二十五年乙巳四月朔令  
門人預營葬事遂書行香子云交泰一聲雷  
迸出靈光萬道輝龍遇迅雷重脫殼幽微射  
出金光透頂飛一性赴瑤池得與丹陽相從

致九

二十四

隨顯現長真真妙理無爲湧出陽神獨自歸  
書畢而逝異香凝室者數日有水雲集行於  
世今寧海棲霞觀即其故居洛南朝元宮乃  
師登真之所也

元世祖皇帝封號長真雲水蘊德真人



武宗皇帝加封長真凝神玄靜蘊德真君  
贊曰抱疾求師雪寒無寐春生兩足道先  
四秘夜焚楮拙曉卧衛州驂鸞跨鶴掉簪  
瀛洲  
長生子



師姓劉名處玄字通妙號長生子東萊之武  
官莊人也生於金熙宗皇統七年丁卯七月  
十二日事母以孝聞誓不婚宦視外物恬不  
介意屢欲出家母未之許大定九年二月忽  
覩鄰居壁間人所不能及處書二頌墨跡尚  
新不留名姓其末句云武官養性真仙地須  
有長生不死人師見其筆力遒勁疑異未能  
決九月重陽與馬譚丘三師至東萊師往迎  
拜之重陽顧而笑曰壁間墨痕汝知之乎師  
於是傾誠乞為弟子重陽見其神采不羣歎



曰松之月竹之雪故不受於黃塵乃贈以詩  
爲立今名字時弱冠之年也從重陽遊汴明  
年春重陽仙去師與馬譚丘三師藏仙蛻於  
劉蔣廬於墓側三年甲午秋乃溷跡京洛心  
灰益寒形木不春人餽則食人問則答十八  
年秋遷居洛城東北雲溪洞門人爲鑿洞室  
忽得石井衆方駭異師笑曰不遠數尺更有  
二井此乃我三生前修鍊處鑿之果然二十  
一年秋東歸萊州明年就武官故居建庵明  
昌二年駙馬都尉僕散出鎮萊州惑於讒毀

命尉司樂武節追捕下獄俄市人見師於城南與道友接談如常日鄭押衙王受事亦見之意師逃出往視獄中師方熟睡二人驚駭以所見白都尉都尉方悟師爲有道者亟令出之承安二年丁巳章宗皇帝聞風聘召問以至道師對曰至道之要寡嗜慾則身安薄賦歛則國泰上曰先生廣成子之言乎勅近侍館師於天長觀明年三月得旨還山賜贐固辭不受勅賜故居庵額曰靈虛觀泰和三年癸亥正月東京留守劉昭毅定海軍節度



使劉師魯來禮師問道師曰公等皆當代名  
臣深荷顧遇吾將逝矣不足爲公等友復示  
頌云正到崢嶸處爭如拂袖歸我今須繼踵  
回首返希夷二公覽之愴然二月初六日鳴  
鼓集衆告以去期謂弟子曰各善護持母生

致九

二十六

懈怠乃曲肱而逝有仙樂太虛盤陽同塵安  
閒修真文集六及道德註陰符演黃庭述行  
於世今洛陽長生萬壽宮即雲溪三井洞武  
官靈虛觀即其故居師登真之所也  
元世祖皇帝封號長生輔化明德真人

武宗皇帝加封長生輔化宗玄明德真君  
贊曰雪竹月松迥出塵境既悟三生再得  
二井紫煙橫洞白雲繞溪桓桓道武前席  
開謙之文舉六父登靈瑞創林黃真秘  
長春子曲湖而遊育小學本五盤湖同聖安





師姓丘名處機字通密號長春子登州棲霞  
縣濱都人也生於金熙宗皇統八年戊辰正  
月十九日幼聰敏日記千餘言未弱冠即學  
道隱崑崙山大定七年聞重陽道化九月乃  
拜於寧海之全真庵重陽贈以金鱗遂爲弟

致九

二十七

子重陽爲訓今名字九年冬從重陽遊汴梁  
寓王氏旅邸明年正月初四日重陽仙化師  
與馬譚劉三師舉仙蛻葬於劉蔣廬墓二年  
歲甲午秋乃入磻溪穴居日乞一食行一簣  
人謂之簣衣先生晝夜不寐者六年復隱隴

州龍門山苦行如磻溪時遠方學者咸依之  
大定二十八年二月世宗皇帝召赴闕問答  
稱旨賜以巾冠館于天長觀夏五月召見於  
長松島問以延生之理師對曰惜精全神修  
身之要恭己無爲治天下之本富貴驕姪人  
情所常當兢兢業業以自防耳誠能久而行  
之去仙道不遠誕詭幻怪非所聞也上善其  
言七月再召見於便殿師剖析至理上大悅  
翼日賜上林桃師不食茶果十餘年至是取  
一枚啖之應制進瑤臺第一層詞八月得旨



還祖庭賜贐禮辭不受明昌二年辛亥東歸  
棲霞以故居爲觀勅賜額曰太虛泰和七年  
丁卯春元妃施道經一藏驛送太虛觀貞祐  
二年甲戌冬山東亂帥府請師牒諭所至皆  
投戈拜命寧海登二州遂安四年春金宣宗

皇帝命東平監軍王庭玉召師不赴興定三  
年己卯師居萊州昊天觀時齊魯陷宋八月  
宋寧宗皇帝命大帥彭義斌召師亦不赴是  
歲元太祖成吉思皇帝在柰蠻國命侍臣劉  
仲祿捧詔聘師十二月仲祿至萊州師慨然

應命明年庚辰正月師遂起行十八大師從  
二月入燕城行省館于玉虛觀三月進表陳  
情四月道出居庸關忽遇群盜皆稽首而退  
十月師至武川進表使回曷剌捧詔促召辛  
巳春踰嶺而北七月至阿不罕山留弟子宋  
道安等九人立棲霞觀率趙虛靜輩輕騎以  
行壬午三月上遣太師阿里鮮來迎詔諭仲  
禄鎮海護從師來勅萬戶播魯只以甲士衛  
師過鐵門四月方達印土見皇帝於大雪山  
之陽上設二帳於御幄之前居師以便訪問



十月望上設庭燎虛前席延師問以王道時  
太師阿海阿里鮮侍師對以節慾乃修身之  
要愛民爲永國之方及陳天道好生惡殺之  
意上悅命侍臣書之簡冊其詳見于慶會錄  
癸未二月辭歸上勉留三月復辭制可所賜  
備極豐腆皆辭之與諸弟子俱還詔太師阿  
里鮮護師東歸至阿不罕山棲霞觀率棲霞  
弟子皆歸甲申三月至京師是月上遣曷刺  
傳旨丘神仙至漢地凡朕所有之城池其欲  
居者居之往迴事跡見西遊記行省請師住

天長觀自爾使者赴行宮皇帝必問丘神仙  
安否還必有宣諭語行省又施瓊華島爲觀  
師命工葺之乙酉春師折梨花一枝與玄寧  
居士張去華曰此男子之祥也去華以瓶養  
之至秋結實二十有四果生一子即明誠也

致九

二十九

延祥觀有枯槐一株師以杖擊之曰枯槐再  
活後槐復榮茂九月熒惑犯尾宿宣撫王揖  
請師禳之是夕熒惑退數舍丙戌五月大旱  
行省請師祈禱大雨三日丁亥五月詔以瓊  
華島爲萬安宮改天長觀爲長春宮賜師金



金虎符主領天下道教事特旨蠲免道門差  
稅六月二十三日雷雨大作太液池南岸崩  
北口山摧師聞而笑曰山摧池枯吾將與之  
俱乎七月初九日師陞寶玄堂示衆以生死  
事復曰教門用力大地塵勞心地下功全拋  
世事各宜精進毋使虛度時光正法難遇道  
教事尹志平李志常相繼主之遂書頌云生  
死朝昏事一般幻泡出沒水長間微光現處  
跳烏兔玄量開時納海山揮斤八紘如咫尺  
吹噓萬有似機閒狂辭落筆成塵垢寄在時

人妄聽間畢歸葆光堂端坐而逝有磻溪鳴  
道文集西遊記行於世今棲霞縣太虛觀即  
其故居磻溪長春成道宮即修真之處京師  
大長春宮即登真之所也

元世祖皇帝封號長春演道主教真人

武宗皇帝加封長春全德神化明應真君

贊曰巍巍長春一簑煙雨磻溪六年雪山

萬里洪範丹書爲王者師玉符金虎演道

明時

玉陽子





致九

三十

師姓王名處一字玉陽號僉陽子寧海東牟  
人也生於金熙宗皇統二年壬戌三月十八  
日母夢丹霞被體而生七歲無疾死而復甦  
由是知死生之事嘗山行遇一老翁坐石上  
與之語又聞空中人自稱玄庭宮主自是若

有所得人不能知弊衣赤脚歌舞於市人以  
爲病或謂非病強加以巾冠而妻之師不可  
大定戊子二月聞重陽至州師往迎拜請爲  
弟子重陽爲訓今名字從居崑崙山煙霞洞  
其母周氏亦願出家重陽訓名曰德清號玄  
靖散人是秋侍重陽回文登居姜實庵明年  
春師辭居查山重陽與馬譚丘郝四師自文  
登歸寧海道經龍泉去查山二百餘里時炎  
暑重陽持傘忽傘自手中飛去未晡墜查山  
師於傘柄中得詩一首并僉陽子三字因以



爲號後居雲光洞九年志行確苦嘗俯大壑  
以一足跂立人稱爲鐵脚仙遨遊齊魯大著  
神異度人逐鬼踣盜碎石出神入夢召雨搖  
峯烹雞降鶴起死噓枯一方千里聳動嚮化  
金世宗皇帝聞其名二十七年丁未召赴闕

致九

三十一

問以衛生爲治師對曰舍精以養神端拱以  
無爲凡所應對大副宸衷館於天長觀久之  
有嫉惡師者召師飲而鴆之師預戒其徒鑿  
池灌水以俟師至彼持杯盡飲曰吾貧人也  
嘗從人丐食今幸見招願罄餘酒以盡若歡

酌之又盡飲歸浴池中水皆沸涸惟鬚髮盡  
脫不能受冠上聞之即遣使窮治其事問至  
再三師終不告惟曰某素無取仇人者良由  
得疾致然使者以師言回奏上益嘉歎明年  
戊申春詔建修真觀居師即求還山侍親上  
從之所賜贍悉委去是歲上不豫十二月再  
召師對使者曰吾恐不及再覩天顏矣己酉  
正月初三日至京師世宗崩己二日矣嗣君  
留師爲先帝主醮而歸承安二年丁巳七月  
章宗皇帝召至便殿問答稱旨眷遇至渥翼



日詔賜金冠紫衣號體玄天師館之崇福觀  
戊午夏奏母玄靖年九十乞侍養上允厚贍  
之師乃東歸泰和元年辛酉三年癸亥兩奉  
詔設醮於亳州太清宮度道士千餘人是年  
七月二十五日師母玄靖逝七年春師居聖

水玉虛觀元妃驛送道經一藏泰安元年己  
巳七月字水魯叅政請居北京華陽觀庚午  
居薊州玉田縣謂其徒曰若聞空中劍盾擊  
撞聲乎北方氣運將新生齒必有罹其毒者  
是歲天兵果南牧貞祐四年文登人請居天

寶明年丁丑四月二十二日沐浴衣冠拜上  
下四方畢端坐留頌而逝有雲光集顯異錄  
行於世今寧海聖水玉虛觀即其故居文登  
天寶觀乃師登真之所也

元世祖皇帝封號玉陽體玄廣度真人

致九

三十二

武宗皇帝加封玉陽體玄廣慈普度真君

贊曰奇哉玉陽顯異具載石上談玄空中  
飛蓋星輝帝座水沸春池金冠既錫拂劍

東歸

廣寧子





師姓郝名大通字太古號廣寧子寧海人也  
生於金熙宗天眷三年庚申正月初三日家  
財甲一州事母孝脩然有出塵志好讀易洞  
曉陰陽術數之學慕季主君平隱於卜筮大  
定七年丁亥秋重陽至寧海遊行於市見師

言動不凡思有以感發之一日至卜肆背肆而坐師曰請先生回頭重陽曰君何不同頭耶師悚然驚異重陽去師即閉卜肆至馬氏南園全真庵中謁重陽請教重陽授以二詞師大悟不覺下拜以有母老未即入道明年

致九

三十三

戊子母捐館三月師乃棄家入崑崙山煙霞洞受業爲弟子重陽納之訓名璘號恬然子乃解衲衣去其袖而與之曰勿患無袖汝當自成師日携瓦罐乞食未幾辭重陽去與玉陽子俱隱查山後玉陽以師不立苦志忠告



而勸激之師遂西訪四師四師方廬於重陽  
墓普禮終師欲與同處譚長真激以隨人脚  
跟轉之語明日即東還至岐山遇神人爲改  
今名及今號十三年癸巳度大慶關遊趙魏  
間十五年乙未坐沃州橋下不語不動河水  
泛溢亦不少移人饋則食不饋則已雖祁寒  
酷暑兀然無變如此者六年其族屬親戚來  
視之師皆不答有所贈亦皆不受二十二年  
師至真定外堂演道聽者常數百人復過灤  
城又與神人遇受以大易秘義明昌元年庚

戊秋還寧海一日遽索紙筆揮染疾若風雨  
成易圖三十三皆天人之蘊昔賢所未發者  
師嘗於天長預告侯子真以火恩州夜入王  
鎮國之夢言人事之悔吝吉凶無不驗者大  
定元年乙巳戒門人營家預告去期至宗慶

元年壬申臘月晦日無疾端坐留頌而逝有  
太古集心經解救苦經解及示教直言行於  
世今寧海先天觀即師登真之所也  
元世祖皇帝封號廣寧通玄太古真人  
武宗皇帝加封廣寧通玄妙極太古真君



贊曰賣卜人間回頭已早瓦觀衲衣語默  
皆道雲迷查洞水繞石橋易圖一卷千古  
寥寥

清淨散人

致九

三十四



仙姑姓孫名不二號清淨散人寧海人也生  
於宋徽宗宣和元年己亥正月初五日父曰  
忠顯母夢六鶴飛舞於庭一鶴飛入懷中覺  
而有娠乃生仙姑性聰慧嚴禮法長適州之  
馬宜甫即丹陽先生也生三子曰庭珍庭瑞  
庭珪大定七年閏七月重陽抵寧海築金真  
庵於南園十月朔重陽於庵鎖環明年正月  
十一日出環仙姑夫婦悟分梨十化之教二  
月初八日宜甫棄家從道九年重五日仙姑  
詣金蓮堂師重陽出家重陽乃贈以詩爲立



今名號遂授以道要其冬重陽携馬譚劉丘  
四師遊汴梁明年春聞重陽仙化四師舉仙  
蛻歸終南之劉蔣仙姑就金蓮堂居環大定  
十五年夏仙姑西入關致醮祖庭未幾即出  
關遊洛陽居風仙姑洞接引弟子甚衆二十

致九

三十五

二年壬寅十二月二十九日忽沐浴更衣冠  
問弟子天氣早晚對曰卓午矣遂援筆書卜  
算子云握固披衣候水火頻交媾萬道霞光  
海底生一撞三關透仙樂頻頻奏常飲醍醐  
酒妙藥都來頃刻間九轉丹砂就書畢謂弟

子云吾今歸矣各善護持乃趺坐而化時丹陽在文登七寶庵忽拂衣起舞歌醉仙令謂門人曰今日有非常之喜衆叩其故丹陽曰孫仙姑今日已仙去明年春報者至云仙姑於是日返真於洛陽矣有詩詞行於世

元世祖皇帝封號清淨淵貞順德真人  
武宗皇帝加封清淨淵貞玄虛順化元君

贊曰離俗超塵探玄究妙鐵板尋真策籬  
靈照九還功就幾載坐忘蓬萊歸路笑倒  
丹陽



金蓮正宗仙源像傳







七真年譜

致十

七真年譜

致十

門下夷山李道謙編

宋徽宗政和二年壬辰重陽祖師生於是年  
十二月二十二日按北平王粹所撰傳云全  
真祖師王嚳字知明號重陽子京兆咸陽人

世以貲產著姓後遷終南縣劉蔣村其母感  
異夢而妊及二十有四月乃生始名中孚字  
允卿自稚不群既長美鬚眉軀幹雄偉志個  
儻不拘小節弱冠修進士業係京兆學籍善  
於屬文才思敏捷嘗解試一路之士然頗喜



弓馬金天眷初乃慨然應武畧易名世雄字  
德威後入道改稱今名字焉仍以害風自呼  
之

政和三年癸巳重陽祖師二歲

政和四年甲午重陽祖師三歲

政和五年乙未重陽祖師四歲

第十

政和六年丙申重陽祖師五歲

政和七年丁酉重陽祖師六歲

重和元年戊戌重陽祖師七歲

宣和元年己亥重陽祖師八歲此年正月初

五日清淨孫仙姑生於寧海州

宣和二年庚子重陽祖師九歲

宣和三年辛丑重陽祖師十歲

宣和四年壬寅重陽祖師年十一

宣和五年癸卯重陽祖師年十二是年三月

初一日長真譚真人生於寧海州始名玉

字伯玉五月二十日丹陽馬真人生於寧

海今之降仙坊按傳初名從義字宜甫本

關中扶風人五代兵亂遷海上

宣和六年甲辰重陽祖師年十三



宣和七年乙巳重陽祖師年十四

欽宗靖康元年丙午重陽祖師年十五

金太宗天會五年丁未重陽祖師年十六

天會六年戊申重陽祖師年十七其年長真

真人六歲按密國公撰真人碑云六歲因

致十

戲墮於井人急下救之見公安坐水上隨

挈而出

天會七年己酉重陽祖師年十八

天會八年庚戌重陽祖師年十九

天會九年辛亥重陽祖師年二十

天會十年壬子重陽祖師年二十一

天會十一年癸丑重陽祖師年二十二

天會十二年甲寅重陽祖師年二十三

天會十三年乙卯重陽祖師年二十四

天會十四年丙辰重陽祖師年二十五

天會十五年丁巳重陽祖師年二十六此年

長真真人年十五密國公作真人碑云公

十有五歲而志于學其葡萄篇已膾炙人

口

天眷元年戊午重陽祖師年二十七按傳天



眷初應試武舉易名世雄字德威

天眷二年己未重陽祖師年二十八

天眷三年庚申重陽祖師年二十九正月初

三日廣寧郝真人生於寧海州初名昇字

則未聞也

致十

三

皇統元年辛酉重陽祖師年三十

皇統二年壬戌重陽祖師年三十一其年三

月十八日玉陽王真人生於寧海州

皇統三年癸亥重陽祖師年三十二

皇統四年甲子重陽祖師年三十三

皇統五年乙丑重陽祖師年三十四

皇統六年丙寅重陽祖師年三十五

皇統七年丁卯重陽祖師年三十六七月十

二日長生劉真人生於東萊之武官莊

皇統八年戊辰重陽祖師年三十七是年正

月十九日長春丘真人生於登州棲霞縣

之濱都玉陽真人年七歲按真人雲光集

自序云余七歲遇東華帝君於空中警覺

不令昏昧

海陵天德元年己巳重陽祖師年三十八



天德二年庚午重陽祖師年三十九

天德三年辛未重陽祖師年四十

天德四年壬申重陽祖師年四十一

貞元元年癸酉重陽祖師年四十二

貞元二年甲戌重陽祖師年四十三

貞元三年乙亥重陽祖師年四十四

正隆元年丙子重陽祖師年四十五

正隆二年丁丑重陽祖師年四十六

正隆三年戊寅重陽祖師年四十七

正隆四年己卯重陽祖師年四十八此年六

月望日師飲酒於終南甘河鎮會二仙人  
被髮披氈而年貌同一其人徐曰此子可  
教因授以口訣故師遇真詩云四句八上  
始遭逢口訣傳來便有功其所遇者純陽  
呂真君也

致上

四

正隆五年庚辰重陽祖師年四十九中秋日  
師於醴泉縣再遇真仙傳祕語五篇且曰  
速去東海投譚捉馬已而真仙忽失所在  
世宗大定元年辛巳重陽祖師年五十於終  
南南時村鑿壙丈餘封高數尺以活死人



目之坐於墓中又於四隅各植海棠一株  
人問其故答曰吾將來使四海教風爲一  
家耳

大定二年壬午重陽祖師年五十一是年坐  
活死人墓中

大定三年癸未重陽祖師年五十二秋填活  
死人墓遷劉蔣村結茅與王蟾和公靈陽  
李公三人同居即今之祖庭重陽萬壽宮  
也

大定四年甲申重陽祖師年五十三師金真

集自序云余嘗從甘河携酒一葫欲歸庵  
道逢一先生叫云害風肯與我酒喫否余  
與之先生一引而盡却令余以葫取河水  
余取得水授與先生先生復授余令余飲  
之乃仙酎也又曰子識劉海蟾否余曰但  
嘗見畫像耳先生笑之而去

致十

五

大定五年乙酉重陽祖師年五十四是年於  
終南上清太平宮壁上書云害風害風舊  
病發壽命不過五十八兩箇先生決定來  
一靈真性成搜刷



大定六年丙戌重陽祖師年五十五是歲於  
長安灤村呂道人庵壁書云地肺重陽子  
呼爲王害風來時長日月去後任西東作  
伴雲和水爲鄰虛與空一靈真性在不與  
衆心同此年長春真人年一十九棄俗入  
道居崑崙山

大定七年丁亥重陽祖師年五十六於四月  
二十六日將劉蔣村茅庵自焚之婆娑舞  
於火邊人問答茅庵燒了事休休決有人  
人却要修是日宿甘河鎮辭衆曰余東海

捉馬去五月過北邙山上清宮題其壁云  
丘譚王風捉馬劉崑崙頂上打玉毬你還  
般在寰海內贏得三千八百籌至今石刻  
猶在閏七月十八日抵寧海州會丹陽真  
人洎高巨才邀師於范明叔怡老亭九月

長春真人自崑崙山來謁祖師于金真庵  
請爲弟子祖師訓名處機字通密號長春  
子仍贈之以詩祖師又於廣寧真人卦肆  
前背坐感發之廣寧從至朝元觀祖師授  
以口訣及以二詞付之祖師於十月一日



就丹陽宅內鎖門居環百日爲期約五日  
一食化丹陽夫婦是冬長真真人就環內  
出家祖師訓名處端字通正號長真子時  
四十五歲矣

大定八年戊子重陽祖師年五十七正月初

張十

六

大十日出環分梨十化畢二月初八丹陽真  
人出家祖師訓名鉦字玄寶號丹陽子時  
年四十六是日玉陽真人自牛仙山來願  
爲門弟子祖師訓名處一時年二十七二  
月晦日祖師挈丹陽長真長春玉陽入崑

崱崱山石門口開煙霞洞居之三月廣寧真人來崱崱山出家祖師訓名璘號恬然子時二十九歲八月祖師挈五真人自煙霞洞遷居文登縣姜實庵立七寶會

大定九年己丑重陽祖師年五十八春玉陽

真人辭祖師隱居查山四月祖師引丹陽長真長春廣寧遷居寧海州金蓮堂途中至龍泉以所執傘柄內盛餼陽子號乘風而起至查山玉陽公前墮地蓋賜公之號也重午日孫仙姑詣金蓮堂出家祖師訓



名不二號清淨散人時年五十一六月廣  
寧真人辭祖師亦居查山八月祖師立金  
蓮會九月詣登州福山縣立三光會於蓬  
萊立玉華會是月祖師領丹陽長真長春  
西至萊州化長生真人出家訓名處玄字

致十

七

通妙號長生子時年二十三十月於掖縣  
立平等會是月挈四子至汴梁寓磁器王  
氏旅邸中

大定十年庚寅重陽祖師於正月初四日召  
丹陽長真長春立於榻下時長生遁去曰

丹陽已得道長真已知道吾無慮矣處機  
所學一聽丹陽處玄長真當管領之吾今  
赴師真之約耳丹陽請留頌師曰吾已書  
於長安灤村呂仙庵矣今口授汝言訖而  
逝是年閏五月於正月十一日始立春是  
止五十八歲矣四子盡禮權瘞于孟宗獻  
之花圃既而丹陽真人率三友入關謁和  
李二真人于終南太平宮會史處厚于京  
兆劉通微嚴處常于終南二真人乃祖師  
之友三子亦祖師之弟子也



大定十一年辛卯丹陽真人年四十九是年  
與三友居劉蔣祖庵修治葬所十月廣寧  
真人入關乞食于京兆府

大定十二年壬辰丹陽真人年五十春於長  
安化自然錢率三友復往汴梁遷祖師仙

柩西歸葬于劉蔣村祖庵九月廣寧真人  
西遊岐山偶得名大通字太古號廣寧子  
大定十三年癸巳丹陽真人年五十一是年  
四師劉蔣居喪守墳六月廣寧真人度大  
慶關東歸

太定十四年甲午丹陽真人年五十二二月  
廣寧真人至真定默坐于朝天門外八月  
丹陽長真長生長春於鄆縣秦渡鎮真武  
廟月夜共坐各言其志丹陽闢貧長真闢  
是長生闢志長春闢間翼旦乃別丹陽劉

致十

蔣居環長真居洛陽朝元宮長生居洛陽  
市土地廟長春西入磻溪事見金玉集  
太定十五年乙未丹陽真人年五十三是年  
長真真人乞食於磁州二祖鎮遇一妄人  
毆落二齒市人共怒之欲明於官真人吐



之而去二月廣寧真人坐沃州石橋下夏  
清淨散人入關致祭祖庭既而出關居洛  
陽風仙姑洞

大定十六年丙申丹陽真人年五十四長真  
真人此歲游歷洺州居白家灘六月中廣  
寧真人夜夢神人復授易之大義既寤明  
朝揮三十三圖事見太古集

大定十七年丁酉丹陽真人五十五長真真  
人行化於高唐縣與茶肆吳六書龜蛇字  
曰可置之壁間以鎮火災是年縣城大火

唯茶肆乃免

大定十八年戊戌丹陽真人年五十六於八月一日劉蔣出環西游隴山華亭行化長生真人是年遷洛城東北雲溪洞居之門徒日集鑿三井洞

致十

九

大定十九年己亥丹陽真人年五十七二月十五日於華亭縣挈李大乘同居環百日至八月遷隴州佑德觀居環十一月十八日出環宿勾塢堡化解元李子和出家長真真人游歷衛州獲嘉縣府君廟居之



大定二十年庚子丹陽真人年五十八是年  
春京兆章臺街趙蓬萊施宅為庵請真人  
居環八月二十四日長安僚庶請祈雨真  
人作詩期以二十五日雨足至期果應見  
金玉集長真真人西游同州居西里庵長  
春真人自磻溪遷居隴州龍門山

大定二十一年辛丑丹陽真人年五十九四  
月初於鄆縣劉蔣村張朝散竹園庵內居  
環中元日作黃籙醮罷復歸祖庵長真真  
人居華陰縣純陽洞長生真人東歸萊州

大定二十二年壬寅丹陽真人年六十此年  
四月東歸寧海十二月行化文登漁戶焚  
網者甚衆初八日海市見于南海之上士  
人以詩慶之長生真人居武官建庵注道  
德黃庭等經秋玉陽真人來寧海謁丹陽

真人同宿於金蓮堂廣寧真人居真定府  
陞堂演道聽衆常數百人十二月二十九  
日清淨孫仙姑升仙于洛陽年六十四矣  
大定二十三年癸卯丹陽真人年六十一四  
月行化芝陽下元日文登作醮祖師現於



空際白龜之上丹陽於十二月二十二日  
升仙於萊陽縣遊仙宮長生玉陽二真人  
同主葬事守墳百日各歸其隱所

大定二十四年甲辰長真真人年六十二是  
年正月十八日長生真人於昌陽縣姜守

致十

十

淨家作醮巳午間重陽祖師雲冠絳服丹  
陽真人三髻現於空際綵雲之上五月旱  
登郡太守請長生真人祈雨海市現於竹  
島明日丹陽真人現於應仙橋之西北是

日雨足

大定二十五年乙巳長真真人年六十三是  
歲四月初一日升仙於洛陽朝元宮其暢  
道接物詩詞目曰水雲集行于世

大定二十六年丙午長生真人年四十冬長  
春真人下龍門山居終南祖庵

大定二十七年丁未長生真人年四十一是  
年十一月十三日玉陽真人奉詔至燕帝  
問延生之理師曰惜精全神修身之要端  
拱無爲治天下之本上待以方外之禮

大定二十八年戊申長生真人年四十二此



年二月長春真人奉詔至闕下十一日聖  
旨令主萬春節醮蒙賜巾袍四月勅居宮  
庵五月十八日召見於長松島七月應制  
進詞五首中秋得旨還終南山是月玉陽  
真人亦得旨還山十二月上弗豫遣使復  
致十一  
召玉陽真人真人謂使者曰恐不及再覩  
天顏矣

大定二十九年己酉長生真人年四十三正  
月初三日玉陽真人至都嗣君命真人為  
先帝主醮而歸

章宗明昌元年庚戌長生真人年四十四重  
午日萊陽縣劉植請玉陽真人齋且以無  
嗣告於師師曰公富而好禮未應絕也爲  
寫四四應真四字明年四月十四而生子  
來乞名師曰吾已與名應真矣今日純陽  
真君降世辰也

明昌二年辛亥長生真人年四十五是歲十  
月長春真人東歸棲霞住太虛觀

明昌三年壬子長生真人年四十六冬十月

長春真人芝陽洞作醮



明昌四年癸丑長生真人年四十七

明昌五年甲寅長生真人年四十八秋九月

一長春真人福山縣醮天門開瑞鶴現有詩

見磻溪集

明昌六年乙卯長生真人年四十九

承安元年丙辰長生真人年五十

承安二年丁巳長生真人年五十一六月玉

陽真人被召七月初三日見於便殿賜坐

帝問以養生之道抵暮方歸翼日賜體玄

大師號及紫衣勅賜燕都修真崇福二觀

俾真人任便居之月給齋錢二百鎰冬長  
生真人奉召赴闕帝問以至道師曰至道  
之要寡嗜慾則身安薄賦歛則國泰帝曰  
先生廣成子之言乎勅近侍館穀于天長  
觀

致十

十二

承安三年戊午長生真人年五十二應對悉  
合上意三月得旨還山勅賜觀額五道曰  
靈虛曰太微曰龍翔曰集仙曰妙真令立  
觀度人玉陽真人猶居都下春終南呂庵  
主至都師爲請祖庵爲靈虛觀以勅牒付



呂俾知觀事仍以詩送行夏師得旨東歸

侍親

承安四年己未長生真人年五十三是年長

春真人芝陽作醮

承安五年庚申長生真人年五十四

泰和元年辛酉長生真人年五十五是年遊

廣陵著天道罪福論玉陽真人奉詔詣亳

州太清宮作普天醮有詩見雲光集

泰和二年壬戌長生真人年五十六濱州作

醮有瓊葩玉樹之瑞有詩見盤陽集長春

真人芝陽作醮

泰和三年癸亥長生真人年五十七此年二月初六日升仙於武官靈虛觀玉陽真人奉詔詣亳州太清宮作普天醮臨壇度道士千餘人

致十

十三

泰和四年甲子長春真人年五十七

泰和五年乙丑長春真人年五十八夏五月

萊州醮有瑞鶴綵雲現有詞見磻溪集

泰和六年丙寅長春真人年五十九

泰和七年丁卯長春真人年六十元妃施道



經二藏一驛送棲霞太虛觀一驛送聖水

玉虛觀

泰和八年戊辰長春真人年六十一  
大安元年己巳長春真人年六十二是年游  
龍山有詩二十首玉陽真人七月十四日

至北京應字本魯叅政之請也居華陽觀  
是時大旱僚庶告真人雨期真人曰十七

日霑足矣至日果應

大元庚午長春真人年六十三夏玉陽真人

薊州玉田縣醮畢謂衆曰北方道氣將回

空中有神明往來刀劍擊觸之象莫非生

大靈將受苦耶

大元辛未長春真人年六十四是年東海召  
至燕都及游德興琅山俱有詩見鳴道集  
壬申長春真人年六十五是年十二月三十

日廣寧真人升仙于寧海州先天觀春秋  
七十三矣

癸酉長春真人年六十六

甲戌長春真人年六十七此年游崑崙煙霞

洞有詩



乙亥長春真人年六十八

丙子長春真人年六十九時居登州金主命  
東平監軍王庭玉賁詔召師歸汴京師曰  
我循天理而行天使行處無敢違也乃不  
起

致十

十四

丁丑長春真人年七十玉陽真人四月二十

三日升仙於聖水玉虛觀時七十六歲矣

戊寅長春真人年七十一

己卯長春真人年七十二居萊州昊天觀是

時齊魯陷宋八月宋主遣使召師不起州

牧謝曰師居此我輩誠有所依師曰吾之  
出處非若輩可知也他日恐不能留居此  
耳是年五月太祖聖武皇帝自奈蠻國遣  
近侍劉仲祿持詔召師十二月仲祿至萊  
州

庚辰長春真人年七十三正月自萊州北行  
二月至燕都四月官僚請作醮於太極宮  
五月至德興府寓龍陽觀八月至宣德州  
寓朝元觀

辛巳長春真人年七十四是年五月朔抵陸



局河七月至阿不罕山留宋道安等九人  
立棲霞觀中秋日抵金山過白骨甸十一  
月至邪迷思干城俱有詩見鳴道集

壬午長春真人年七十五春三月過鐵門達  
于行在上設二帳於御幄之東以居之時

致十

十五

問以至道師大畧對以節欲保躬天道好  
生惡殺治尚無爲清靜之理上悅乃命左  
史書諸策其詳見慶會錄西遊記

癸未長春真人年七十六是歲三月七日得  
旨東還賜號神仙俾掌管天下道門大小

事務一聽神仙處置他人無得干預宮觀  
差役盡行蠲免所在官司常切衛護六月  
抵豐州八月至宣德州

甲申長春真人年七十七春二月居縉山秋  
陽觀三月燕京官僚請住太極宮是月仙

### 仗入燕都

乙酉長春真人年七十八秋九月熒惑犯尾  
宿主燕地灾宣撫王楫請師作醮禳之醮  
竟熒惑乃退數舍矣

丙戌長春真人年七十九夏五月燕境大旱



僚庶請師作醮雨隨時霑足在都名儒皆有詩賀之

丁亥長春真人年八十夏大旱在京士庶禱師作醮師曰我方留意醮事公輩來請所謂好事不約而同也仍云當備二醮以五

月初一日爲祈雨三日爲賀雨醮後皆如師言是月得旨改太極宮爲長春宮六月太液池涸北口山摧人告於師師笑曰山摧水枯吾將與之俱乎七月四日師謂門人曰昔丹陽嘗授記於予云吾歿之後教

門大興四方徃徃化爲道鄉道院皆勅賜  
名額又當住持大宮觀仍有使者佩符乘  
傳幹教門事此汝功成名遂歸休之時也  
今丹陽師之言一一皆驗吾歸無憾焉九  
日登寶玄堂留頌而逝

致十

十六

## 後序

古人之有年譜尚矣所以著出處之實使後  
世得以考觀者焉我玄門之七真身雖游乎  
方外道實滿于人間當國朝革命之際其救  
世及物之功不爲不腆故封龍李翰長敬齋



云七真之救世也真叶上帝之心也上帝之  
愛民也真藉七真之教也不然何為天生聖  
皇出寧四海天生長春左右大命相與聚精  
會神同始共終哉觀此自可見矣僕因焚誦  
之暇不揆狂斐徧考師真文集及諸家所撰  
傳記起重陽祖師降世之歲訖長春真人升  
仙之秋一百一十六年之間出處事跡詳節  
編次通為一譜其或一二傳記所載與各師  
真文集不相同者捨傳記而取文集也蓋文  
集紀錄之真傳記有所未詳也嗚呼七真始

終之大槩具矣若夫師真之尸居而龍見雷  
聲而淵默神動而天隨從容無爲之妙固不  
得以盡筆舌形容之今之紀者但取其修真  
立教之迹姑此啓諸童蒙俾於向上諸師知  
所宗本非敢以瀆我同志者也至元辛未歲

第十

中元日天樂道人李道謙書于終南祖庭之  
筠溪道院

七真年譜終





玄風慶會錄



致十一



玄風慶會錄序

致上

國師長春真人昔承宣召不得已而後起遂別中土過流沙陳道德以致君止干戈而救物功成身退厭世登天自太上玄元西去之後寥寥千百載唯真人一人而已其往回事

跡載於西遊記中詳矣唯餘對上傳道玄言奧旨上令近侍錄而秘之歲乃踰旬傳之及外將以刊行於世願與天下共知玄風慶會一段奇事云壬辰長至日序

# 玄風慶會錄

元侍臣昭武大將軍尚書禮部侍郎移刺楚才奉勅編錄

欽奉皇帝聖議宣請高道長春真人歲在己卯正元後一日敕朝官劉仲祿齎詔尋訪直至東萊適符聖意禮迎仙馭不辭遠遠而來

致十一

一

逮乎壬午之冬十月既望皇帝畋于西域雪山之陽是夕御行在設庭燎虛前席延長春真人以問長生之道真人曰夫道生天育地日月星辰鬼神人物皆從道生人止知天大不知道之大也余生平棄親出家唯學此耳



道生天地開闢而生人焉人之始生也神光  
自照行步如飛地生菌自有滋味不假炊爨  
人皆食之此時尚未火食其菌皆香且鼻嗅  
其香口嗜其味漸致身重神光尋滅以愛欲  
之深故也學道之人以此之故世人愛處不

愛世人住處不住去聲色以清靜爲娛屏滋  
味以恬淡爲美但有執著不明道德也眼見  
乎色耳聽乎聲口嗜乎味性逐乎情則散其  
氣譬如氣鞠氣實則健氣散則否人以氣爲  
主逐物動念則元氣散若氣鞠之氣散耳天

生二物曰動植草木之類爲植植而無識雨露濡目得生榮人物之屬爲動動而有情無衣無食何以卒歲必當經營耳旦夕云爲身口爲累故也夫男陽也屬火女陰也屬水唯陰能消陽水能剋火故學道之人首戒乎

致十一

二

色夫經營衣食則勞乎思慮雖散其氣而散少貪婪色欲則耗乎精神亦散其氣而散之多道產二儀輕清者爲天天陽也屬火重濁者爲地地陰也屬水人居其中負陰而抱陽故學道之人知修鍊之術去奢屏欲固精守



神唯鍊乎陽是致陰消而陽全則昇乎天而  
爲仙如火之炎上也其愚迷之徒以酒爲漿  
以妄爲常恣其情逐其欲耗其精損其神是  
致陽衰而陰盛則沉於地爲鬼如水之流下  
也夫學修真者如轉石上乎高山愈高愈難

跬步顛沛前功俱廢以其難爲也舉世莫之  
爲也背道逐欲者如擲石下乎峻坡愈卑而  
愈易斯須隕墜一去無迴以其易爲也故舉  
世從之莫或悟也余前所謂修鍊之道皆常  
人之事耳天子之說又異於是陛下本天人

耳皇天眷命假手我家除殘去暴爲元元父  
母恭行天罰如代大匠斲克艱克難功成限  
畢即昇天復位在世之間切宜減聲色省嗜  
慾得聖體康寧睿筭遐遠耳庶人一妻尚且  
損身況乎天子多畜嬪御寧不深損陛下宮

致十一

三

姬滿座前聞劉仲祿中都等揀選處女以備  
後宮竊聞道經云不見可欲使心不亂既見  
之戒之則難願留意焉人認身爲己此乃假  
物從父母而得之者神爲真己從道中而得  
之者能思慮寤寐者是也行善進道則昇天



爲之仙作惡背道則入地爲之鬼夫道產衆  
生如金爲衆器銷其像則返成乎金人行乎  
善則返乎道人間聲色衣食人見以爲娛樂  
此非真樂本爲苦耳世人以妄爲真以苦爲  
樂不亦悲哉殊不知上天至樂乃真樂耳余  
儕以學道之故棄父母而棲巖穴同時學道  
四人曰丘曰劉曰譚曰馬彼三人功滿道成  
今已昇化余辛苦之限未終日一食一味一  
盂恬然自適以待乎時其富者貴者濟民拯  
世積行累功更爲異耳但能積善行道胡患

不能爲仙乎中國承平日久上天屢降經教  
勸人爲善大河之北西川江左悉有之東漢  
時干吉受太平經一百五十卷皆修真治國  
之方中國道人誦之行之可獲福成道又桓  
帝永壽元年正月七日

太上降蜀臨邛授天師張道陵南斗北斗經  
及二十四階法錄諸經籍千餘卷晉王纂遇  
太上道君法駕乘空賜經數十卷元魏時天  
師寇謙之居嵩山於

太上等處受道經六十餘卷皆治心修道祈



福禳災掃除魑魅拯疾疫之術其餘經教不可盡言降經之意欲使古今帝王臣民皆令行善經旨太多請舉其要天地之生人爲貴是故人身難得如麟之角萬物紛然如牛之毛既獲難得之身宜趣修真之路作善修福

致十一

四

漸臻妙道上至帝王降及民庶尊卑雖異性命各同耳帝王悉天人謫降人間若行善修福則昇天之時位踰前職不行善修福則反是天人有功微行薄者再令下世修福濟民方得高位昔軒轅氏天命降世一世爲民再

世爲臣三世爲君濟世安民累功積德數盡  
昇天而位尊於昔陛下修行之法無他當外  
修陰德內固精神耳恤民保衆使天下懷安  
則爲外行省欲保神爲乎內行人以飲食爲  
本其清者爲之精氣濁者爲之便溺貪慾好  
色則喪精耗氣乃成衰憊陛下宜加珍蓄一  
宵一爲已爲深損而況恣慾者乎雖不能全  
戒但能節慾則幾於道矣夫神爲子氣爲母  
氣經目爲泪經鼻爲蠟經舌爲津經外爲汗  
經內爲血經骨爲髓經腎爲精氣全則生氣



亡則死氣盛則壯氣衰則老常使氣不散則  
如子之有母氣散則如子喪父母何恃何怙  
夫神氣同體精髓一源陛下試一月靜寢必  
覺精神清爽筋骨強健古人云服藥千朝不  
如獨卧一宵藥爲草精爲髓去髓添草有何

致十一

五

益哉譬如囊中貯之金旋去金而添鐵久之  
金盡囊雖滿空遺鐵耳服藥之理夫何異乎  
古人以繼嗣之故娶婦而立家先聖周公孔  
子孟子各有子孔子四十而不惑孟子四十  
不動心人生四十已上氣血已衰故戒之在

色也陛下聖子神孫枝蔓多廣宜保養戒欲  
爲自計耳昔宋上皇本天人也有神仙林靈  
素者挈之神游上天入所居宮題其額曰神  
霄不飢不渴不寒不暑逍遙無事快樂自在  
欲久居之無復往人間之意林靈素勸之曰  
陛下天命人世有天子功限未畢豈得居此  
遂下人間自後女真國興太祖皇帝之將婁  
失虜上皇北歸久而老終于上京由是知上  
天之樂何啻萬倍人間又知因緣未終豈能  
遽然而歸也余昔年出家同道四人彼三子



先已昇化如蟬蛻然委此凡骨而去能化身  
千百無不可者余辛苦萬端未能去世亦因  
緣之故也夫人之未生在乎道中不寒不暑  
不飢不渴心無所思真爲快樂既生而受形  
眼觀乎色耳聽乎聲舌了乎味意慮乎事萬

事生矣古人以心意莫能禦也故喻心爲猿  
意爲馬其難制可知也古人有言曰易伏猛  
獸難降寸心乃成道昇天之捷徑耳道人修  
真鍊心一物不思量如太虛止水水之風息  
也靜而清萬物照之燦然悉見水之風來也

動而濁曷能鑑萬物哉本來真性靜如止水  
眼見乎色耳悅乎聲舌嗜乎味意著乎事此  
數者續續而疊舉若飄風之鼓浪也道人治  
心之初甚難歲久功深損之又損至於無爲  
道人一身耳治心猶難矧夫天子富有四海

日攬萬機治心豈易哉但能節色欲減思慮  
亦獲天祐況全戒者邪昔軒轅皇帝造弧矢  
創兵革以威天下功成之際請教于仙人廣  
成子以問治身之道廣成子曰汝無使思慮  
營營一言足矣余謂修身之道貴乎中和太



怒則傷乎身太喜則傷乎神太思慮則傷乎  
氣此三者於道甚損宜戒之也陛下既知神  
爲真己身是幻軀凡見色起心當自思身假  
神真自能止念也人生壽命難得且如鳥獸  
歲歲產子旋踵夭亡壯老者鮮嬰童亦如之  
是故二十三十爲之下壽四十五十爲之中  
壽六十七十爲之上壽陛下春秋已入上壽  
之期宜修德保身以介眉壽出家學道人惡  
衣惡食不積財恐害身損福故也在家修道  
之人飲食居處珍玩貨財亦當依分不宜

差也四海之外普天之下所有國土不啻億  
兆奇珍異寶比比出之皆不如中原天垂經  
教治國治身之術爲之大備屢有奇人成道  
昇天耳山東河北天下美地多出良禾美蔬  
魚鹽絲蠶以給四方之用自古得之者爲大

致十一

七

國所以歷代有國家者唯爭此地耳今已爲  
民有兵火相繼流散未集宜差知彼中子細  
事務者能幹官規措勾當與免三年稅賦使  
軍國足絲帛之用黔黎獲蘇息之安一舉而  
兩得之茲亦安民祈福之一端耳自天祐之



吉無不利也余萬里之外一召不遠而來修身養命之方既已先言治國保民之術何爲惜口余前所謂安集山東河北之事如差清幹官前去依上措畫必當天心苟授以非才不徒無益反爲害也初金國之得天下以創起東土中原人情尚未諳悉封劉豫於東平經畧八年然後取之此亦開創良策也願加意焉修身養命要妙之道傳之盡矣其治國保民之術微陳梗槩其用之捨之在宸衷之斷耳昔金國世宗皇帝即位之十年色欲過

節不勝衰憊每朝會二人掖行之自是博訪  
高道求保養之方亦嘗請余問修真之道余  
如前說自後身體康強行步如故凡在位三  
十年昇遐余生平學道心以無思無慮夢中  
天意若曰功行未滿當待時昇化耳幻身假

物若逆旅蛻居耳何足戀也真身飛昇可化  
千百無施不可上天千歲或萬萬遇有事奉  
天命降世投胎就舍而已傳道畢上諭之曰  
諄諄道誨敬聞命矣斯皆難行之事然則敢  
不遵依仙命勤而行之傳道之語已命近臣



錄之簡冊朕將親覽其有玄旨未明者續當  
請益焉

玄風慶會錄終



